

O LE EKALESIA A IESU KERISO O LE AU PAIA O ASO E GATA AI • AOKUSO 2015

# O Le Liahona



**O Soo ma le Puipuiga  
o le Faaipoipoga,  
i. 18, 28, 80**

**Saogalemu i Tulaga  
Faatonuina a le Atua, i. 24**  
**Faapipii, Tusi, Tuiti: Faalolovaia  
le Lalolagi i le Upumoni, i. 48**



*"Tou te iloa i latou i o latou fua. Pe tau mai ea tagata se fufui vine mai le laau tuitui, po o mati mai le laau talatala?"*

*"E faapea foi laau lelei taitasi ma fua mai i fua lelei; a o le laau leaga e fua mai i fua leaga."*

*"O lea foi tou te iloa ai i latou i o latou fua."*

Mataio 7:16–17, 20

# O Le Liahona, Aokuso 2015



18

## O SAVALI

- 4 **Savali a le Au Peresitene Sili: Tu Atu e Avea ma se Malamalama**  
Saunia e Peresitene Thomas S. Monson
- 7 **Savali a Faiaoga Asiasi: O Uiga Paia o Iesu Keriso—E Agamalu ma Lotomaualalo**

## TALA FAAALIA

- 18 **O Soo ma le Puipuiga o le Faaipoipoga**  
Saunia e Elder Russell M. Nelson  
*E tatau ona tatou puipuia tu ma aga o le faaipoipoga, ma folafola atu le finagalo o le Atua.*
- 24 **Tulaga Faatonuina Tumau a le Tama Faalelagi**  
Saunia e Elder Allan F. Packer  
*O le ola ai nei i tulaga faatonuina a le Atua o le a saunia ai i tatou mo le Faamasinoga Mulimuli.*
- 28 **O Le Folafolaga i le Aiga: E Fesoasoani i le Fenumiai Faaleaganuu**  
Saunia e Elder Bruce C. Hafen  
*O le faaipoipoga ma le tulaga faamatuua o filo taua tele i le mamanu o lo tatou ielino faaleagafesootai.*
- 34 **O Alii o Le Au Paia o Aso e Gata Ai ma le Tatalaina o Faaipoipoga**  
Saunia e Brent Scharman  
*I le taimi, ma ina ua mavae le faalavelave o le tatalaina o le faaipoipoga, e taua le faalatalata atu i lau fanau ma le talalelei.*

## I LE FAAVAA

Luma: Ata na pueina e Leslie Nilsson. I totonus o le faavaa pito i luma: Ata na Pueina e grapix/iStock/Thinkstock. I totonus o le faavaa i tua: Ata na pueina e mycola/iStock/Thinkstock.

## MATAGALUEGA

- 8 **Tusigāmanatu o le Konafesi o Aperila 2015**
- 10 **O Le Mea Tatou Te Talitonu I Ai: Matou Te Talitonu i le Lotomaualalo**
- 12 **Tala Fou o le Ekalesia**
- 14 **O Tatou Aiga, O Tatou Auaiga: O Se Toe Faatasiga Mamalu**  
Saunia e Susan L. ma C. Terry Warner
- 16 **Auaunaga i le Ekalesia: O Le Mana o le Faiaoga o Aiga**  
Saunia e Jeff B. Marler
- 17 **Ataata: O Le Faamalama i le Vaitaele**  
Saunia e Becky Heiner
- 38 **O Leo o Le Au Paia o Aso e Gata Ai**
- 80 **Seia Tatou Toe Feiloai: Sa ia Aoao Mai ia te Au le Faatulagaga Faalelagi o le Faavavau**  
Saunia e Elder Parley P. Pratt

42

**42 Onosai: E Silli Atu Nai****Lo le Faatalitali**

Saunia e Hillary Olsen

*O le onosai o lona uiga o le malosi o le faia o “mea uma [ma le fiafia] ua i ai i lo tatou mana” (MF&F 123:17).*

**46 Misiona po o le Tupe?**

Saunia e Gelzcke Felix Nogueira

*Pe o le auauana atu i se misiona o le a aoga i le osigataulaga tau tupe?*



60

**48 Faalolovaia le Lalolagi e ala i Faasalalauga Faaleagafesootai**

Saunia e Elder David A. Bednar

*Ua faamanuiaina e le Alii i tatou i le tekinolosi fou e fesoasoani e faalolovaia ai le lalolagi i le upu moni.*

**54 Fesili ma Tali**

*Sa tatala le faaipoipoga a o'u matua. E mafai faapefesa ona ou faamagaloina i laua?*

**56 O Le Fua mo se Aiga Fiafia**

Saunia e Mindy Anne Leavitt

*Ua aoaoina i tatou e le folafolaga i le aiga i auala e faamalolosia ai o tatou aiga ma fausia ni auaiga fiafia.*

**60 O Le Aso Sapati o se Aso Fiafia**

*Ua faamalamalama mai e le autalavou mai Europa Sasae le aisea ma le pe faapefesa ona latou tausia le aso Sapati ia paia.*

**62 Faatalitali ma le Faatuatua**

Saunia e Mikaeli Duarte da Silva

*Pe o le a auai ea isi tagata o lou aiga i le Ekalesia?*

64

**64 O Le Tuuga a Shelly**

Saunia e Jan Pinborough

*Sa popole lava Shelly e talanoa atu i lona tamā, seia oo ina ia maua-inia se faamanuiaga o le perisitua mai lona epikopo.*

**66 Fesoasoani! O Se Tasi o le a Tatalaina le Faaipoipoga**

Saunia e Katherine Nelson

*O ni tali e mafai ona fesoasoani ia te oe pe a tatala le faaipoipoga a ou matua.*

**68 Pa'i, O Oe!**

Saunia e Amie Jane Leavitt

*Pe mafai ona lava le lototele o Lauren e tu atu ai mo Ally?*

**70 Tu Atu mo le Mea Tonu****71 Musika: Ia Fai le Mea Tonu**Saunia e George L. Taylor  
ma A. C. Smyth**72 O Se Filifiliga Faigata**

Saunia e Amanda Michaelis

*Pe a vaai Diego i se taalogia vitio e leaga, e tatau ona ia fai a se filifiliga faigata.*

**74 Molimau Faapitoa: E mafai faapefesa ona ou saoloto pea?**

Saunia e Elder Quentin L. Cook

**75 E Mafai Ona e Salamo ma Faamagalo Atu****76 O Clara ma le Polokalama a le Peraimeri**

Saunia e Jane McBride Choate

**78 Taimi o Tusitusiga Paia: Ua Toe Faaola Mai e lesu ia Lasalo**

O Le Lomiga Faamaonia Faa-Samoa a le Ekalesia  
a Iesu Keriso o le Au Paia o Aso e Gata Ai

**Susuga a le Au Peresitene Sili:** Thomas S. Monson,  
Henry B. Eyring, Dieter F. Uchtdorf

**O Le Korama a Apostolo e Toasefululu:**

Boyd K. Packer, Russell M. Nelson, Dallin H. Oaks,  
M. Russell Ballard, Richard G. Scott, Robert D. Hales,  
Jeffrey R. Holland, David A. Bednar, Quentin L. Cook,  
D. Todd Christofferson, Neil L. Andersen

**Faatonu:** Craig A. Cardon

**Fautua:** Mervyn B. Arnold, Christoffel Golden,  
Larry R. Lawrence, James B. Martino, Joseph W. Sitati

**Pule Faatonusili:** David T. Warner

**Faatonusili o le Lagolago mo Aiga ma**

**Tagata o le Ekalesia:** Vincent A. Vaughn

**Faatonusili o Mekasini a le Ekalesia:** Allan R. Loyborg

**Pule o Mea Tau Pisini:** Garff Cannon

**Pule Faatonutonu:** R. Val Johnson

**Pule Faatonutonu Lagolago:** Ryan Carr

**Lagolago o Lomiga:** Lisa Carolina López

**Au Tusitusi ma Faatonutonu:** Brittany Beattie,  
David Dickson, David A. Edwards, Matthew D. Flitton,  
Lori Fuller, Garrett H. Garff, LaRene Porter Gaunt, Mindy  
Anne Leavitt, Michael R. Morris, Sally Johnson Odekirk,  
Joshua J. Perkey, Jan Pinborough, Richard M. Romney,  
Paul VanDenBerghe, Marissa Widdison

**Pule Faatonusili Tusiata:** J. Scott Knudsen

**Faatonusili Tusiata:** Tadd R. Peterson

**Au Mamanu:** Jeanette Andrews, Fay P. Andrus,  
Mändie M. Bentley, C. Kimball Bott, Tom Child, Nate  
Gines, Colleen Hinckley, Eric P. Johnsen, Susan Lofgren,  
Scott M. Mooy, Mark W. Robison, Brad Teare, K. Nicole  
Walkenhorst

**Faatonu o le Puletaofia ma Fatufatuga:**

Collette Nebeker Aune

**Pule i le Gaosiga:** Jane Ann Peters

**Au Gaosi:** Connie Bowthorpe Bridge, Julie Burdett,  
Katie Duncan, Bryan W. Gygi, Denise Kirby, Ginny J.  
Nilson, Gayle Tate Rafferty

**Tailolomi:** Jeff L. Martin

**Faatonusili Lolumiga:** Craig K. Sedgwick

**Faatonusili o le Tufatufaga:** Stephen R. Christiansen

Mo le okaina o mekasini, alu i le store.lds.org po o le  
Faletusi Tutotonu i Pesega. Telefoni 64127. Totogi o le  
Mekasini: \$0.55 (Samoa) i le kopu. Totogi mo le Tausaga  
Atoa \$6.60 (Samoa).

**Auina atu tusitusiga ma faafesili i luga o le  
initoneti i le liahona.lids.org:** pe meli mai i le *Liahona*,  
Rm. 2420, 50 E. North Temple, Salt Lake City, UT 84150-  
0224, USA; po o le i-meli: liahona@ldschurch.org.

*O Le Liahona* (o lona uiga i le Tusi a Mamona o le  
“tapasa” po o se “faatonuala”) e lomia i le faa-Alepania,  
Aminia (Sasae), Pisilama, Palekeria, Kemupotia, Sepuanu,  
Saina, Kalotia, Siekislovakia, Tenimaka, Take, Igilisi,  
Estonia, Fiti, Finelani, Farani, Sihamani, Eleni, Hanikeri,  
Initu, Iselani, Indonésia, Italia, Iapani, Kiripati, Korea,  
Latvia, Litunia, Malakasa, Maselai, Monokolia, Nouei,  
Polani, Potukale, Romania, Rusia, Samoa, Saina  
(ua faafagofieina), Silovenia, Sipanirolo, Suetena,  
Swahili, Tagaloka, Tahiti, Tai, Toga, Iukureini, Urutu,  
ma Viatename. (E eseese lava gagana.)

© 2015 Puletaofia e le Intellectual Reserve, Inc. Ua taofia  
aia tatua uma. Lomia i le lunaite Setete o Samoa.

E mafai ona kopu tala ma ata o le *Liahona* mo le toe  
faaoagaina i lotu po o le aiga ae ia le faia ai ni pisinisi. E  
le tatau ona kopu ni tala po o ni ata pe afai o faasa mai i  
le laina o loo tāua le i le ona lea fatufugava. Auina atu  
fesili e uiga i le puletaofia i le Intellectual Property Office,  
50 East North Temple Street, Salt Lake City, UT 84150,  
USA; i-meli: cor-intellectualproperty@ldschurch.org.

**For Readers in the United States and Canada:**

August 2015 Vol. 39 No. 8 O LE LIAHONA (USPS 311)  
Samoan (ISSN 1045-0947) is published monthly by The  
Church of Jesus Christ of Latter-day Saints, 50 East North  
Temple, Salt Lake City, UT 84150. USA subscription price  
is \$10.00 per year; Canada, \$12.00 plus applicable taxes.  
Periodicals Postage Paid at Salt Lake City, Utah. Sixty days'  
notice required for change of address. Include address  
label from a recent issue; old and new address must be  
included. Send USA and Canadian subscriptions to Salt  
Lake Distribution Center at address below. Subscription  
help line: 1-800-537-5971. Credit card orders (Visa,  
MasterCard, American Express) may be taken by phone.  
(Canada Poste Information: Publication Agreement  
#40017431)

POSTMASTER: Send all UAA to CFS (see DMM 707.4.12.5).  
NONPOSTAL AND MILITARY FACILITIES: Send address  
changes to Distribution Services, Church Magazines,  
P.O. Box 26368, Salt Lake City, UT 84126-0368, USA.

# Manatu Mo Afiafi Faaleaiga

O lenei lomiga o loo aofia ai tusiga ma gaoioiga e mafai ona faaaoga mo afiafi faaleaiga.  
O faataitaiga nei e lua.



**“O Soo ma le Puipuiga o le Faaipoipoga,”**  
itulau e 18: Mafaufau i auala e mafai ona  
avea ai oe o sē e “puipuia le faaipoipoga”  
i lou lava aiga. Pe sa tou faia ea se talano-  
aga ma lau fanau e uiga i a latou faa-  
ipoipoga i le lumanaia, po o faapefea ona  
ese le vaaiaga a le Ekalesia i le faaipoipoga  
mai le lalolagi? Pe ua e faasoatua ea ou  
lagona e uiga i le faaipoipoga i lau fanau?  
Pe ua e aoaoina i latou i aoaoaga a perofeta  
ma apostolo e uiga i le faaipoipoga? I  
le taimi o se afiafi faaleaiga, ia mafaufau  
e talanoaina nei autu, e faaaoga ai le  
“O Le Aiga: O Se Folafolaga i le Lalolagi,”  
(*Liahona*, Nov. 2010, 129).

**“Faalolovaia le Lalolagi e ala i Ala  
o Faasalalauga Faaleagafesootai,”**

itulau e 48: A uma ona faitau le tusiga lenei,  
ia talanoaina o se aiga le auala e mafai ai,  
e pei o le saunoaga a Elder Bednar, ona  
“faaaoga ala o faasalalauga faaleagafesoo-  
tai e faailoa atu ai savali o le talalelei,” i le  
mulimuli i taiala o loo fautuaina mai e ia. E  
mafai ona faasoatua atu upusii mai le au Pulega  
Aoao i le lau itulau o le Facebook pe faapipi  
ai ata o au tusitusiga paia e te fiafia i ai i le  
Instagram. Atonu e maua e lou aiga sa outou  
lava saite e faaaoga pe a outou faapipi ni ata  
e faatatau i le talalelei po o upusii (e pei o le  
au paia o e na amataina le #LDSconf).

## I LAU GAGANA

O loo maua le *Liahona* ma isi mea e faaaoga a le Ekalesia i le tele o gagana i le languages.  
lds.org.

## AUTU I LENEI LOMIGA

*E ta'u mai e numera le itulau muamua o le tusiga.*

**Agaga Paia,** 40

**Agavaa,** 24

**Aiga,** 14, 17, 18, 28, 56,  
62, 80

**Ala o faasalalauga  
faaleagafesootai,** 48

**Alofa,** 18, 56, 68

**Amio Sa'o,** 24

**Aso Sapati,** 60

**Auai i le Lotu,** 38, 60

**Faaipoipoga,** 18, 28, 80

**Faamagaloga,** 54, 56,  
66, 75

**Faamanuiaga o le  
perisitua,** 64

**Faamaualuga,** 10

**Faataitaiga,** 4, 48, 68

**Faaugoa,** 68, 72

**Faiaoga o aiga,** 16

**Faitalia,** 24, 70, 72, 74

**Galuega,** 56

**Galuega faafafeatalai,**  
41, 46, 48

**Galuega faalemalumalu,**  
14, 62

**Iesu Keriso,** 7, 78

**Liua,** 14, 62

**Lotomaualalo,** 7, 10

**Lototele,** 64, 71, 72, 76

**Molimau,** 4, 48

**Onosai,** 42, 62

**Salamo,** 56, 75

**Sauaina,** 68

**Sefuluai,** 46

**Talafaasolopito o aiga,** 39

**Tatalaina o le Faaipo-  
ipoga,** 34, 54, 64, 66

**Tatalo,** 39, 40, 56, 64, 76

**Taulaga,** 46

**Tulaga Faamatua,** 28, 34

**Tulaga faatonuina,** 24, 70

**Tusi a Mamona,** 41

**Usiusitai,** 24, 70



Saunia e  
Peresitene  
Thomas S. Monson

**S**a ou maua le avanoa e auai ai i le tele o faafiafiaga faaleaganuu sa faia i le faapaiaga o malumalu. Sa ou fiafia i na faafiafiaga uma, e aofia ai le faafiafiaga e sili ona lata mai nei sa ou auai ai i Phoenix, Arisona, ISA, ia Novema talu ai.

O le autalavou o le Au Paia o Aso e Gata Ai sa auai i ni polokalama o faafiafiaga faaleaganuu ofoofogia, ma e manatua pea. O le tausaga ua mavae i Phoenix, a o lei faia le faafiafiaga, sa ou fai atu i e auai, "O outou o fanau o le malamalamala."

Oute manao i talavou uma o le Ekalesia ia iloa o i latou o fanau o le malamalamala. O lea tulaga, ua ia i latou se tiute-tauave ia avea e "faapei o mea e faamalamalamala ai le lalolagi" (Filipi 2:15). Ua ia i latou se tiute e faasoa atu upumoni o le talalelei. E i ai sa latou valaauga e tu atu o se sulu o le malumalu, e faasusulu atu le malamalamala o le talalelei i se lalolagi ua faateteleina le pogisa. Ua ia i latou se tiute e faatumauina le susulu pea o le malamalamala ma ia mu saesae.

Ina ia mafai ona avea i tatou "o se faaaoao i e ua faatuatua" (1 Timoteo 4:12), e tatau ona talitonu i tatou lava. E tatau ona tatou atiina ae le faatuatua e manaomia e ola ai faaleagaga, ma saunia se malamalamala mo isi. E tatau ona tatou faafeileina a tatou molimau seja oo ina avea ma se taula i o tatou olaga.

O nisi o auala e sili ona lelei e maua ai ma faatumau ai le faatuatua tatou te manaomia i le aso o le faitau ma sue-sue i tusitusiga paia ma ia tatalo e le aunoa ma le filiga. I le autalavou o le Ekalesia, ou te fai atu, afaei e te lei faia lenei mea, ia atiina ae nei se mausa o le suesueina o tusitusiga paia i aso taitasi ma le tatalo. A aunoa ma nei faatinoga taua e lua, o uunaiga mai i fafo atu o le Ekalesia ma o nisi taimi o le faigata o le olaga nei e mafai ona faaitiitia ai peiu ai lava ina faaumatia lo outou malamalamala.

E le faigofie tausaga o le talavou. O ni tausaga e aupito taua e faaosooosoina ai outou e Satani ma na fai ai le mea



# TU ATUE AVEA MA SE MALAMALAMA

sili e faatosina ese ai outou mai le ala lea o le a taitai atu ai outou e toe foi atu i lo outou aiga faalelagi. Ae a o outou faitau ma tatalo ma a o outou auauna atu ma usiusitai, o le a oo ina outou iloa lelei le "o le malamalamala ua susulu i le pouliuli" (MF&F 6:21), o lo tatou Faataitaiga ma lo tatou malosi—e oo lava i le Alii o Iesu Keriso. O Ia o le Malamalamala e tatau ona tatou uuina i luga ma faamalamalamala ai le pogisa o loo faateteleina (tagai i le 3 Nifae 18:24).

Faatasi ai ma se molimau malosi i le Faaola ma Lana talalelei toefuataiina, e leai se tapulaa o avanoa e susulu atu ai. E siomia ai oe i aso taitasi, i soo se tulaga e maua ai outou lava. A o e mulimuli i le faataitaiga a le Faaola, o au faataitaiga o le a avea ma avanoa e avea ai ma se malamalamala, pei ona sa i ai, i olaga o i latou o loo siomia ai oe—pe o i latou o ni tagata o lou lava aiga, uo i le vasega, tagata faigaluega-faatasi, na o ni tagata masani, po o ni tagata ese.

Pe a avea oe o se malamalamala i le lalolagi, o le a lagannina e tagata o loo siomia oe se agaga faapitoa lea o le a latou mananao ai e faifai mea faatasi ma oe ma mulimuli i lau faataitaiga.

Ou te aioi atu i matua ma taitai o a tatou autalavou e fesoasoani ia i latou e tutu mausali mo le upumoni ma le



amiontonu. Fesoasoani e tatala faalautele i la latou vaaiga ia faitotoa o le aoaoina, o le malamalama, ma le auauna atu i le malo o le Atua. Fausia i totonusi o i latou le malosi e tetee atu ai i faaososoga a le lalolagi. Tuu atu ia te i latou le naunautaiga e savavali i le mama ma le faatuata, ia maua le agaga tatalo, ma vaai atu i le lagi e avea ma lo latou taula i taimi uma.

I la tatou autalavou, ou te faapea atu, e alofa lo tatou Tama Faalelagi ia te outou. Tau ina ia outou lagonaina foi le alofa ua i ai i tai-tai o le Ekalesia mo outou. Ia outou maua se manao e auauna atu i lo outou Tama Faalelagi ma Lona Alo. Ma ia outou savavali i le upumoni ma laulaututu e fai ma se malamalama i fanau a le Atua. ■

#### AOAO ATU MAI LENEI SAVALI

**M**afaufau e talanoaina faatasi ma i latou e te aoaoina le uiga o le avea ma se “[tamaititi] o le malamalama.” O a tiutetauave e manaomia ai? E mafai ona outou talanoaina ni taimi na matua susulu malosi ai lo latou malamalama ma le mafuaaga na susulu malosi ai. Mafaufau e fai atu ia te i latou e mafaufau i se tagata faapitoa, e pei o se talavou, se tagata e faigaluega-faatasi, po o se tasi o lo latou aiga, atonu o loo manaomia le malamalama. Ona mafai lea ona outou tatalo faatasi e uiga i se auala e faasoatua ai le malamalama i lena tagata.

### Faailo o le Malamalama

**U**a aoao mai Peresitene Monson e faapea o le autalavou a le Ekalesia "e i ai se valaauga e tu atu o se faailo o le malumalu, e faasusulu atu le malamalama o le talalelei i se lalolagi ua faateteleina le pogisa." Ua ia tuuina mai ni nai auala e mafai ona e faia ai lenei mea:

- Faasoa atu le talalelei
- Talitonu
- Atiina ae le faatuatua
- Ia avea ma malamalama i isi
- Faafalele lau molimau seja oo ina ua avea ma se taula i lou olaga
- Faitau ma suesue i tusitusiga paia



- Tatalo e le aunoa ma i taimi uma
- Auauna Atu
- Usitai

Mafaufau e fuaina oe lava mai le 1 i le 5 i nei vaega taitasi. Mo eria e i ai se sikoa pito i lalo, e mafai ona e suesue i nei autu i tusitusiga paia po o le suesue i ai i luga o LDS.org. Ina ua uma ona e suesue i nei autu, e mafai ona e mafaufau i ni auala e mafai ona e faamalosia ai nei vaega ma faatutu ni sini e faia ai lena mea.

## TAMAITI

### Faasusulu Atu Lou Malamalama

**I**le avea ai o se atalii o le Atua, o oe o se atalii o le malamalama. E mafai ona e maua le malamalama atili i le mulimuli i lo tatou Faaola o lesu Keriso. O lesu Keriso ma le Tama Faalelagi e alolofa ia te oe ma e finagalo ia e susulu atu mo isi, ma taitai atu i latou ia Keriso. E mafai ona e susulu atu tau lava o le avea ai ma oe pe a e mulimuli i poloaiga, e pei o le tatalo ma le faitauina o tusitusiga paia. Faatumu fetu o i lalo i manatu pe faapefea ona e susulu atu mo isi e fai ma faataitaiga o lesu Keriso. Ua uma ona faia le lua muamua mo oe. Valivali fetu.



*Ia suesue ma le agaga tatalo lenei savali ma saili ia iloa mea e faasoa atu. O le a mafai faapefea e le malamalamā i le sofiuaga ma matafaioi a le Faaola ona faateleina lou faatuatua ia te Ia ma faamamuiaina ai i latou o loo e tauisia e ala i le faiaoga asiasi? Mo nisi faamatalaga, alu i le reliefsony.lds.org.*

## O Uiga Paia o Iesu Keriso: E Agamalu ma Lotomaualalo

*O se vaega lenei o se faasologa o Savali a Faiaoga Asiasi e faauatu i uiga paia o le Faaola.*

**N**a fetalai Iesu, “O lē sili ia te outou, ia avea o ia e pei o le aupito ititi; o le pule foi, ia pei o le auauna ia. Aua po o ai le sili, o le taoto ea e ai, po o le e auauna mai? e le o lē taoto e ai ea? a o au nei, o loo ia te outou pei o le auauna lava” (Luka 22:26–27).

“O lea le mafuaaga ua avea ai le Faaola ma o tatou faataitaiga silisili o le mana o le lotomaualalo ma le usiusitai. Ina ua mavae mea uma, sa Ia tuuina atu Lona finagalo i le Tama ma taunu ai le mea silisili ua tupu i le talafaa-solopito uma. Atonu o nisi o upu sili ona paia i mea uma i tusitusiga paia e faigofie lava, ‘Le o lo’u loto, a o lou finagalo, ia faia’ (Luka 22:42).<sup>1</sup>

I le avea ai ma soo o Iesu Keriso, tatou te saili e le aunoa e faapei o Ia. “O le agamalu e taua mo i tatou e avea atili e faapei o Keriso,” o le saunoaga lea a Elder Ulisses Soares o le Fitugafulu. A aunoa ma le [agamalu] e le mafai ona tatou atiina ae isi uiga mama taua. O le agamalu, e le faapea ua vaivai, ae o le amioa’i ma le amio



lelei ma le agalelei, o loo faaalia ai le malosi, toofilemu, o le taua o le faatauaina lelei o oe lava ia, ma le loto pulea.”<sup>2</sup> A o tatou galulue e atiina ae lenei uiga, o le a tatou iloa o le “auina atu ma le lotomaualalo o tatou loto i le Tama e aumaia ia i tatou le faateleina o le malosi o le Atua—le mana o le lotomaualalo. O le mana e fetaiai ai ma faigata o le olaga, o le mana o le filemu, o le mana o le faamoemoe, o le mana o se gaepu faatasi ai ma se alofa ma le molimau a le Faaola o Iesu Keriso ma le loto, e oo lava i le mana o le togiola.”<sup>3</sup>

### Mau Faaopoopo

Mataio 26:39; Ioane 5:30;  
Mosaea 3:19; Helamana 3:35

### Mafaufau i le Mea Lenei

Pe mafai faapefea e le lotomaualalo ona fesoasoani ia i tatou e alolofa e pei ona faia e le Faaola?

Faatuatua,  
Aiga, Toomaga



### Mai Tusitusiga Paia

O se tasi o taimi sili ona matagofie ma aupito sili ona mamana o le galuega a Keriso, ina ua la mulumuluina vae o Ona soo.

“Ona tu lea o ia i luga ao fai le talisuaga, ua tuuese ona ofu; ua tago foi i le ie soloi, ua fusi ia te ia. Ona liligi lea e ia o le vai i le ipu e mulumulu ai, ua mulumulu i vae o ona soo, ma soloi ai i le ie soloi ua ia fusi ai” (Ioane 13:4–5).

A o faalaulioa mai e le Faaola lenei sauniga, atonu na lofituina le au soo i lo latou Alii ma le Matai na tootuli ifo i o latou luma ma faia se auaunaga ua faapea ona matuai agamalu. Ona faamalamalama atu lea e Iesu o le lesona sa la finagalo ia i latou ma i tatou uma ia aoao ai:

“O lenei afai o au le Alii, ma le Aoao, ua ou mulumuluina o outou vae, e tatau ona outou femulumuluai o outou vae.

“Aua ua ou avatu le faaaoao ia te outou, e pei ona ou faia ia te outou, ia faapea lava e outou ona fai” (Ioane 13:14–15).

### FAAMATALAGA

- Richard C. Edgley, “O Le Mana o le Lotomaualalo,” *Liahona*, Nov. 2003, 99.
- Ulisses Soares, “Ia Agamalū ma Mauualalo le Loto,” *Liahona*, Nov. 2013, 9.
- Richard C. Edgley, “O Le Mana o le Lotomaualalo,” 99.

# TUSIGĀMANATU O LE KONAFESI O APERILA 2015

“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o au auauna, ua tutusa lava” (MF&F 1:38).

A o e iloiloina le konafesi aoao ia Aperila 2015, e mafai ona e faaaogaina itulau nei (ma Tusigāmanatu o le Konafesi i lomiga i le lumana) e fesoasoani ai ia te oe e suesue ma faaaoga aoaoga talu ai nei a perofeta soifua ma apostolo ma isi taitai o le Ekalesia.

## MATAUPU FAAVAE UA FAAMAMAFAINA



## O Se Sapati Paia

“E faapefea ona tatou *faapaiaina* le aso Sapati? A o ou laitiiti, sa ou suesue i lisi na faia e isi e faatatau i mea e fai ma mea e *lē* faia i le Sapati. O se taimi mulimuli ane sa ou iloa ai mai tusitusiga paia o la’u amio ma o’u uiga i le Sapati o le a avea ma se *faailoga* i le va o a’u ma lo’u Tama Faalelagi. Faatasi ai ma lena malamalamaaga, sa ou le toe manaomia ni lisi o mea e faia ma mea e *lē* faia. Pe a manaomia ona ou faia se filifiliga pe o se gaoi-oiga talafeagai pe leai foi mo le Sapati,

e na o lo’u fesili lava ia te au, ‘O le a le *faailoga* ou te manao e avatu i le Atua?’ O lena fesili e matua ta’u manino mai ai lava a’u filifiliga e uiga i le aso Sapati. . . .

“O le faatuatua i le Atua o se tau-nuuga o le alofa mo le Sapati; o le faatuatua i le Sapati o se taunuuga o le alofa mo le Atua. O le Sapati paia o se aso fiafia moni lava.”

Elder Russell M. Nelson o le Korama a Apostolo e Toasefululua, “O Le Sapati o Se Aso Fiafia,” o le *Liahona*, Me 2015, 130, 132.

## FOLAFOLAGA FAAPEROFETA



## O Taulaga Anapogi e Suia ai Loto

“I le Eklesia i nei aso ua ofo mai ai ia i tatou le avanoa e anapopogi ai faatasi i le masina ma tuu atu se taulaga ana-pogi limafoai i lo tatou epikopo po o le peresitene o le paranesi mo le manuia o lē mativa ma lē tagolima. . . .

“. . . O se vaega o lau taulaga ana-pogi ma la’u taulaga i lenei masina o le a faaaogaina e fesoasoani ai i se tasi, i se mea, o ē o le a lagonaina e le Alii lo latou toomaga e peiseai o Lona lava la toomaga. . . .

“O le a sili atu mea e faia e lau taulaga anapogi nai lo le fesoasoani atu e fafaga ma faalavalava ni tino. O le a faamaloloina ma suia ai loto. O le fua o se taulaga e faia ma le lotomalie atomu o se manao i le loto o le tagata na mauaina ia aapa atu foi i isi o loo mafatia. O loo tupu lena mea i le lalolagi atoa.”

Peresitene Henry B. Eyring, Fesoasoani Muamua i le Au Peresitene Sili, “E Le o Lenei Ea le Anapogi Ou te Loto I Ai?” o le *Liahona*, Me 2015, 23, 24


## O LE ATA O LE FAAOLATAGA

"E le itiiti ifo i le fa ni mea e manaomia mo le manuia o lenei fuafuaga paia," o le tala lea a Elder D. Todd Christofferson. Sue le tali i lana saunoaga, "Aisea e Faaipoipo Ai, Aisea e Fai ai se Aiga," 50.

1. "O le Foafoaga o le \_\_\_\_\_ e avea ma o tatou nofoaga e nonofo ai."
2. "O le Pa'ū [o Atamu ma Eva] na oo mai ai se iloa o le \_\_\_\_\_ ma le \_\_\_\_\_ ma le mana na tuuina mai e le Atua e \_\_\_\_\_. O le mea mulimuli, o le Pa'ū na aumai ai le \_\_\_\_\_ faaletino lea e manaomia ona faia ai lo tatou taimi i la le tino ia lē tumau ina ia tatou le ola e faavavau i a tatou agasala."
3. "Ua tatou vaai i le matafaioi a le oti i le fuafuaga a lo tatou Tama Faalelagi, ae o lena fuafuaga o le a le aoga e aunoa ma se auala e faatoilalo ai le oti i le iuga, \_\_\_\_\_ ma le \_\_\_\_\_. O le mea lea, na puapuagatia ai le Faaola, o le Alo Pele e Toatasī na Fanaua e le Atua, o Iesu Keriso, ma maliu e togiola mo le solitulafono a Atamu ma Eva, lea ua maua ai le \_\_\_\_\_ ma le tino ola pea mo tagata uma."
4. "Sa faaunuina e le Atua ia faaipoipo alii ma tamaitai ma fanauina ai fanau, ma o lea e foafoaina ai, i le faapaaga ai ma le Atua, ia tino faitino ia ua avea ma autu o le \_\_\_\_\_ o le olaga nei ma e \_\_\_\_\_ i le mamalu e faavavau faatasī ma la."

4. suega, e taea

Tali: 1. laiolagi; 2. lelei, leaga, filifili, oti; 3. faaletino, faaleagaaga, toteu;



## O TALI MO OE

E tuuina mai i konafesi taitasi, e perofeta ma apōsetolo ni tali musuia i fesili atonu o i ai a tagata o le Ekalesia. Faaaoga lau lomiga o Me 2015 pe asiisi i le conference.lds.org e sue ai tali i fesili nei:

- O le a le "mata'u faaleatua", ma o le a le auala e mafai ona faamanuiaina ai o tatou olaga? Tagai David A. Bednar, "O Lea Na Latou Faafilemu Ai Lo Latou Matata'u," 46.
- O a ni mea sili ona taua o aga masani faalelotu i le aiga e fesoasoani i tamaiti e iloa ai e alofaina ma saogalemu i latou? Tagai Quentin L. Cook, "O Le Alii o Lo'u Malamalamā la," 62.
- E faapefea e le malamalamā i le sootaga o le faamasinoga tonu, alofa, ma le alofa mutimutivale ona fesoasoani ia i tatou ia malamalamā i le Eseta ma le Togiola a Iesu Keriso? Tagai Jeffrey R. Holland, "Pe a Faatasia le Faamasino Tonu, Alofa ma le Alofa Mutimutivale," 104.

Ina ia faitau, matamata, pe faalogologo foi i saunoaga o le konafesi aoao, asiisi ane i le **conference.lds.org**.

# MATOU TE TALITONU I LE LOTOMAUALALO

*“O tagata faamaualuluga e sili atu ona fefefe i faamasinoga a tagata nai lo o faamasinoga a le Atua. ‘O le a se manatu o tagata ia te a’u?’ e sili atu ona mamafa nai lo le “O le a se finagalo o le Atua ia te a’u?” —Peresitene Ezra Taft Benson*

na ua avea i tatou ma tagata o le Ekalesia a Iesu Keriso, tatou te osi feagaiga e manatua pe a o Ia, tauave Lona suafa i o tatou luga, ma tausi Ana poloaiga (tagai i le MF&F 20:77). Soo se agasala lava e taofia ai i tatou mai le tausia o lenei feagaiga, ae o loo i ai se agasala se tasi, i luga ae o isi uma [agasala], e tatau ona tatou aloese mai ai ona e taitai atu ai i le tele o isi [agasala]: o le faamaualuga.

“E toatele i tatou e mafaufau i le faamaualuga o le manatu o le tagata ua na’o ia lava, faasausili, fiatagata, fiamatamuamua, po o le fialoa,” na aoao mai ai Peresitene Ezra Taft

Benson (1899–1994). “O nei mea uma o elemene ia o le agasala, ae o le fatu, po o le ‘auga, o loo misi lava.’ Sa ia fai mai “o le ‘auga autu lava o le faamaualuga o le ita [lotoita po o le inoino] —ita i le Atua ma le ita i o tatou uso a tagata.”<sup>1</sup>

O le inoino i le Atua “o le agaga o le ‘lo’u loto ae le o lou faia.’ . . . E le mafai ona talia e le tagata faamaualuga le pule a le Atua e tuuina atu le taitaiga i o latou olaga. . . . E mananao ē faamaualuluga ia ioe mai le Atua ia i latou. Latou te le mananao e sua o latou taofi e ioe ai i le finagalo o le Atua.”<sup>2</sup>

E tele auala e faaalia ai, e pei o le saili masei, faitatala, faatuāupua, mui-mui, ola fiatele, matau'a, manaonao fua, leai se lotofaaftetia ma se faamalo e ono siitia ai se isi, ma le lē loto faamagalo ma le lotoleaga.”<sup>3</sup>

O le faamaualuga e faalavelavea ai lo tatou alualu i luma, e faaleaga ai a tatou sootaga, ma taofia le auaunaga tatou te tuuina atu. Na fautua mai e Peresitene Benson lenei tali: “O le vaifofo mo le faamaualuga o le lotomaualalo—agamalu, usitai. O le loto momomo ma le agaga salamo lea.”<sup>4</sup> Sa ia aoao mai e faapea “o le lotomaualalo e tali atu i le finagalo o le Atua—i le mata'u i Ana faamasinoga ma i manaoga o i latou o loo siomia i tatou. . . . Ia tatou filifili e lotomaualalo.”<sup>5</sup>

O ata nei o loo faaalia ai auala e mafai ai ona tatou filifili ia lotomaualalo. ■

Ua ofoina mai e tusitusiga paia le tele o lapataiga e uiga i le faamaualuga, e pei o Faataoto 16:18; Esekielu 16:49–50; Mataupu Faavae ma Feagaiga 23:1; 38:39.

## FAAMATALAGA

1. Aoaoga a Peresitene o le Ekalesia: Ezra Taft Benson (2014), 259.
2. Aoaoga: Ezra Taft Benson, 259.
3. Aoaoga: Ezra Taft Benson, 263.
4. Aoaoga: Ezra Taft Benson, 267.
5. Aoaoga: Ezra Taft Benson (229), 267.



## O LE TAMALII SILI ONA LOTOMAUALALO

“O le tamalii silisili, sili ona malosi, sili ona atamai na savalia lenei lalolagi, o le

tamalii sili foi lea ona lotomaualalo. Sa la faatinoina nisi o Ana auaunaga sili ona faagaeetiaina i taimi patino, faatasi ai ma ni nai tagata sa iloaina, ia sa la faatonuina ia ‘aua nei tala atu i se tasi’ mea sa la faia [tagai Luka 8:56]. Pe a ta’ua o la e se tagata e ‘lelei,’ e

vave lava ona la toe faasino sao atu lea upu lelei, ma tautino atu ua na o le Atua lava e lelei moni [tagai Mareko 10:17–18]. Ua manino lava e leai se taua o viiga o le lalolagi ia te la. . . . O le a lelei ona tatou mulimuli atu i le faataitaiga a lo tatou Matai.”

Peresitene Dieter F. Uchtdorf, Fesoasoani Lua i le Au Peresitene Sili, “E Faatatau I Le Faamoni,” *Liahona*, Me 2015, 83.

E mafai ona tatou  
faaali atu le loto-  
maualalo e ala i le:



Taliaina o fautuaga  
ma aoaiga.




Tuuina atu o auauanga  
lē manatu faapito.



Tatalo ma le manatu moni i ai.



Auauna atu i se misiona.



Faia o galuega o  
talafaasolopito o  
aiga ma auai atu  
soo i le malumalu.

# TALA FOU O LE EKALESIA

Asiasi ane i le news.lds.org mo se faaopoopoga o tala fou ma mea e tutupu i le Ekalesia.

## Ua Tofia Taitai Fou o Eria

**U**a faasilasila mai e le Au Peresitene Sili ia suiga nei i tofiga faaleautaitai i eria e amata atu i le aso 1 o Aokuso 2015. O uso uma o Au Peresitene o Eria o ni uso o le Korama Muamua po o le Korama Lua a Fitugafulu.

Ua tofiaina Fitugafulu e ala i faa-aliga, i lalo o le taitaiga a le Au Peresitene Sili, e fesoasoani i le Korama a Apostolo e Toasefululua i la latou auaunaga i le lalolagi atoa.

“O le talafaasolopito o Fitugafulu e toe foi lava i le Feagaiga Tuai,” o le saunoaga lea a Peresitene Boyd K. Packer o le Korama a Apostolo e Toasefululua<sup>1</sup> O le faasinoga muamua

i Fitugafulu o loo maua i le Esoto 24:1, ma o loo faasino mulimuli ane i ai i le Numera 11:16–17, 25, ina ua faapotopotoina mai i latou e fesoasoani ia Mose.

I le taimi o le misiona faaletino a Keriso sa Ia valaaulia ia Fitugafulu, faatonu i latou i se auala e tutusa lava ma le au Apostolo e Toasefululua ma auina atu ia te i latou “ai ona luma”, faamatala atu o le a faalogo foi i latou o e faalogo i o latou leo i Lona siufogaga (tagai i le Mataio 10:1, 16–17 Luka 10).

“Matou te talitonu i le faatulagaga sa i ai i le Ekalesia Anamua,” ona

saunoa ai Peresitene Packer. “Ma e ao-fia ai ma Fitugafulu.” (Tagai i le Mata-upu Faavae o le Faatuatua 1:6.) I lenei vaitaimi o le televave o le tuputupu ae o le Ekalesia, e taua tele le matafaioi o loo faataunu ai e Fitugafulu e lagolago ai i le au Toasefululua.

“O Fitugafulu e ala i le faamatuu atu e mafai ona faia soo se mea e tau atu e le au Toasefululua ia i latou e fai,” na saunoa ai Peresitene Packer.<sup>2</sup> ■

### FAAMATALAGA

1. Boyd K. Packer, i “O Le Toasefululua ma Fitugafulu, Vaega Tasi: Faaaliga ma le Matafaioi o Fitugafulu” (vitio), LDS.org.
2. Boyd K. Packer, i “O Le Toasefululua ma Fitugafulu.”

### Au Peresitene o Fitugafulu



Ronald A.  
Rasband  
E lagolago  
i eria uma



L. Whitney  
Clayton  
Iuta i Matu  
Iuta Aai  
o Sate Leki  
Iuta i Saute



Donald L.  
Hallstrom  
Amerika i Matu  
Matusasae



Richard J.  
Maynes  
Amerika i Matu  
Matusisifo  
Amerika i Matu  
Sisifo



Craig C.  
Christensen  
Idaho  
Amerika i Matu  
Tutotonu



Ulisses  
Soares  
Amerika i Matu  
Sautesasae



Lynn G.  
Robbins  
Amerika i Matu  
Sautesisifo

### Aferika i Sautesasae



Stanley G.  
Ellis  
Fesoasoani  
Muamua



Carl B.  
Cook  
Peresitene



Kevin S.  
Hamilton  
Fesoasoani  
Lua

### Aferika i Sisifo



Terence M.  
Vinson  
Fesoasoani  
Muamua



LeGrand R.  
Curtis Jr.  
Peresitene



David F.  
Evans  
Fesoasoani  
Lua

### Asia



Randy D.  
Funk  
Fesoasoani  
Muamua



Gerrit W.  
Gong  
Peresitene



Chi Hong (Sam)  
Wong  
Fesoasoani  
Lua

## Asia i Matu



Kazuhiko  
Yamashita  
**Fesoasoani  
Muamua**



Scott D.  
Whiting  
**Peresitene**



Yoon Hwan  
Choi  
**Fesoasoani Lua**

## Pasila



Jairo  
Mazzagardi  
**Fesoasoani  
Muamua**



Claudio R. M.  
Costa  
**Peresitene**



Marcos A.  
Aidukaitis  
**Fesoasoani  
Lua**

## Keripiane



Claudio D.  
Zivic  
**Fesoasoani  
Muamua**



J. Devn  
Cornish  
**Peresitene**



Hugo E.  
Martinez  
**Fesoasoani  
Lua**

## Amerika Tutotonu



Adrián  
Ochoa  
**Fesoasoani  
Muamua**



Kevin R.  
Duncan  
**Peresitene**



Jose L.  
Alonso  
**Fesoasoani  
Lua**

## Europa



Paul V.  
Johnson  
**Fesoasoani  
Muamua**



Patrick  
Kearon  
**Peresitene**



Timothy J.  
Dyches  
**Fesoasoani  
Lua**

## Europa i Sasae



Jörg  
Klebingat  
**Fesoasoani  
Muamua**



Bruce D.  
Porter  
**Peresitene**



Larry S.  
Kacher  
**Fesoasoani  
Lua**

## Mekisiko



Paul B. Pieper  
**Fesoasoani  
Muamua**



Benjamín  
De Hoyos  
**Peresitene**



Arnulfo  
Valenzuela  
**Fesoasoani  
Lua**

## Sasae Tutotonu Aferika i Matu



Larry R.  
Lawrence  
**Faatautaia mai le laumua  
o le Eklesia**



Wilford W.  
Andersen  
**Faatautaia mai le laumua  
o le Eklesia**

## Pasefika



O. Vincent  
Haleck  
**Fesoasoani  
Muamua**



Kevin W.  
Pearson  
**Peresitene**



S. Gifford  
Nielsen  
**Fesoasoani  
Lua**

## Filipaina



Shayne M.  
Bowen  
**Fesoasoani  
Muamua**



Ian S.  
Ardern  
**Peresitene**



Allen D.  
Haynie  
**Fesoasoani  
Lua**

## Amerika i Saute Matusisifo



W. Christopher  
Waddell  
**Fesoasoani  
Muamua**



Juan A.  
Uceda  
**Peresitene**



Carlos A.  
Godoy  
**Fesoasoani  
Lua**

## Amerika i Saute Saute



Francisco J.  
Viñas  
**Fesoasoani  
Muamua**



Walter F.  
González  
**Peresitene**



José A.  
Teixeira  
**Fesoasoani  
Lua**

# O SE TOE FAATASIGA MAMALU

Saunia e Susan L. ma C. Terry Warner

*O le tele o tausaga o le nonofo valavalava  
ma le lototiga na uma ina ua aumaia  
e le Alii se tama ma se atalii faatasi i le  
malumalu.*

Se taeao matagofie ia Aperila 2012 ina ua ulufale atu ia John Ekow-Mensah i totonu o le Malumalu o Accra Ghana. O le uso matua, o lenei ua i lona 80 tausaga, na faimлага mai ma se vaega o le Au Paia mai Nkawkaw, lea sa nofo ai na o ia. Sa fuafuaina e le vaega e nonofo i le po i ni potu lata ane mo tagata o le malumalu ma faaalu aso e lua e auauna atu ai i le malumalu.

A o nofonofe i totonu o le malumalu, sa faatalitali Uso Ekow-Mensah ina ia auai i sauniga amata ae nofo ane i ona tafatafa se alii e laitiiti ia te ia. O le alii e laitiiti ia te ia, e 54 tausaga, sa fuafua e o i se sauniga o le faaeega paia ma lona faletua i lena taeao ae, na tuai ona taunu mo lena sauniga, sa ia filifili ai e fai ni sauniga amata.

“O fea e te sau ai?” O le fesili lea a uso Ekow-Mensah.

“Sekondi,” o le tali lea a le alii.

“O le fea vaega o Sekondi?” O le fesili lea a Uso Ekow-Mensah.

“Ketan,” o le tali lea a le alii e laitiiti ia te ia, “i le eria o loo i ai aoga.” A o



faaauau le talanoaga, na lagonaina e alii uma e lua le mea e ono taunu i ai nei fesili.

I le uunaia e se lagona faateleina o le iloaina o le isi, na tilotilo atu le alii laitiiti ia Uso Ekow-Mensah. “O oe o lo‘u tama,” na ia faailoa mai. “O ai lou igoa?”

“John Ekow-Mensah.”

“O lo‘u igoa foi lena,” o le tali lea a le atalii.

Ina ua uma ona auauna atu i le malumalu, sa nonofo alii e toalua mo se taimi umi i le potu selesitila, ma toe fesootai o la olaga ma toe faaolaina lo la alofa. E ui o mea uma sa

fai mai ai ma faia e Uso Ekow-Mensah le Itiiti. na faaaloalo ma talafeagai, sa foliga mai sa lei saunia lelei o ia e taliaina ma le loto atoa lona tama—seia oo ina ia iloaina pe aisea na tuua ai ma pe aisea na le mafai ai ona faafesootai mai lona tama i lona aiga.

Toeitiiti atoa le 50 tausaga talu ai, na faaipoipo ai Uso Ekow-Mensah le Matua i se tamaitai e ona le tinamatau—le tina e aupito matua i lena taimi—na pule aoao i la latou ituaiga. O le mea e faanoanoa ai, na tetee le tina pule i le faaipoipoga a John i lana tama. I lana[tamaitai] faatauanau na iu lava ina tetea le ulugalii ina ua faatoa atoa le fa po o le lima tausaga o le la tama matua, o John le Itiiti. Sa iloa e John le Itiiti. lona tinamatau o se tamaitai malosi, ma galue malosi, ae le o le mana lea na aveesea mai ai ia te ia fesoottiga uma ma lona tama moni mo le toeitiiti atoa le 50 tausaga.

O le vavae ese mai le aiga na motusia uma ai sootaga. Ona o le

leai o ni telefoni po o auaunaga i le meli, sa leai se auala e fesoottai ai John le Matua ma lona aiga. O lana sailiga mo se galuega na aveese mamao atu ai o ia. Sa nofo o ia i Mankessim pe tusa o le 1963 i le 1989, lea sa ia faia ai se tamai faleoloa vali. Mai iina sa ia siitia atu i Ada, lea na faailoa atu ai o ia i le talalelei a Iesu Keriso e se tamaitai na ia valiina lona fale. Na auai Uso Ekow-Mensah le Matua i le 1991 i le Ekalesia.

Ona o Uso Ekow-Mensah le Itiiti. sa laitiiti tele ina ua tatala le faaipoipoga a ona matua, na te le malamalamala tele i lona tupuaga. O nisi taimi e fai mai ai lona tina o ia o se “kopi maoi” o lona tama, ae na o le pau lena o lona malamalamala.

Ina ua ia tuputupu ae ma faaipoipo, o John ma lona faletua o, Tepora, na filifili e sue se ekalesia e mafai ona la auai. Sa i ai John i le Iunivesite o Ghana i Accra ina ua ia vaai i se meka-sini o le *Liahona* i luga o se fata. Sa ia pikina i luga ma sa fiafia tele i mea na tau mai ai. Na matauina e John le na lolomiina: O Le Ekalesia a Iesu Keriso o le Au Paia o Aso e Gata Ai.

Ina ua foi mai John mai le aoga i lona aiga i Sekondi, sa naunau mai lona toalua e ta'u atu ia te ia se ekalesia sa ia aoaoina mai i se uo. Sa ia ta'u atu ia te ia o le igoa o Le Ekalesia

a Iesu Keriso o le Au Paia o Aso e Gata Ai. Sa tau atu e John o le ekalesia lea sa ia faitau i ai i se mekasini i le iunivesite.

Sa aoaoina atu le talalelei ia John ma Tepora ma papatisoina i le 1999. I le sefulu tausaga mulimuli ane, sa faamauina i latou i le Malumalu o Accra Ghana, ma o le toatolu e sili ona laitiiti o le la fanau e toalima sa faamauina ia i laua.

Ma i le malumalu ia Aperila i le 2012, na maligi loimata a o iloaina e le tama ma le atalii le tasi ma le isi. Sa faateteleina lo la olioli i lo la malamalamala faapea sa eseese auala na la auai ai i le Ekalesia ma maua lo la ala i le malumalu i lena taeao matagofie. ■

*O tusitala e alala i Iuta, ISA, ma sa auauna atu i le Misiona a Ghana Accra.*

**Tama ma le atalii, na toe faatasia i le malumalu ina ua mavae le toeitiiti 50 tausaga o le nonofo valavala.**



# O LE MANA O LE FAIAOGA O AIGA

Saunia e Jeff B. Marler

*E faapefea ona mafai ona tatou aoaoina se aiga e le mafai lava ona faatagaina i tatou i totonu o le faitotoa?*

**S**a tofia au e faiaoga o aiga ma Uso Erickson, o se tagata e matua atu o la'u uarota o se faiaoga o aiga tuuto. Sa ia tuuina mai ia te au le faia o le faatulagaina o taimi, lea ou te lei popole ai.

O se tasi o o ma aiga, o le au Wright (ua suia le igoa), sa le auai malosi i le Ekalesia. Ina ua ou valaau atu i le aiga, fai mai Uso Wright, "Aua lava e te toe valaau mai i lo'u aiga."

Sa ou tau atu ia Uso Erickson le mea ua tupu. O le masina na sosoo ai, ina ua fai mai ou te toe valaauiina le au Wright, sa ou faamanatu atu ia te ia le manao o Uso Wright e aua le toe valaau atu. Na finau mai Uso Erickson ou te valaau pea, ma sa ou faia. Ina ua tali mai e Uso Wright le telefoni, sa ou fai atu ia te ia e aua le tuua i lalo le telefoni ia te au ma ta'u atu ia te ia o la'u soa o faiaoga o aiga sa finau mai lava ou te valaau atu. Sa ou fesili atu pe mafai ona ma faiaoga o aiga ia te ia e ala i le valaau atu i masina taitasi. Sa ioe mai o ia.

Mai lena taimi, sa ou valaauiina le au Wright i masina taitasi. O taimi uma lava ou te valaau atu ai, fai mai Uso Wright, "Ua uma lau valaau." Ona ia tuu lea i lalo le telefoni. Ou te lei maua ai se faafitauli i lena mea, ma e lei manaomia e Uso Erickson se isi mea.

Ae ina ua mavae ni nai masina, na fautua mai Uso Erickson ua tatau

ona ma anapopogi mo le au Wright. Sa ou ioe atu, i se tasi Aso Sa na ma tatalo ma anapopogi ina ia maua se auala e aapa atu ai ia Uso Wright. O le taeao na sosoo ai a o ou pasi atu i le fale o le au Wright i lou alu atu i le galuega, sa sau Uso Wright i fafo o le fale. Sa ou iloa atu se lolomeataalo i lalo ifo o se tasi o pa'u pito i tua o lana taavale, o lea sa ou tu ai ma ta'u atu ia te ia. Sa ia faafetai mai ia te au.

"Oi," sa ou fai atu ai, "o a'u o lou faiaoga o aiga."

Sa ia toe faafetai mai ia te au a o ou alu ese atu i le galuega.


Sa ou telefoni ia Uso Erickson e ta'u atu ia te ia le mea na tupu. Sa ia fai mai ia te au e valaau Uso Wright

e faatulaga se taimi mo se faiaoga o aiga mo le afiafi na sosoo ai, lea na ou faia. O Uso Wright sa sagisagi mai ma le fiafia. Sa matou maua se asiasiga matagofie ma le aiga ma toe seti se isi taimi talafeagai. Sa ou tuua lo latou fale ma se molimau sili atu o le anapogi ma le tatalo, ma le taua o le avea ma se faiaoga o aiga.

Mulimuli ane i lena vaisaso, na matou iloa ai, na faatagaina e Uso Wright faifeautalai faamisiona e amata ona aoaoina lona afafine e 15 tausaga le matua. Sa ia tatalo mo ni masina ina ia mafai ona faamaluluina le loto o lona tama ma ia tuu atu o ia e papatiso. I le aluga o taimi na amata ona o mai le aiga i le lotu, ma na iu lava ina ioe mai Uso Wright ina ia papatisoina lona afafine. O le mea moni, o ia lava na papatisoina o ia.

Ou te faafetai sa maua e Uso Erickson le Agaga. O lona malamalamaga i le taimi o lenei aafiaga na fesoasoani ia te au e maua se molimau sili atu i le mana ma le gafatia o le tuuto o faiaoga o aiga. ■

*E alala le tusitala i Arisona, ISA.*



# O LE FAAMALAMA I LE VAITAELE

Saunia e Becky Heiner

*O tatou sootaga faaleaiga e mafai ona fesoasoani ia i tatou e aoao ai, malamalama, ma ola i le talalelei.*

Sa amata ona faamaeaina la matou staoga. A o ai panikeke i lena taeao, sa matou fuafuaina pe faapefea ona matou faaaogaina le tele o lo matou taimi i le faetalimalo a o lei onosaia le lima itula o le tietie atu i le fale. Sa filifili lo'u toalua e ave le ma fanau teine talavou e toatolu mo se mea malie mulimuli i le vaitaele. O le a ou faaaoga tatau le masini savali i le potu faamalosi tino.

O le masini na ou filifilia e feagai tonu lava ma le faamalama e pei o le puipui le tele e iloa atu ai le vaitaele. E lei leva ae ou vaai i se aiga, o lo'u aiga, ua agai atu i le vai. O solo taele, seevae, ma mitiafu ua felelei solo a o sauni teineiti ma le fafia e sepuna i totonu o le vai. E masani lava ona ou mulimuli i tua o i latou, faapotopotolina lavalava ma seevae ma, o le mea moni lava, e lagona ai sina le fafia i na mea uma. Nai lo lena, sa ou vaai

i lenei aiga mai i fafo, e peiseai o le faamalama tele i ou luma o se lau o le ata tifaga. A o tatu ou vae i se leo faifai pea i luga o le fusipa'u o loo faataamilo i lalo ifo, sa ou matamata atu.

Sa ou vaai le fafia o tagata uma sa, talie ma taaalo faatasi, ma sa ou mafaufau e uiga i taimi sa ou lotovaivai ai i finauga laiti e tulai mai faafuasei i se aiga, ae o le lagona le fafia faapea, e ui lava i a'u taumafaiga sili, sa le faamanuiaina au e aoao la'u fanau e alofa le tasi i le isi. Ae a o ou vaavaai atu, sa ou vaai i ni tagata o e sa fafia faatasi. Sa ou iloaina ai ou te lei toilalo e aoao i latou ia fealofani; sa na ona ou le iloaina e mafai ona latou faia.

Sa ou matauina se tasi o teineiti o oso mai le faatausiusuga o le vaitaele pea lava pea agai i lima o lona tamā. Sa ou manatu e uiga i oso lapopoa o le a ia faia i lona olaga atoa ma faamoemoe o le a ia faalagolago i

le Tama Faalelagi e pue mai o ia i taimi uma lava. Sa ou iloaina o oso taitasi uma lava sa ia aoao ai e talitonu ma o le avea ai ma se vaega o lo matou aiga o se auala saogalemu lea e aoao ai lena talitonuga.

O le isi tamaitai sa taumafai e faatoatoa se tomai o le aau. Sa ou vaai o le faamalosiau a lona aiga na ia taumafai ai pea. O le a i ai taimi i lona olaga o le a ia manaomia ai lena lava lagolago pe a feagai ma luitau e sili atu ona faigata.

Ma sa ou tilotilo atu a o faafuasei ona oso le ma tama lona tolu i totonu o le vaitaele. I le le fafia ma le ita, sa ia taufetoi atu lona ala mai le vai i se nofoa. Na vave lava ona matauina e lona aiga ua misi o ia. Sa ou vaai atu i tagata taitoatas i faamalosiau atu ia te ia ma le alofa ia toe faatasi ma i latou. Na iu lava ina ia faia, ma sa ou mafaufau i lona lumana, i taimi uma o le a tiga ai ma lagona ai le fiu. Sa ou faamoemoe o le a ia maua pea i le alofa o lona aiga le malosi e tumau ai.

Na faafuasei lava, ona taia a'u i le iloaina: o o tatou aiga e mafai ona avea o se ki i lo tatou gafatia e aoao, malamalama, ma ola ai i le talalelei. Na tusia e Nifae e faapea "e mafai e le Alii ona faataunu mea tetele e ala i mea faatauvaa" (1 Nifae 16:29). E faapena foi i aiga. Ioe, o loo tauivi matua. Ae o taumafaiga uma e aoao atu ma aoao ai ma le alofa, e tusa lava po o le a le laiti, e taua.

Na faaiuina lau tifaga laiti. A o ou tapeina le masini savali ma vaai atu i lo'u aiga o aoina mai o latou lavalava, sa ou lagonaina se naunautaiga faafouina ina ia faaaauau pea, ia faia pea mea uma laiti sa ou popole i nisi taimi e le faia se eseesege. ■

*E alala le tusitala i Iuta, ISA.*







Saunia e Elder  
Russell M. Nelson

O Le Korama  
a Apostolo e  
Toasefululua

# O Soo ma le Puipuiga o le Faaipoipoga

*O soo o le Alii o ni tagata e puipuia tu ma aga o le faaipoipoga.*

*E le mafai ona tatou gauai atu. O le talafaasolopito e  
le o lo tatou faamasino. O se sosaiete faalelalolagi e le o  
lo tatou faamasino. O le Atua o lo tatou faamasino!*

**O**loo i ai se mana tele i se faiga faapaaga malosi. E tele atu mea e mafai ona ausia e paaga faamaoni nai lo le aofaiga o le taumafaiga taitoatasi. I paaga moni, o le tasi faaopoopo i le tasi e sili atu nai lo le lua. Mo se faataitaiga, o Dr. William J. Mayo ma lona uso, o Dr. Charles H. Mayo, na faatulagaina le Mayo Clinic. O loia ma isi e faatulagaina ni faigapaaga taua. Ma i le faaipoipoga, o se tane ma se ava e mafai ona fausia *le* faigapaaga sili ona taua o mea uma—o se aiga e faavavau.

O mea e faaleleia i soo se taumafaiga e faalagolago i le vaavaalua ma le finagalo autasi. O taitai maoae ma paaga e atiina ae le tomai o le faasoa atu o malamalamaga ma le taumafaiga ma le mamanu o le fausiaina o le finagalo autasi. O paaga maoae e atoatoa le faamaoni. Latou te tuuese le faaletagata lava ia ae suia i le avea ma se vaega o le fatuina o se mea e tele atu nai lo i latou lava. O paaga maoae e faalagolago i paga taitasi e atiina ae ni uiga faaletagata lava ia.

## Leoleo o le Mamā

E foliga mai o lo'u taimi lenei e auai ai i sauniga o maliu. Ua ou molimauina le tele o aiga e faatofa atu mo se vaitau ia i latou latou te alolofa i ai ma ua faamauina i ai i latou. Ou te masani ona tuua sauniga o maliu ma mafaufau, "O le a se mea ou te manao e fai atu e uiga ia te au i lo'u falelauasiga?"

E le o vave tele i lou olaga ona fai atu le fesili lava lea e tasi. O le a se mea e te manao i tagata e fai atu e uiga ia te oe i lou falelauasiga?

Ou te faamoemoe o le a faapea mai sa avea oe ma se tane ma se tama lelei, po o se ava ma se tina lelei, o oe o se tagata o le amio sa'o, sa e agalelei ma onosai, sa e loto-maulalalo ma galue malosi, ma o oe o se tagata o le mama.

O leoleo aupito sili o uiga faaleatua uma o le faaipoipoga ma le aiga. E faapitoa lava le tulaga lenei i uiga faaleatua o le mama ma le faamaoni, o mea uma ia e manaomia e foafoa ai ni paaga faalefaaipoipoga ma sootaga faaleaiga tumau ma le manuia atoatoa.

Ua foaoaina le tane ma le fafine mo mea e mafai ona la faia ma avea ai—faatasi. E manao-mia se alii ma se tamaitai e aumaia se tamaititi i le lalolagi. E le mafai ona fesuia tina ma tama. O alii ma tamaitai e tulaga ese ma e galulue faatasi. E manaomia e tamaiti se avanoa e tuputupu ae faatasi ai ma se tina ma se tama.<sup>1</sup>

E te ono fetaiai ma le faateleina o finauga e uiga i le faauigaga o le faaipoipoga. O le toatele o o outou tuaoi, e masani, ma uo o le a le faalogo lava i upumoni talafeagai ma le musuia e uiga i le taua o le faaipoipoga e pei ona faamalamalamaina mai e le Atua lava Ia. O le a e maua le tele o avanoa e faamalosia ai le malamalamaga e uiga i le itu a le Alii o lena finauga e ala i le manino o au faataitaiga, i le avea ai ma tagata taitoatasi ma ni aiga.

Na muai vaaia e le Aposetolo o Paulo lo tatou tulaga ina ua ia saunoa:

"O ona aso e gata ai e oo mai ai aso faigata.



"Aua e avea tagata ma e alolofa i latou ia i latou, o e mananao i tupe, o e loto vii, o e faamaualuga, o e upu leaga, o e le faalogo i matua, o e le faafetai, o e amio leaga,

"O e le lotoaiga, o e tuumavaega, o e faatuaupua, o e le taofi manao o le tino, o e faasaua, o e le alolofa i tagata amio lelei,

"... o e ua tele le manao i mea faafafia a e leai se manao i le Atua."

Ona ia faaiuina lea: "Ia e aloese lava i tagata faapena" (2 Timoteo 3:1-5).

Ina ua maea lana valoaga ofoofogia o o tatou taimi, na faaopoopo mai Paulo i lenei upu o le lapataiga: "O i latou uma o e loto ina nonofo ma le amioatua ia Keriso Iesu e sauaina i latou" (2 Timoteo 3:12).

Mafaufau loloto i lena mea! O lona uiga i nei taimi faigata, o le olaga o le a le lagolelei mo soo moni o le Alii o Iesu Keriso. Ae o le a tatou maua Lana faamaoniga. Na ia tuuina mai ia i tatou le faamautinoaga lenei: "Amuia i latou uma o e sauaina ona o lo'u igoa, aua e o i latou le malo o le lagi" (3 Nifae 12:10).

I se faapuupuuga, i le avea ai ma soo, o i tatou taitoatasi o le a tuuina i le suega. I soo se itula o soo se aso, ua tatou maua le avanoa e filifili ai i le va o le sa'o ma le sese. O se taua lenei ua leva na amata i se muai olaga. Ma o lena taua ua faateteleina le malosi i aso uma. O lou malosiaga faatagata o uiga tauleleia e matuai manaomia lava i le taimi nei nai lo se isi lava taimi muamua.

## E Leai ni Soo Faavaitaimi

Ua mavae aso sa mafai ai ona avea oe o se Kerisiano filemu ma le lagolelei. O lau tapuaiga e le na ona e auai atu lava i le lotu i le aso Sa. O lona uiga o le auai atu o se soo moni mai le taeao o le aso Sa e oo atu i le po o le aso Toonai—24/7! E leai se mea e faapea o se soo faavaitaimi a le Alii o Iesu Keriso.

Ua valaaulia e Iesu soo se tasi e manao e avea ma Ona soo e ave lona satauro ma mulimuli atu ia te Ia (tagai i le Mataio 16:24; Mareko 8:34; MF&F 56:2; 112:14). Ua e sauni



e auai i le au? Pe o le a e maasiasi i le talalelei? Pe o le a e maasiasi i lou Alii ma Lana fuafuaga? (tagai i le Mamona 8:38). Pe o le a e faa-  
logo i leo o i latou e mananao e te auai faatasi  
ma i latou i le itu lauiloa o manatu o aso nei?

Leai! O le a le faavaivai le autalavou o Siona! Ou te talitonu o le a outou lototetele ma folafola atu le upumoni a le Atua i le manino ma le agalelei, e tusa lava pe o Lana upu moni e le taliaina faaupufai e le toatele! Na faatuina e Paulo lena mamanu ina ua ia folafola mai, "Ou te le ma i le talalelei ia Keriso: aua o le mana lava lea o le Atua e ola ai i latou uma o e faatuatua" (Roma 1:16; tagai foi i le 2 Timoteo 1:8).

O soo o le Alii e puipuia tu ma aga o le faaipoipoga. E le mafai ona tatou gauai atu. O le talafasolopito e le o lo tatou faamasino. O se sosaiete faalelalolagi e le o lo tatou faamasino. O le Atua o lo tatou faamasino! Mo i tatou taitoatasi, o le Aso Faamasino o le a faia i le ala ma le taimi lava a le Atua (tagai i le Roma 2:5; Alema 33:22; Eteru 11:20; MF&F 88:104; 133:38).

O le lumanai o le faaipoipoga ma le anoanoai o olaga faaletagata o le a fuafuaina i lo outou naunautai e tuuina atu se molimau faamaoni o le Alii ma ola ai e tusa ma Lana talalelei. O le puipuiga sili e mafai ona tatou maua pe a tatou ulu atu i le vai o le papatisoga ma ave i o tatou luga le suafa o Iesu Keriso. Na faamatala mai e le Tupu o Peniamina: "Ma o lenei, ona o le feagaiga ua outou faia, o le a ta'ua ai outou o le fanau a Keriso, o ona atalii, ma ona afafine; ona faauta, o le asō ua fanauina ai e ia outou faale-agaga; ona ua outou fai mai ua liua o outou loto e ala i le faatuatua i lona suafa; o lea, ua fanauina ai outou e ia ma ua avea ai outou ma ona atalii ma ona afafine" (Mosaea 5:7; tagai foi i le fuaiupu 8).

Ou te talisapaia se saunoaga a Sister Sheri Dew, o se tasi sa i ai i le au peresitene aoao o le Aualofa, i le Konafesi a Tamaitai o le Iunivesite o Polika Iaga talu ai nei. Sa ia saunoa mai: "O le totonugalemu o le avea ai ma soo o le *faia* o le mea tatou te folafola atu e fai i taimi uma tatou te aai ma

*O se tasi o avanoa  
e sili atu ona fai-  
gata o o tatou taimi  
o le tutu atu mo le  
upumoni e faatatau  
i le natura paia o le  
faaipoipoga.*



*E mamafa le avega  
o le avea ma soo. I  
le avea ai ma soo o  
le Alii, o le a outou  
tutu atu e puipuia  
le faaipoipoga.*

feinu ai i le faamanatuga—o le ‘manatua pe a’ le Alii. O lona uiga o le manatuaina o Ia pe a tatou filifili le ala o faasalalauga tatou te naunau e faamasani i ai o tatou agaga. O lona uiga o le manatuaina o Ia i le auala e faaalu ai lo tatou taimi ma pe a filifili i le va o le punaoa tumau o aganuu o siva vave po o le Afoga a le Atua. O lona uiga o le manatuaina o Ia i le ogatotonu o feteenaiga po o le taimi ua faamalumalu mai faosoosoga. O lona uiga o le manatuaina o Ia pe a osofaia e le au faitio Lana Ekalesia ma ulagia le upumoni. O lona uiga o le manatuaina o le ua tatou tauaveina Lona suafa i o tatou luga.”<sup>2</sup>

O le savali a Sister Dew e ogatasi ma se savali mai ia Peresitene Howard W. Hunter (1907–95), lea na saunoa mai: “Afai o tatou olaga ma lo tatou faatuatua e totongugalemu ia Iesu Keriso ma Lana talalelei toefuataiina, e leai se mea e mafai ona tumau pea le sese. . . . Afai o tatou olaga e le taulai atu i le Faaola ma Ana aoaoga, e leai se isi tulaga faamaniaina e tumau pea le sa’o.”<sup>3</sup>

### **Folafola atu le Finagalo o le Atua**

Po o fea lava tatou te o i ai, o oe ma au i le avea ai ma soo o le Alii e tauaveina se tiutetauave paia e folafola atu le finagalo o le Atua i tagata uma. Ma o se tasi o avanoa e sili atu ona faigata o o tatou taimi o le tu atu lea mo le upumoni e faatatau i le natura paia o le faaipoipoga.

O la tatou savali ua mamanuina i aoaoga faavae paia, o loo faailoaina i le Tusi Paia:

“Na faia e le Atua le lagi ma le lalolagi i le amataga” (Kenese 1:1).

“Ona faia lea e le Atua o le tagata i lona faatusa, o le faatusa o le Atua na ia faia ai o ia; na faia e ia o i laua o le tane ma le fafine” (Kenese 1:27).

“Ua faamanuia foi le Atua ia te i laua, ma . . . fetalai atu le Atua ia te i laua, Ia fanafanau ia, ma ia uluola, ma ia tumu ai le lalolagi” (Kenese 1:28).

“O le mea lea e tuua ai e le tane lona tama ma lona tina, a e faatasi ma lana ava: ona avea ai lea o i laua ma tino e tasi” (Kenese 2:24).

"Ua faaigoaina e Atamu le igoa o lana ava o Eva; aua o le tina o ia o tagata ola uma" (Kenese 3:20; tagai foi i le Mose 4:26).

O le Atua o le Tama o alii ma tamaitai uma. O i tatou o Ana fanau. O Ia na faauuina le faaipoipoga i le avea ai ma le faatasiga o se alii ma se tamaitai. E lei foafoaina le faaipoipoga e ni tagata faamasino po o le aufaitulafono. E lei foafoaina e ni vaega suesue po o le palota o tagata e fiafia i ai po o upusii masani ona ta'ua i le lautusi po o le aufaitio. E lei foafoaina e le aufaipalota. O le faaipoipoga, na foafoaina e le Atua!

O Poloaiga e Sefulu na faasaina le mulilua ma le mata-pe'ape'a (tagai i le Esoto 20:14, 17; Teuteronome 5:18, 21).

O na poloaiga anamua na tuuina atu mulimuli ane i tagata o le taimi o le Feagaiga Fou (tagai i le Mataio 5:27–28; 19:18; Roma 13:9) ma le taimi o le Tusi a Mamona (tagai i le Mosaea 13:22, 24; 3 Nifae 12:27). I faaaliga o aso nei ua faamautinoa mai e le Alii, "Ia e alofa i lau ava ma lou loto atoa, ma ia e pipii atu ia te ia ae lē o se isi" (MF&F 42:22).

O le sootaga vavalalata faale-tino moni, e pei ona fuafuaina e lo tatou Foafoa, e faaaogaina i totonu o le tuuafasiga paia o se tane ma se ava ona e faata-maoagaina e le upu moni ma faaleleia e ala i le faamamalu-inia o feagaiga e osia e se tane ma se ava e le tasi i le isi ma le Atua. E taua le matauina o le faamaoni atoatoa i na feagaiga e faasa ai ata leaga, tuinananu, po o le faasaunoa o soo se ituaiga.

O uunaiga faaleagafesootai ma faaupufai ina ia suia tulafono o le faaipoipoga ua tutupu mai ai faiga e ese mai le finagalo o le Atua e tusa ai ma le natura ma faamoemoega faavavau o le faaipoipoga. E le mafai e le tagata ona suia ia mama mea ua folafola mai e le Atua e le mama. O le aga-sala, e tusa lava pe ua faatagaina e le tagata, o loo avea pea ma agasala i le silafaga a le Atua.

Uso e ma tuafine, i le lagolagoina e le upu moni lelei, folafola atu lou alofa mo le Atua! Folafola atu ai lou alofa mo tagata ola uma, "e aunoa ma le ita i se tasi, i le alofa mama mo tagata uma."<sup>4</sup> O i latou i le avea ai ma fanau a le Atua o o tatou uso ma tuafine. Tatou te faatauaina a latou aia tatau

ma lagona. Ae e le mafai ona tatou amanaia taumafaiga ina ia suia aaoaoga faavae paia. E le o se matafaioi a le tagata le suaia.

### O le Alofa o Iona Uiga o le Usiusitai

E alofa le Atua i Lana fanau. Ma afai latou te alolofa ia te Ia, o le a latou faaalia lena alofa e ala i le tausia o Ana poloaiga (tagai i le Ioane 14:15, 21; 1 Ioane 5:2; MF&F 46:9; 124:87), e aofia ai le ola mama a o lei faaipoipo ma le faamaoni aiai i le faaipoipoga. Ua lapatai mai tusitusiga paia faapea o le amio e le tusa ai ma poloaiga a le Alii o le a lē gata ina taofia le ulugalii mai le alofa molitino ua faamaonia mai le lagi, ae o le a aumaia ai foi e faamasinoga malolosi a le Atua (tagai i le Levitiko 26:15–20; Salamo: 89:31–32; Mataio 5:19).

O le moomooga faamama-luina o le loto o le tagata e mo se faaipoipoga o le a tumau e oo i tala atu o le oti. O le faamaoni atoatoa i feagaiga na osia i totonu o malumalu paia o le a mafai ai e le tane ma le ava ona faamauina faatasi i le faavavau atoa (tagai i le MF&F 132:7, 19).

E mamafa le avega o le avea ma soo. I le avea ai ma soo o

le Alii, o le a e tu atu e puipui le faaipoipoga. Ma a o e faa-maoni ma faatuatua, e le gata o le a Ia fesoasoani ia te oe ma puipua oe (tagai i le MF&F 84:88), ae o le a Ia faama-nuiaina foi lou aiga (tagai i le Isaia 49:25; MF&F 98:37).

O outou e faamanuiaina i le Togiola e le iu a le Alii. Ona o Ia, o le a iu lava ina tauia outou i le tino ola pea. Ma ona o Ia, e mafai ona outou olioli i le faamanuiaga o le ola e faavavau faatasi ma Ia ma o outou aiga. ■

*Mai se lauga amata a le BYU, "Disciples of Christ—Defenders of Marriage," na tuuina atu i le aso 24 o Aokuso, 2014. Mo le tusiga atoa i le faa Peretania, asiast i le speeches.byu.edu.*

### FAAMATALAGA

1. Tagai i le "O Le Aiga: O Se Folafolaga i le Lalolagi," *Liahona*, Nov. 2010, 129.
2. Sheri L. Dew, "Sweet above All That Is Sweet" (lauga i le Brigham Young University Women's Conference, Me 1, 2014), 7, [ce.byu.edu/cw/womensconference/transcripts.php](http://ce.byu.edu/cw/womensconference/transcripts.php).
3. Howard W. Hunter, "Fear Not, Little Flock" (faigalotu a le Brigham Young University, Mat. 14, 1989), 2, [speeches.byu.edu](http://speeches.byu.edu).
4. Abraham Lincoln, "Second Inaugural Address," Mat. 4, 1865.





# TULAGA FAATONUINA TUMAU a le Tama Faalelagi



Saunia e Elder  
Allan F. Packer  
O Le Fitugafulu

*E tumau lava tulaga faatonuina a le Atua, ma e leai se tasi e mafai ona suia. O tagata e manatu latou te mafaia o le a matua faateia lava i le Faamasinoga Mulimuli.*

**O**la'u galuega muamua ina ua foi mai le kolisi, o le galue mo se kamupani fau vaalele autu. A o i ai iina, sa ou aoao ai, ina ia faia ni vaalele e saogalemu, e faia e le kamupani ni faailoga faapitoa mo vaega taitasi. O vaega e tatau ona faamaoniaina pe a ausia tulaga faatonuina uma, e aofia ai lona foliga, le lapoa, o mea e faaaoga, ma le malosiaga.

Afai o se vaega e talafeagai ma tulaga faatonuina, o le a tuu i le suegaoloa mo le fausiaina o se vaalele. Afai e le ausia tulaga faatonuina, o le a teena le vaega ma toe faafoi atu i le na auina mai ai. E faaeteete i latou na auina mai vaega ina ia malamalama ai ma ausia mea uma e manaomia, e aofia ai le malosiaga.

Pe o le a e naunau ea e tietie i se vaalele e gaosia mai i vaega e le lelei? E leai lava! O le a e manao i vaega ia sili atu nai lo le tulaga faatonuina. O nisi tagata, e ui i lea, e foliga mai e naunau e talia amioga le lelei i o latou olaga. Ae na o le iloaina, malamalama, ma le ola ai i aoaoga faavae a Keriso e mafai ai ona e faaaogaina le amio e manaomia e agavaa ai mo le faaeaga.

*O le malosiaga e talia ai* o se upu e faalogoina soo i le lalolagi i aso nei, e masani lava i le anotusi o le malosiaga po o le taliaina o aganuu po o amioga a isi tagata. O nisi taimi e faaaoga e tagata e mananao i le taliaina e fai se mea e aunoa ma le manatu i lona aafiaga i le sosaiete po o isi. O lo'u faamoemoega e le o le talanoa e uiga i lena faauigaga, ae e taulai atu i le uiga o le *faaaogaaga* o le upu ma lona aoga mo i tatou.

*O le malosiaga e talia ai* e faaaoga e faamatalaina ai le fesuiaiga e taliaina mai se tulaga faatonuina ua tusia. I se vaega ua fausia, o le malosiaga e talia ai atonu e faamaoti mai e lima inisi le umi (13 cm), e faaopoopo pe toese ai se tasi vae afe o se inisi (0.0025 sm). O se isi vaega atonu e tusia e faia mai se mea faapitoa e 99.9 pasene le mama, e pei o poloka auro. Ua faatulaga e le Alii le faapalepale ina ia fesoasoani ia i tatou e agavaa ai mo le faaeaga.

## Tulaga Faatonuina ma le Faamasinoga

O tulaga faatonuina mo le faaolataga ua ta'ua o polo-aiga, ia ua tuuina mai e lo tatou Tama oi le Lagi. O nei tulaga faatonuina e faatatau i vaega uma o o tatou olaga ma i taimi uma. E le faasolosolo le faaaogaina i se taimi faapitoa po o se tulaga faapitoa. O poloaga e faamatalaina le faapalepale e manaomia e agavaa ai mo le faaeaga.

O loo i ai se faamasinoga e faapea, i se tulaga, e pei o le faagasologa o le faamaoniga mo se vaega o le vaalele. E pei lava ona i ai ni suega mo le agavaa mo vaega o le vaalele, o lo tatou Tama oi le Lagi o loo i ai le faamasinoga e iloa ai pe o le a faamaonia i tatou. O se faamanuiaga mo i tatou le iloa ma ausia tulaga faatonuina o loo i totonu o le malosiaga e talia ua faatulagaina e le Alii.

O le a e manatua sa valaaulia taupou e toasefulu i le faataoto a le Faaola i le tausamaaga o le faaipoipoga. Ina ua taunuutu atu le alii faaipoipo, o le toalima sa i ai suauu ma sa mafai ona ulufale i totonu. O le isi toalima na tuai mai ma sa le mafai ona ulufale atu. (Tagai i le Mataio 25:1-13.)

E faatatau i lenei faataoto, na saunoa mai Elder Dallin H. Oaks o le Korama a Apostolo e Toasefululu: “O le matua taufaamata’u lava o le savali o lenei faataoto. O taupou e toasefulu, e faasino i tagata o le ekalesia a Keriso, aua sa valaaulia uma lava i le tausamaaga o le faaipoipoga, ma sa iloa foi e tagata uma mea sa manaomia, ina ia mafai ai ona ulufale atu pe a sau le faatoafaiava. Ae sa na o le afa o i latou sa saunia ina ua sau o ia.”<sup>1</sup>

O taupou muamua e toalima na ausia le tulaga faatonuina, ma e tatau foi ona tatou faapena.

Na foafoa e le Atua i tatou i Lona lava faatusa. O le fuafuaga mo i tatou i lenei lalolagi o le mauaina o se tino, maua le poto masani, maua sauniga, ma tumau e oo i le iuga. O tulaga faatonuina ua faatuina ma o le faapalepale ua faataatia e tatau ona tatou ola ai ina ia agavaa mo le faaeaga. Ua folafola mai e le Atua, e mafai ona faaeaina i tatou, ae ua Ia fetalai foi, “O A’u, o le Alii, e noatia a’u pe a outou faia mea Ou te fai atu ai; ae a outou lē faia mea Ou te fai atu ai, e leai se folafolaga mo outou.” (MF&F 82:10).

### Tulaga Faatonuina ma le Faitalia

I le fuafuaga a le Atua o le faaoalataga, ua mamanuina i tatou, faatulagaina, ma faalamolemoleina ina ia avea faapei o Ia. O se mea e tatau ia i tatou taitoatasi ona oo i ai faaletagata lava ia.

“Aua faauta, o la’u a galuega ma lo’u mamalu lenei—ia aumaia le tino ola pea ma le ola faavavau o le tagata” (Mose 1:39).

Ua faatuina e le Atua mea e tatau ona tatou faia ma tulaga faatonuina e tatau ona tatou ausia. O se mea e mataina le matagofie e faapea, e Na te tuuina mai ia i tatou le filifiliga saoloto e filifili ai pe talia ma ausia na tulaga faatonuina. Ae peitai, o loo i ai taunuuga o a tatou filifiliga. Na ia tuuina mai ia i tatou le faitalia, ae Na te lei tuuina mai ia i tatou le pule e suia ai tulaga faatonuina po o taunuuga o a tatou filifiliga.

Ona o loo i ai tulaga faatonuina ma o loo i ai lo tatou faitalia e filifili ai, o loo i ai se Faamasinoga Mulimuli, i le taimi lea o i tatou taitoatasi o le a iloiloina e iloa ai pe tatou te ausia tulaga faatonuina—i se isi faaupuga, e iloa ai pe na tatou ola ai i totolu o tulaga faatonuina ma malosiaga e talia ai ua tusia e le Atua. O Lana faamasinoga o le iuga lea.

O le aoaoga faavae o le salamo e faatagaina ai i tatou ina ia faasa’o pe foia le faaletonu, ae e sili atu ona lelei le taulai atu i tulaga faatonuina a le Atua nai lo le fuafua e faaaoga le mataupu faavae o le salamo a o lei oo i le Faamasinoga. Sa ou aoaoina lenei lesona a o ou laitihi.

A o talavou sa ou faaaluina o’u taimi o le taumafanafana e galue ai i le faatoaga a lo’u tamamatua i Wyoming, ISA. O se lafumanu o mamoe ma povi e sili atu ma le 2,000 eka (810 ha), ma isi lafanua faaopoopo. O le faatoaga lafumanu na manaomia ai le tele o meafaigaluega. Ona o le nofoaga autu mo mea e lipea e sili ona latalata e matuai mamao ese lava, na aoaoina i matou e tamamatua ia tausisia ma le faaeteete meafaigaluega ma siaki le tulaga o mea uma ae matou te lei tuua le tale o le faatoaga. Afai matou te oo i se tulaga faaletonu, sa masani lava o ni maila le mamao mai le tale o le faatoaga, ma o lona uiga o se savaliga umi.

E lei umi se taimi mo au e aoaoina ai le tulafono o tau-nuuga. Sa sili atu lava le aloese mai faafitaui nai lo le faia o se savaliga umi. E faapena foi i poloaiga a lo tatou Tama Faalelagi. E mafai ona Ia silafia le eseesege i le va o se tasi o loo taumafai moni ia avea faapei o Ia ma se tagata o loo tulei le pito ae taumafai e tumau ai i totolu o le mea e faatagaina.

### Tulaga Faatonuina ma le Faafeagai

O loo i ai i latou i le lalolagi i aso nei o loo taumafai e aveese pe suia tulaga faatonuina ua faatuina e le Atua. E le o se mea e ofo ai lenei mea.

“Oi talofa i e latou te ta’u le leaga o le lelei, ma le lelei o le leaga, i e e fai le pouliuli ma malamalama, ma le malamalama ma pouliuli, i e e fai le mea oona ma mea suamalie, ma mea suamalie ma mea oona!” (2 Nifae 15:20).

E le tatau ona faaseseina i tatou po o le faalogo atu ia i latou o le a taumafai e faatalitonu i tatou ua suia ia tulaga faatonuina o le Atua. E leai se pule ia i latou e sui ai tulaga faatonuina. Ua na o Le na faia le mamanu, o le Tama Faalelagi, e mafai ona suia tulaga ua tusia.

O i tatou uma e faigofie ona iloa le faavalevaleda tele pe a faalogo atu le e saunia vaega o le vaalele i ni tagata e le malamalama o loo taumafai e faia ni suiga i tulaga tusitusia po o le malosiaga o se vaega. O le a leai se tasi o i tatou e manao e lele i se vaalele e fausia i ni vaega faapena.

E faapena foi, e leai se tasi o le a tuuaia se gaosi vaalele i le le manatunatu lelei po o le le faapalepale pe a ia teena na vaega. O le a le faatagaina e le gaosi vaalele o ia lava e faafefeina pe sauaina ina ia taliaina ni vaega e lē faamonia. O le faia o lena mea o le a lamatia ai lana pisinisi ma olaga o le pasese e ono felelei i ana vaalele.

E faapena foi i tulafono ma poloaiga a le Atua. E tumau Ona tulaga faatonuina, ma e leai se tasi e mafai ona suia. O tagata e manatu latou te mafai o le a matuai faateia lava i le Faamasinoga Mulimuli.



## Ausiaina o Tulaga Faatonuina

O lo tatou Tama Faalelagi na faia le mamanu o le fuafuaga o le faaolataga. Ua Ia faatulagaina lelei mea uma e manaomia mo i tatou ina ia agavaa e toe foi atu i Lona afioaga. O tulaga faatonuina ua faatuina, faailoa, ma e faigofie ona maua e i tatou taitoatasi.

Ua ta'u mai e le Faaola ia i tatou o i tatou uma lava e mafai ona ausia tulaga faatonuina. O le Upu o le Poto o se faamaoniga o lenei mea, ua ta'u mai ai e "Ua tuuina mai o se matapu autu faatasi ma se folafolaga, ua fuafua i le malosi o lē ua vaivai ma lē ua sili atu ona vaivai o le au paia *atoa*, o e ua taua pe mafai ona taua o le au paia" (MF&F 89:3; faaopoopo le faamamafa).

Ua aoao mai foi le Faaola o le a tatou "lē faaososoina [i tatou] e sili atu i luga o le mea e mafai ona [tatou] gafatia" (MF&F 64:20), ae e tatau ona tatou "mataala ma tatalo e le aunoa" (Alema 13:28).

O loo ia te outou le mana: "Aua ua i totonu ia te [outou] le mana, lea ua [outou] pule ai ia te [outou] lava. O le a lava le tulaga e oo i ai le faiga e tagata o mea lelei, o le a leai lava se ala o le a aveesea ai lo latou taui" (MF&F 58:28).

E mafai ona e ausia tulaga faatonuina ma le faapalepale. E i ai lou tomai e agavaa ai mo le faaeaga.

*O le a tatou le naunau e felelei i se vaalele e gaosia mai ni vaega e le lelei. E le tatau foi ona tatou talaina pe faataitai i amioga e le lelei. E na o le iloaina, malamalama, ma le ola ai i aoaoga faavae a Keriso e mafai ai ona tatou agavaa mo le faaeaga.*

## Taitaiga mai le Agaga Paia

Tatou te maua tulaga faatonuina e ala i le auai i le lotu ma le suesue ma faatinoina aoaoga faavae e maua i tusutisiga paia ma upu a perofeta o aso nei.

O le puna sili o le taitaiga o le uunaiga e oo mai i le Agaga Paia, lea o le a aaooina i tatou i mea uma e tatau ona tatou faia (tagai i le 2 Nifae 32:2–3). Faatasi ai ma le fesoasoani a le Agaga Paia ma le Malamalama o Keriso (tagai i le Moronae 7:16–18), e mafai ona tatou iloa le sa'o ma le sese. E mafai ona taialaina i tatou i o tatou olaga atoa. E mafai ona tatou lagonaina i o tatou loto ma manatu e oo mai i o tatou mafaufau ia e mafai ona tuuina mai le faamafanafanaga ma le taitaiga. E moni lenei mea e oo lava i le fanau.

Ua folafola mai e le Atua o le a Ia fesoasoani ia i tatou a o tatou taumafai e ausia Ona tulaga faatonuina. E pei lava ona tatou le naunau e felelei i se vaalele e gaosia mai i vaega e le lelei, e le tatau ona tatou talaina pe faataitai i amioga e le lelei. E na o le iloaina, malamalama, ma le ola ai i aoaoga faavae a Keriso e mafai ai ona tatou agavaa mo le faaeaga. ■

*Mai se saunoaga i le faigalotu, "Standards and Tolerance," na tuuina atu i le Iunivesite o Polika Iaga–Idaho i le aso 13 Novema, 2012. Mo le tusiga atoa i le gagana Peretania, asiasi i le byui.edu.*

### FAAMATALAGA

1. Dallin H. Oaks, "Sauniuniga mo le Afio Mai Faalua," *Liahona*, Me 2004, 8.



Saunia e Elder  
Bruce C. Hafen

Na avea o se tasi  
o Fitugafulu mai le  
1996 i le 2010

O LE  
**Folafolaga**  
ILE Aiga: E FESOASOANI I LE  
FENUMIAI FAALEAGANUU



*O le tusiga muamua lenei o tusiga e lua na saunia e Elder Hafen e fesoasoani i le faamanatuina o le 20 tausaga o "O Le Aiga: O Se Folafolaga i le Lalolagi." O le tusiga lona lua o le a lolomiina i le lomiga o Setema 2015 o le Liahona.*

"**O**a ou popolega sili?" na fesili atu ai se tusitala o se nusipepa ia Peresitene Gordon B. Hinckley (1910–2008) ia Juni 1995, a o le'i atoa lona 85. Sa ia tali mai: "Ou te popole e uiga i le olaga faaleaiga i le Ekalesia. Ua i ai tagata lelei tele, ae ua tele naua aiga ua malepelepe. . . . Ou te manatu o lo'u popolega sili ona matuia [lenei]."<sup>1</sup>

I le tolu masina mulimuli ane na faiatou ai faalauaitele e Peresitene Hinckley le "O Le Aiga: O Se Folafolaga i le Lalolagi."<sup>2</sup>

E le faapea o se mea na tupu fua le tuuina atu o lenei tautinoga i le taimi tonu lava na lagonaina ai e le perofeta a le Alii e faapea, mai mataupu uma i lona mafaufau, o le olaga faaleaiga faaletumau *i le Ekalesia* o lona popolega sili lea. Mulimuli ane, sa ia faaopoopo mai o le luitau aupito sili o loo feagai uma ma Amerika ma isi vaega o le lalolagi "o le faafitauli o le aiga, ua oo mai ona o matua ua taitaiseseina ma iu ai i tamaiti ua taitaiseseina."<sup>3</sup>

O le folafolaga e le na o se tuufaaatasisiga o faamatalaga lelei mo aiga. O se lapataiga faaperofeta matuia e uiga i se faafitauli ogaoga faavaomalo. Ma o lenei, i le 20 tausaga mulimuli ane, o le faafitauli ua faateteleina, lea e faaalia ai le agaga faaperofeta o le lapataiga i le 1995.

Ae tatou te lei sailiili i le uiga o lena mea mo i tatou taitoatasi, sei o tatou mafaufau pe na faapefea ona oo mai aganuu o aso nei i le tulaga ua i ai nei.

### Tala o le Alofa o le Lalolagi Atoa

O se tala masani anamua o tagata i le lalolagi, e tele lava ina faamoemoeina e faapea: e feiloai le tama ma le teine, ona alofa lea o le tasi i le isi, faaipoipo, ma maua se fanau, ma—la te faamoemoe—o le a ola fiafia faavavau. O lena tala o le alofa masani e matua totonugalemu i le fuafuaga sili o le fiafia lea na amata ia Atamu ma Eva, ma mo le toatele o tagata o le Ekalesia, o loo taialaina pea o tatou olaga e pei o le Fetu i Matu.

E aumaia e le olioli o le alofa o le tagata ma le avea o se aiga ia i tatou le faamoemoe, uiga, ma se naunautaiga e ola i se olaga sili atu. Latou te faia i

*O tautinoga e tumau i le faaipoipoga  
ma le tulaga faamatua e pei o ni taula  
filo ua suiina i le mamanu o lo tatou  
ielino faaleagafesootai.*



tatou e tulimatai atu i le aso o le a tatou uu ai lima o e na uuina o tatou lima ma tatou ulufale atu faatasi i le afioaga o le Alii. O iina o le a tatou opoina ai e pele ia i tatou ma nonofo tumau ai ma i latou, e "le toe uluafa lava ia" (Faaaliga 3:12).

Mo le tele o tausaga na lagolago lautele ai e le lalolagi lenei faananaau masani o le fia auai. O le mea moni, o aiga sa i ai faafitauli, ae o le toatele lava o tagata e talitonu pea o le "nonoaina o le faapona" o le faaipoipoga na foafoaina ai se iunite faaleaiga e tumau lava. Ma o na faapona na fusia faatasi le ie o le lalolagi, ma "fili faatasi o latou loto i le lotogatasi ma le alofa o le tasi i le isi" (Mosaea 18:21).

I tupulaga talu ai nei, ae ui i lea, o le ie ua faateleina ona matala filo a o tatou aafia i le mea ua ta'ua e nisi tusitala "o le toilalo popo o faaipoipoga."<sup>4</sup> E toatele tagata i fafo atu o le Ekalesia e le o toe vaai i le faaipoipoga o se puna o tautinoga mo se taimi umi. Nai lo lena, ua latou vaai nei i le faaipoipoga e oo lava i le tausia o fanau o se filifiliga faaletagata le tumau. Ae o ni tautinoga tumau i le faaipoipoga ma le tulaga faamatua e pei o ni taula o filo ua suiina i le mamanu o ielino faaleagafesootai. Afai e matala na filo, e mafai ona matala ai le ielino ma e mafai ona tatou le mauaina le tala atoa o le tala masani lautele o le alofa.

Ua ou vaai i lenei matalatala mai la'u lava vaaiga i le avea ai ma se tama, o se tagata o le Ekalesia, ma se faiaoga



o tulafono faaleaiga. Na amata i le vaitau o le 1960, o le tauiviga mo aia tatau a tagata lautele na aliae ai ni manatu fou aloaia e uiga i le tulaga tutusa, aia tatau o le tagata lava ia, ma le faasaolotoina. O nei manatu na fesoasoani i le Iunaite Setete e amata ona faatoilaloina lona talafaasolopito maasiasi o le faailoga lanu. Sa latou fesoasoani foi i le atunuu e faaitiitia ai le faailoga tagata i tamaitai. O nei puipuiga mai le faailoga tagata o se vaega o tagatanuu taitoatasi *mea e fiafia ai tagata taitoatasi*.

O nisi o ituaiga o faavasegaina faaletulafono e ui i lea, e aoga moni lava. Mo se faataitaiga, o le tulafono “e faailoga tagata” e *lelei* mo tamaiti e tusa ai ma o latou tausaga—e le mafai ona latou palota, ave se taavale, pe sainia se maliega mausali. Ma latou te mauaina le lima tausaga e aooga fua ai. O nei tulafono e puipuia ai tamaiti ma le sosaiete mai taunuuga o tamaiti i le lava o le gafatia a o sauniuni i latou e avea ma tagata matutua faatuatuaina.

O tulafono ua tuuina mai foi le tulaga o le faamanuina i le sootaga e faavae i le faaipoipoga ma aiga—aua le faailoga tagata e faasaga i tagata nofofua ma tagata ese ae ia uunaia matua moni e faaipoipo le tasi i le isi, ma tausia a latou lava fanau malolosi, o le ki lea i se sosaiete malosi ma tumau. O ia tulafono ua faapea ona faailoa mai ai *manaoga faaleagafesootai* o le sosaiete i ana fanau ma i lona lava lumanai malosi ma le tumau.

I le talafaasolopito, o tulafono e tausia ai se paleni sa’o i le va o fegalegaleaiga fiafia ma mea e fiafia ai tagata taitoatasi ona o elemene taitasi o loo faia se matafaioi taua i se sosaiete manuia. Ae peitai, i le 1960 ma le vaitau o le 1970, o fale faamasino o le I.S. na amata ona faaliliuina tulafono faaleaiga i ni auala e tuuina atu ai le faamuamua maualuga i mea e fiafia i ai tagata taitoatasi nai lo manaoga faaleagafesootai, lea na taia ai le tulafono ma tulaga faaleagafesootai ua le paleni. O lenei suiga na o se tasi o vaega o le liua Faaamerika o le tulafono faaleaiga—o le fesuiaiga tele faaleaganuu i uiga faaalia i le olaga faaipoipo ma faaleaiga i le 500 tausaga. O le a ou faapupulaina atu lenei faaliliuga i nisi o faataitaiga mai le tulafono a le I.S., e ui lava o tulafono a atunuu e aupito sili ona atiae ua mulimuli i faiga faapena.

### **Se Suiga FaaleAganuu**

I se faapuupuuga, na amata e tagata ona faaaogaina manatu malolosi o le faasaolotoina o tagata e luiina ia tulafono ia na umi ona lagolagoina le manuia o fanau ma le sosaiete i le fausaga o ni aiga malolosi. O faamasinoga ma le malo na taliaina le tele o nei manatu taitoatasi, e ui lava o na manatu na faaleagaina ai manaoga e tele atu o le sosaiete



faaleagafesootai. Mo se faataitaiga, e tetea e aunoa ma se mafuaaga na muamua faaaogaina i Kalefonia i le 1968 ma oo atu ai lava i le salafa o le Iunaite Setete. O le leai o se mafuaaga na matuai suia ai le ala na manatu ai tagata e uiga i le faaipoipoga. I lalo o le tulafono tuai o le tatalaina o faaipoipoga, sa le mafai e le ulugalii faaipoipo ona filifili e faauma le la faaipoipoga; nai lo lena, sa tatau ona la faamaonia mai solitulafono a le toalua, e pei o le mulilua po o le faatautala. I na aso na o se faamasino e fai ma sui mo le manuia o le sosaiete e mafai ona filifili pe ua lava le tauamitonuina o se faaipoipoga e tatala e faaleaogaina ai le manuia o le sosaiete i le faaauauina o le sootaga faale-faaipoipoga.

E pei ona muai amataina, o le tatalaina o le faaipoipoga e aunoa ma se mafuaaga na leai ai ni sini aoga. Na faoopooina ai faaipoipoga malepelepe ua le mafai ona toe faaleleia, e tusa lava po o le pona o le tagata lava ia, o se faavae mo le tatalaina o faaipoipoga—lea e fafaigofie ai le faagasologa o le tatalaina o faaipoipoga. I le teori, na o se faamasino, o loo sui i tagata o le sosaiete, e mafai ona filifili pe o se faaipoipoga ua le toe mafai ona faaleleia. Ae i le lautele, o faamasino i le maota mo aiga ua tolopoina manaoga faaletagata lava ia o ulugalii ma mulimuli ane *faasaolotoina* po o le fea o soa e manao i le faamutaina o le faaipoipoga.

O nei suiga faaletulafono televave ua tele atu faaleaganuu itu taua lea e le o toe vaai atu i le faaipoipoga o se faalapotopotoga faaleafealoai ae e le tumau, sootaga patino, e faamutaina i le manao—e aunoa ma le mafaufau loloto pe faapefea e le tatalaina o faaipoipoga ona faaleagaina ai fanau, ma le isi pe faapefea ona faaleagaina le sosaiete. E lei umi, o faamasinoga ’ua masalosalo e uiga i aia tatau o le sosaiete i le faamalosia o tautoga o le faaipoipoga na tuuina atu ai i ulugalii faaipoipo se uunaiga sese e faapea, o o latou lava folafolaga patino ua leai se taua tele faaleagafesootai po o le amio mama. O lea la, pe a solia e ia tautinoga o le faaipoipoga se manao faaletagata lava ia, e sili atu tagata e savavali ese. Latou te tagai i le

faaipoipoga o se “tautinoga e le tuufaatasia,” po o le a lava le faauigaina o lena feteenaiga.

I le faatinoina o nei uiga fou, ua faateleina e faamasinoga le aia tatau faalematua o tama e lei faaipoipoina ma amata ona tuuina atu le tausiga o le tamaititi ma aia tatau o le vaetamaina i tagata e lei faaipoipo. O lenei suiga atoa na tuuina atu e le faavae tatau o tulafono faaleaiga, i soo se taimi lava e mafai ai, i tagata faaipoipo, ma i aiga e lua o matua moni. O mea o loo tutupu ma saililiaga faaleagafesootai na manino le faaali mai—ma o loo faaali mai pea—e toetoe lava o aiga o loo faauluulu e ni matua faaipoipo, o matua moni e tuuina atu i taimi uma le faafailleina sili atu o le tamaititi i le siosiomaga. Ae i le aluga o taimi, o tulaga o matua faaipoipo na saofaga i le, ma na uunaia e ala i le, tulaga saoasaoa faatupulaia o le nonofo faapouliuli ma le fanauina o fanau i fafo atu o le faaipoipoga.

Ma le isi, i le 1973, na tuuina atu e le faamasinoga Mau-luga a le IS i tamaitai taitoatasi le aia e filifili ai le faapau pepe, faapea ai ona teenaina le leva o talitonuga faaleaganuu e uiga i le manuia faaleafealoai ua tuuina mai e fanau e lei fananau mai ma e ala i le aufaitulafono filifilia e oo i lena taimi na filifili faatasi le masalomia o le taimi e amata ai le ola.

O le talanoaina e uiga i teteaga e aunoa ma se mafuaaga e taitai atu moni i se faamatalaga puupuu e uiga i le faaipoipoga i le itupa e tasi. O lenei tusiga ua avea ma se autu faigata ma ootia, ae ia matau e na o le 17 tausaga talu ai, e leai se atunu i le lalolagi sa faalauiolina faaletulafono le faaipoipoga i le itupa e tasi. E faapefea la ona faafusei le aliae o lenei manatu tonu e uiga i le faaipoipoga i le itupa e tasi i vaaiga faavaomalo pe afai ua leiloa e le talaaga o

*O le “Nonoaina o le faaponia”  
o le faaipoipoga e fausia ai se  
iunite faaleaiga e taofia le ie o  
le sosaiete faatasi, ma “loto e  
fusia faatasi i le lotogatasi ma  
le alofa.”*



talafaasolopito o le faaipoipoga le tele o tulaga faatauaina faalauaitele i le fa sefulu tausaga talu ai?

O se tasi o tali e foliga mai o le manatu o le “saolotoga faaletagata lava ia,” o lenei uluai faaipoipoga i le I.S. mo le itupa e tasi i le 2001 na tuuina atu lea lava manatu e tasi faaletulafono o tagata taitoatasi lea na foafolina le tatalaina o faaipoipoga e aunoa ma se mafuaaga. Pe a lagolago e se faamasinoga le aia tatau a se tagata e *faamuta* se faaipoipoga, e tusa lava po o ni taunuuga faaleagafesootai (lea e mafai ona tupu i le faaipoipoga e tatala e aunoa ma se mafuaaga), o lena mataupu faavae atonu foi e mafai ona lagolagoina le aia tatau a se tagata e *amataina* se faaipoipoga, e tusa lava po o a ni taunuuga faaleagafesootai (e pei ona tupu i le faaipoipoga i le itupa e tasi).

I nisi upu, pe a vaai tagata i le faaipoipoga alii-tamaitai ua na o se manao patino nai lo le avea ai ma se faalapotopotoga autu lautele, e ofo ai foi o le toatele ua fai mai o le faaipoipoga i le itupa lea e tatau ona saoloto ai tagata tai-toatasi e faaipoipo e pei ona latou filifili ai. O le mea lena e mafai ona tupu pe a tatou le maua le fiafia o le sosaiete i le faaipoipoga ma fanau. E manino lava e alofa le Atua i Ana fanau uma ua faamoemoe mai ia i tatou e tausia ai le tasi ma le isi i le *agaalofa* ma le *faapalepale*—e tusa lava po o a amioga patino e mafai pe le mafai ona tatou malamalamai ai. Ae o se tulaga ese lena vaega e *faamaonia* po o le *faalauiola* lena amio e ala i le suaia o se mataupu faaletulafono—faaipoipoga—o le talafaasolopito o le faamoemoega ina ia faalauiola atu le taua i le sosaiete i le i ai o ni matua moni e tausia a latou lava fanau i ni aiga malolosi.



Ua faalagolago le Faamasinoga Maualuga a le I.S i mataupu tau le tagata lava ia, i isi mataupu faaletulafono, ina ua puleaina i le aso 26 Iuni, 2015, o na tulafono atonu e le "taofia ulugalii o le itupa e tasi mai le faaipoipoina." Peitai, o le faaipoipoga a le itupa e tasi ua faaaloaia nei i setete uma o le I.S.

E mataina, e ui i lea, o le tele foi o manatu a le faamasinoga "e faamamafaina o mataupu faalelotu, ma i latou o e usitai i aoaoga faavae faalelotu, e mafai ona faaaaua pea ona fautuaina ma le talitonuga maumaututu faamaoni e faapea, e ala i mataupu paia, o le faaipoipoga a le itupa e tasi e le tatau ona faatagaina. O le Suiga Muamua ia mautinoa ua tuuina atu i faalapotopotoga faalelotu ma tagata puipuiga tatau a o latou saili e aoao atu mataupu faavae ua matuai faamalieina ma e matua totonugalemu i o latou olaga ma faatuatuaga, ma i o latou lava manaoga loloto e faaaaua pea le faatulagaga o le aiga ua loa ona latou faamamaluina. E moni lenei mea e tasi ia i latou o e tetei i le faaipoipoga o itupa e tasi mo isi mafuaaga."<sup>5</sup>

### Aafiaga i le Faaipoipoga ma Fanau

O lenei ia mafaufau i le aafiaga o nei suiga i le faaipoipoga ma fanau. Talu mai pe tusa o le 1965 ua sili atu i le faaluaina le tatalaina o faaipoipoga, e ui lava ua alu i lalo teisi i tausaga talu ai nei—i se isi itu ona ua faateleina le aofai o ulugalii e lei faaipoipo pe tusa ma le faa 15, ma e le aofia ai a latou teteaga fai soo i le saosaoa o faaipoipoga tatala. I aso nei e tusa ma le afa o faaipoipoga muamua uma e faaiu i le tatalaina; pe tusa ma le 60 pasene o faaipoipoga lona lua e tatalaina. O le atunu sili ona tele faaipoipoga tatala i le lalolagi o le Iunaite Setete.<sup>6</sup>

I le aso e 40 pasene o tamaiti fananau i le I.S. e mai i matua e le'i faaipoipoina. I le 1960 o le numera lena sa 5 pasene.<sup>7</sup> E tusa ma le 50 pasene o talavou o aso nei ua

mafaufau i le fanauina o fanau i fafo atu o le faaipoipoga o se "ituaga olaga aoga."<sup>8</sup> O le pasene o tamaiti i aiga o matua taitoatasi talu mai le 1960 ua faafaina le faateleina, mai le 8 pasene i le 31 pasene.<sup>9</sup> Ua silia ma le afa o faaipoipoga i le I.S. ua faamuamua ai le nonofo faapouliuli.<sup>10</sup> O le mea na mauluga le le sao i le 1960 ua avea nei ma mea sao fou.

I Europa, o le 80 pasene o le faitau aofai o tagata ua ioeina nei le nonofo faapouliuli. I vaega o Scandinavia, o le 82 pasene o tamaiti ulumatua e fananau mai i fafo atu o le faaipoipoga.<sup>11</sup> A o matou nonofo ai i Siamani talu ai nei, na matou lagonaina i totonu o Europa, i le tele o itu, o le faaipoipoga ua leai se aoga. E pei ona tuuina mai e se tusitala Farani, o le faaipoipoga ua "aveesea lona maneta mo tagata talavou," o e ua matua faateleina le lagona faapea "o le alofa e faapitoa lava o se mataupu patino lea e leai se avanoa" mo le sosaiete e faia se tala e uiga i la laua faaipoipoga po o le la fanau.<sup>12</sup>

Ae ui i lea, o fanau a matua e tetea po o le le faaipoipo e tusa pe *faatoluina* le tele o faafitauali faaleamioga, faalelagona, ma le tuputupu ae ogaoga nai lo fanau i se aiga e lua-matua. I tulaga uma o le manua o le tamaititi, o nei fanau e sili mamao atu le leaga. Ma a le aoga fanau, o le a le aoga foi le nuu. O nisi nei o faataitaiga o lena le aoga, ina ia faailoaina nisi o elemene i na faiga aoao atonu e tele ni mafuaaga. I le limasefulu tausaga ua mavae:

- Ua faaonoina le tele o solitulafono i talavou.
- Ua 500 pasene le faateleina o le tuulafoaia ma isi ituaiga uma o sauaga i fanau.
- O faaletonu faalemafaufau i fanau ua sili atu le leaga, mai fualau faasaina e oo atu i le soona aai; o le faanoanoa faalemafaufau i tamaiti ua faateleina i le 1,000 pasene.
- Ua faateleina le sauaina o tamaitai, ma o le mativa ua faateleina le siitia atu i fanau.<sup>13</sup>

O le a le matua o nei faafitauali? E pei ona saunoa mai Peresitene Hinckley i le 1995, o nei faafitauali na avea ma ona "popolega e sili ona matuia." Ma o faiga na popole ai o ia i na taimi o lenei ua matuai faateteleina le leaga. E pei ona taua e se tusitala o le mekasini o le *Time*:

*"E leai se isi lava malosiaga e tasi e mafua ai le tele o fagata le mafuatia ma faanoanoaga i tagata i lenei atunuu e pei o le malepelepe o faaipoipoga.* E tiga ai fanau, e faaitiitia ai le saogalemu tautupe o tina, ma ua pau tonu lava ma se faatafunaga faapitoa i luga o i latou o e e faigata ona tatalia: o tagata matitiva o le malo. . . .

“O e matitiva [ua tuuveseeseina] le tulaga faamatua mai le faaipoipoga, ma le saogalemu tautupe ua [faamutaina] la latou [lava] faaipoipoga pe afai [latou] te leo toe maua-inia le fiafia.”<sup>14</sup>

## Liuaina o O Tatou Loto

O se tasi o filo auro motu i le ielino masaesae faaleagafesootai e atagia mai ai le autu o le faafitauli: o tamaiti—o ivi o o tatou ivi, o aano o o tatou aano. O se mea moni, e paia foi lava, e uiga i fanau—i fanau ma le mana o le foafaga ma noataga e faavavau o le alofa—e tagitagi loloto mai i totonu o uaua lilo o o tatou manatuaga tuufaataasi.

O le noataga o le tamaitiiti-matua e matua taua tele lea na auina mai ai e le Atua Elia i le 1836 “liliu loto” o tama ma fanau agai i le tasi ma le isi. Pe a le matuai liliu atu na loto, sa Ia faapea mai, “[nei] taia le lalolagi atoa i se fetuu” ma “le faafanoga” a o lei toe afio mai Keriso (MF&F 110:15; o Iosefa Samita—Talafaasolopito 1:39; tagai foi i le Malaki 4:6). I le lalolagi o aso nei, ua foliga mai o na loto ua liliu—ae liliu ese mai, nai lo le agai atu i le, tasi ma le isi.

Pe o loo tatou ola nei i le taimi o le fetuu? Atonu. O fanau i aso nei (ma faapea foi le nuu—le laueleele) e moni lava ua i le “faafanoga” (faaleagaina, ua faaleaogaina, ma faatafunaina) e ala i lomiga faafitauli taitasi ua talanoaina iinei.

E manino lava le aoaoga faavae—ma o loo faamaonia e ala i le tele o tausaga o suesuega. Tatou te le manaomia e toe foi atu i tulafono o le aiga o tausaga ua mavae, *æ* pe afai tatou te mafai ona popole atili e uiga i a tatou fanau ma lo latou lumanai, i tagata o le a faaipoipo a o lei avea ma matua. O le a sili atu, silisili atu, lo latou ositaulaga e nonofo faaipoipo pea. O fanau o le a faafaleleina, i soo se taimi lava e mafai ai, e ni matua moni. Afai e mafai, o le a leai se faapau pepe po o pepe e fananau a o lei faaipoipo.

*O le vaaiiga e faavavau o le talalelei, e pei ona aoao mai i tusitusiga paia ma le malumalu, e mafai ona fesoasoani tatou te manumalo ai i ona po nei i vevesi faale-faaipoipoga ma faia a tatou faaipoipoga o ni aafiaga e aupito sili ona faamalieina ma faapaiaina i o tatou olaga.*

O le mea moni, e manaomia ni nai faatagaga—e alagata-tau ai nisi tatalaga o faaipoipoga, ma e masani lava o le vaetamaina e auina mai i le lagi. Ae i le mataupu faavae, o le folafolaga i le aiga i le 1995 o loo manino le faapea mai: “O Fanau e i ai le aia tatau ia fanauina i totonu o noataga o le faaipoipoga, ma ia tausia e se tama ma se tina o e ua faamamaluina ma le faamaoni atoatoa.”<sup>15</sup>

Ae o loo tatou mafatia i le faagaloina o lena mea i le lalolagi. Tatou te leo lagonaina le malie o musika o le faavavau, pe oo lava i manatuaga talu ai nei. O le fili o lo tatou fiafia e manao e faatalitonu i tatou o sootaga mamana, ma faaumiumi o le alofa faaleaiga e leo toe manaomia, ae o le mea moni lava e leai se sootaga e sili atu ona maua ai le saolotoga ma le faamanuiaina.

O le fausiaina o se faaipoipoga lelei e le faigofie. E le tatau ona faigofie. Ae afai ua le mautonu i tatou i le uiga o le faaipoipoga, e mafai ona vave tele ona tatou fiu i le tasi ma le isi. Ae o le vaaiga e faavavau o le talalelei, e pei ona aoao mai i tusitusiga paia ma le malumalu, e mafai ona fesoasoani ia i tatou e manumalo ai i vevesi i ona po nei seja oo ina avea a tatou faaipoipoga o se aafiaga e aupito sili ona faamalieina ma le faapaiaina—e tusa lava pe afai e sili foi ona faigata—i o tatou olaga. ■

*Fetuunai mai se lauga o le, “Faaipoipoga, Tulafono o le Aiga, ma le Malumalu,” na tuuina atu i le J. Reuben Clark Law Society Annual Fireside i le Aai o Sate Leki i le aso 31 o Ianuari, 2014.*

## FAAMATALAGA

1. I le Dell Van Orden, “Pres. Hinckley Notes His 85th Birthday, Reminiscences about Life,” *Church News*, Iuni 24, 1995, 6; faoopoopo le faamamafa.
2. “O Le Aiga: O Se Folafolaga i le Lalolagi,” *Liahona*, Nov. 2010, 129.
3. Gordon B. Hinckley, i le Sarah Jane Weaver, “President Hinckley Warns against Family Breakups,” *Deseret News*, Ape. 23, 2003, deseretnews.com.
4. Tagai i le Caitlin Flanagan, “Why Marriage Matters,” *Time*, 13 Iulai, 2009, 47.
5. Justice Anthony M. Kennedy, *Obergefell v. Hodges*, 576 U.S. (2015).
6. Tagai i le census.gov/compendia/statab/2011/tables/11s1335.pdf; tagai foi i le Alan J. Hawkins, *The Forever Initiative: A Feasible Public Policy Agenda to Help Couples Form and Sustain Healthy Marriages and Relationships* (2013), 19.
7. Tagai i le “Disastrous’ Illegitimacy Trends,” *Washington Times*, Tes. 1, 2006, washingtontimes.com.
8. Tagai i le *The State of Our Unions: Marriage in America 2012* (2012), 101, 102.
9. Tagai “One-Parent and Two-Parent Families 1960–2012,” Office of Financial Management, ofm.wa.gov/trends/social/fig204.asp.
10. Tagai i le Bruce C. Hafen, *Covenant Hearts: Why Marriage Matters and How to Make It Last*, (2013), 227.
11. Tagai i le Noelle Knox, “Nordic Family Ties Don’t Mean Tying the Knot,” *USA Today*, Dec. 16, 2004, 15, usatoday.com.usatoday.com.
12. O le lipoti o le Misiona o le Suesuega e uiga i le Aiga ma Aia Tatau o le Fanau, o se suesuega na tofia mai e le National Assembly of France, Ian. 25, 2006, 32.
13. Tagai i le Hafen, *Covenant Hearts*, 226–27.
14. Flanagan, “Why Marriage Matters,” 47; faoopoopo le faamamafa.
15. “O Le Aiga: O Se Folafolaga i le Lalolagi,” (129).



*O i latou o e ua tatala faa-  
ipoipoga ua oo i le tiga tele.  
Latou te manaomia le mana  
faamalolo ma le faamoemoe  
lea e maua mai i le Togiola  
a lesu Keriso.*

# O Alii o Le Au Paia o Aso e Gata Ai ma le Tatalaina o Faaipoipoga

Saunia e Brent Scharman

Fautua litaea, Tautua a le AAG Mo Aiga

“O le faamoemoega autu o mea uma matou te aoao-inina atu o le tuufaatasia lea o matua ma fanau i le faatuatua i le Alii o Iesu Keriso, ma ia latou fiafia i o latou aiga, ma faamauina i se faaipoipoga e faavavau.”<sup>1</sup> E ui lava i lenei aoaoga musuia mai ia Peresitene Boyd K. Packer, Peresitene o le Korama a Apostetolo e Toasefululua, o le tatalaga o faaipoipoga o loo tupu pea. O faaipoipoga tatala e matautia: o i latou e aafia ai e mafai ona maua lagona o le faateia, faafiti, le le mautonu, atuatuvale, ma le ita, faapea foi ma faaletonu faaletino e pei o le le moe, ma le le fia ai.

I lo‘u aafiaga i le avea ai ma se fautua, sa ou iloa ai, e ui lava o le tele o mea e oo i ai alii ma tamaitai i le tatalaina o faaipoipoga e tutusa lava, e i ai ni eseesega:

- A o faaipoipo pea, e sili atu ona tuuitiitia le ogaoga o faafitalui faale-faaipoipoga e alii. E mafai ona taitai atu ai lo latou ofo i le tatalaina o faaipoipoga i se lagona o le le mautonu.
- O alii e itiiti lo latou manao e faasoai mai o latou lagona, o lea e faigata ai ona latou aoao mai o latou aafiaga.
- O alii e manaomia le uunaiga i le faatinoga, o le mea lea latou te tau le mananao ai e saili se fautuaga ma nai lo lena e tanu o latou lagona e ala i le galue i itula uumi po o le faatofuina i latou lava i se mea faapasi taimi.
- Ona o popolega i mea tautupe ma le faateia o i latou lava, o nisi o alii e maua ni luitau e pei o le pau o le tamaoaiga, faaopoopo le mamafa o le tino, tofotofoina o le ava malosi, ma faasolo ina le toaaga mai i le Ekalesia.

E pau lava le ala saogalemu i se faaipoipoga o le tumau faamaoni i le talalelei. O fetuunaiga lelei e manaomia ai se mafai ona agalelei pe a e le fia faia, ina ia faatumauina ai le


*E ui lava o se faaipoipoga malosi o le tulaga taula, o nisi o faaipoipoga e faanoanoa ai e faaiu i le tatalaina. Afai ua tatala lau faaipoipoga, o nisi nei o auala e tumau ai lou latalata i lau fanau ma malosi i le talalelei.*

lagolelei ma le taua faaletagata lava ia, ina ia mafai ona onosaia lagona tiga a o faaauau pea ona galue, ia onosai i isi o loo aafia, ina ia le faaituau ma ia le faa-saua, ma ia taofi mau i se faavae faaleagaga mausali, lea e mafai ona faalatalata atili atu ai oe i le Alii, o le na “alu ifo i lalo” i mea uma ma lana Togiola ua lava lea e faamalolo ai ma siitia ai oe (MF&F 122:8).

E tusa lava po o ai na sili atu ona sese i le tatalaina o lau faaipoipoga, e le oo mai le faamalologa sei vagana ua i ai le salamu ma le faamagaloga. E pei ona aoao mai Peresitene Dieter F. Uchtdorf, Fesoasoani Lua i le Au Peresitene Sili: “E tatau ona tatou lafoai a tatou faitioaga. . . . Ia manataua, ua faatumulua le lagi ia i latou o loo i ai le tulaga tutusa lenei: Ua faamagaloina i latou. Ma latou te faamagalo atu.”<sup>2</sup>

## O le faatumauina o se Mafutaga ma Lau Fanau

Atonu e leai se isi faafitalui e sili ona faaosoina ai le tauiviga malosi nai lo le tausia o le tamaiti. Pe a faaaluina e tamaiti le tele o o latou taimi faatasi ma lo latou tina, e fagofie i le tama ona lagona ua avea o ia ma se tagata asiasi i lana lava fanau. Atonu o lenei mea e lagona ai e ia ua leai se malosiaga ma ua pulea e le aiaiga. Ae peitai, sei vagana ua i ai se tulaga o le faatautala po o isi fegalegaleaiga leaga, o tamaiti e sili atu ona lelei pe a latou faatumauina sootaga



## O LE FAAMOEMOE MO OE MA LAU FANAU

"Ua tatou iloa o nisi e toe mafaufau ifo i a latou teteaga ma ua toe salamo ona o si o latou sasi pe o le sese atoa foi ua mafua ai ona tetea. O i latou uma na oo i le tetea ua iloa le tiga ma le manaomia o le mana faamalolo ma le faamoemoe lea e maua mai i le Togiola. O loo i ai lena mana faamalolo ma lena faamoemoe mo i latou faapena foi mo a latou fanau."

Elder Dallin H. Oaks o le Korama a Aposetolo e Toasefululu, "Tatalaina o Faaiipoipoga," *Liahona*, Me 2007, 71.

ma matua uma e lua. O le mea e lelei ai, o le tele o toalua muamua e aoao e galulue faatasi mo le manuia o a latou fanau.

O le faatumauina o le fesootaiga masani ma lau fanau e tatau ona maualuga le faamuamua, e tusa lava pe mamao pe ua toe faaipoipo. E tusa lava pe o le taimi faatulagaina e le o mea uma ia e te manao ai, ia faia asiasiga ia lelei ma aua lava nei faia ni tala le lelei i le fanau e uiga i lo latou tina. O fanau e mautinoa lava e faamasani ma le manuia i le tatalaina o faaipoipoga pe a naunau lo latou tina ma le tama e faamuamua le fiafia ma le tulaga mautu o le fanau nai lo o latou lava lagona tiga.

### Tumau le Toaga i le Ekalesia

Ua fai mai nisi o alii e leai se mea e lulinina ai a latou molimau e pei o le tatalaina o faaiipoipoga. E faapitoa lava le moni o lenei mea pe afai sa latou faamaoni i gaoioiga a le Ekalesia ma sa tatalo faatauanau mo se tali i faafitauli faale-faaipoipoga. O lenei lagona gatete e mafai ona tuua se tagata ua tatala le faaiipoipoga ma se lagona le lelei i le auai i le Lotu, aemaise lava pe afai e talitonu isi sa le faamaoni o ia i lona toalua.

*E pau lava le ala o le saogalemu  
i se faaiipoipoga e tatala o le  
tumau faamaoni i le talalelei.*

Ae o le faaauauina o gaoioiga a le Eklesia e faailoa ai ia i tatou mataupu faavae sa'o ma siomia ai i tatou e tagata agaalofa. Afai e foliga mai o tagata o le Eklesia e le aapa atu ia te oe, aua le inoino. Atonu latou te le iloa le mea e fai pe tautala ai. Ia onosai ma ia aapa atu oe lava ia. Sue se upegafesootai lagolago. Fefautuaai ma le au peresitene o le korama, epikopo, po o le peresitene o le siteki ma mafaufau i fautuaga faapolofesa, e pei o le Tautua a le AAG mo Aiga, pe afai o maua. O le a fesoasoani e te suesue ai lau lava amio ma sili atu ai ona sao le vaai i mea.

O alii ua tatala faaiipoipoga e talaina i le Eklesia e pei lava o alii ua faaiipoipo. Na saunoa mai Elder Dallin H. Oaks o le Korama a Aposetolo e Toasefululu, "E tele tagata lelei o le Eklesia ua tatalaina faaiipoipoga" ma ia toe ta'ua "Sei vagana ua solia e le tagata ua tetea ni solitulafono matuia, ona mafai lea ona agavaa o ia mo se pepa faataga o le malumalu i lalo o tulaga agavaa lea e faatatau foi i isi tagata o le eklesia."<sup>3</sup>

### O le Tuputupu ae e ala i Faigata

O nisi o alii e faapea mai e ui lava ina latou te le mananao e toe oo i se aafiaga faapena, ua latou aoao mai ai. Ua latou toe maua mai le malosi ma agai i luma i o latou olaga. O lenei ituaiga vaaiga na faaalia mai e lenei alii sa ou fautuaina: "O loo faigata pea ia te au ona talaina le manatu faapea o a'u o se tagata ua tatala le faaiipoipoga, ae ua ou i ai. Ou te le'i mafaufauina, ae na tupu, ma ua ou talaina. O la'u sini nei o le faia o mea uma ou te mafai e tumau ai i le faatuatua ia Keriso, fausia se faaiipoipoga malosi fou, ma avea o se faataitaiga lelei i la'u fanau ma fanau foi a lou toalua." ■

*E alala le tusitala i Itua, ISA.*

#### FAAMATALAGA

1. Boyd K. Packer, "O le Talipupuni o le Faatuatua," *Liahona*, Julai 1995, 9.
2. Dieter F. Uchtdorf, "O Le e Alofa Atu e Alofaina Mai," *Liahona*, Me 2012, 77.
3. Dallin H. Oaks, "Tatalaina o Faaiipoipoga," *Liahona*, Me 2007, 70

# O Manu'a o le Tatalaina o Faaipoipoga

Saunia e David Paul

O se tama ua tatala le faaipoipoga ma se fanau e toatolu

le avea ai o se tasi o le Maligi a le Malo o Kanata, sa aoaoina au e fai se "iloiloga pe a uma se gaoioiga" ina ua uma ona fetaiia ma le fili po o isi mala. O se vaaiga e faigata i le ala e mafai ai e i latou o loo aafia ona faaleleia e faaitiitua ai pe aloese ai mai nisi manuaga po o faalavelave. I le olaga atoa, ae maise lava i le taimi o tofotofoga e pei o le tatalaina o se faaipoipoga, o se iloiloga pe a uma se gaoioiga e mafai ona aumaia ai le tele o avanoa e aoao ma tuputupu ae ai.

E amata i le taliaina o le aofaiga sa'o o le mafuaaga mo le mea na tupu. A o tatou faia se faamaumauga sao o a tatou amioga, atonu i le fesoasoani mai o se fautua, i le iloaina po o fea na aafia ai lo tatou faitalia ma po o fea sa aafia ai le faitalia a le toalua muamua, e mafai ona tatou matauina mea e mafai ona tatou suia ia i tatou lava. E mafai foi ona tatou iloiloina le tulaga o lo tatou soifua maloloina faalemafaufau, faaleagaga ma faalelagona.


O le faia o ni taumafaiga aoga e suia a o tatou faaaogaina lesona na aoaoina e uunaia ai le faagasologa o le faamaloloina a o faasimaina le ala i se lumanai manuia.

## Faaaogaina o le Togiola a le Faaola

I le taua e i ai pea lava pea manua taufaafefe. E mafai ona loloto ma tiga, ae o i latou o e e le'i oo i ai e le mafai ona malamalamana moni pe faapei. O manu'a i o tatou loto ma agaga na mafua ona o le tatalaina o se faaipoipoga e tutusa lava le tiga, ma e mafai foi ona faigata ona malamalamana i ai mo i latou o e e le'i oo i se mea faapena.

Ae e le o tuua na o tatou. O le Faaola ua saunia e fesoasoani ia i tatou. O le mana faamalolo o Lana Togiola e mafai ona fesoasoani ia i tatou e faamaloloina ai. Aua nei e fulitua i le Eklesia. Talosaga atu mo faamanuiaga o le perisitua ma alu i le malumalu i le tele o taimi e mafai ona e maua. O le faagasologa o le faamaloloina e masani lava e umi tele, ae o le mauaina o le Agaga i lou olaga o le a fesoasoani e faavave ai le faagasologa.

O le tausaga muamua ina ua uma le tatalaina o le faaipoipoga e faigata. E i ai se faagasologa o le faavauvau i le leiloa lea o se sootaga lea sa avea o le totonugalemu o



o tatou faamoemoega. E pei lava o se tietiega saoasaoa i luga ma lalo o lagona ma luitau. Tatou te faatinoina la tatou vaega i le faagasologa o le faamaloloina e ala i le manatuaia o i tatou o fanau faapelepele a lo tatou Tama Faalelagi ma le gafatia faalelagi, e ala i le auai i a tatou sauniga Lotu, faitauina o a tatou tusitusiga paia, tatalo, auauna atu, ma le auai i le malumalu. E ui o le auala atonu e foliga mai e umi, e mautinoia le folafolaga. Mulimuli i le Alii, ma e mafai ona e maua le ola e faavavau ma faamanuiaga uma ua folafola mai ia te oe, e aofia ai le filemu ma le olioli i lou agaga.

## Agai atu i le Toe Faaipoipo

Ia e faaeteete pe a e filifili e amata ona tafafao faamasani. Ia mautinoia ua e iloa po o ai oe ma le mea e te manao ai. Ia fiafia i le i ai na o oe lava ia (ma le Faaola). Pe a e fiafia i le tagata ua avea ai oe ma le mea e te alu i ai, e faigata atu mo le fili ona faasese oe po o lou iu i se faalagolago leaga i se isi tagata. O le sootaga na e atiina ae faatasi ma lou toalua muamua na fai si umi faatoa oo atu i ni vaega taua faalelagona ma le mafutaga mafana. E oo lava i sootaga le lelei e i ai vaega o le mafanafana, o le mea lea e mafai ona i ai le faaososoga e vave ona see atu i na sootaga ma se tasi. Faaeteete i lou laa.

## Lagolagoina o Alii ua Tatala Faaipoipoga

O i latou o e ua mafatia i se faaipoipoga ua tatala e pei o fitafita i luga o le malae o lenei taua mo o tatou agaga. Latou te manaomia la tatou faaaloalo, alofa, malamalamana, lagolago, ma le taliaina. Tuuina atu le taitaiga alofa ma le faamalosiauga pe afai latou te taliaina. Faaaoga le faatuaia ia i latou ma ia manatua o loo i ai i le Faaola Lana lava taimi e faamalolo ai se loto ma le agaga momomo. O le faamalologa ma vavega o le a tupu, i se taimi.

*E alala le tusitala i Peretania Kolomupia, Kanata.*

## O FEA LAU LOTU?

Ile taimi o o'u tausaga i le militeli, o nisi taimi o se luitau le sueina o se falesa o Le Au Paia o Aso e Gata Ai. I se faaaliga laitiiti, sa ou mafai ona maua au lava i se aai fou po o se atunuou fou foi.

I se tasi Aso Sa sa ou maua au lava i Amsterdam, Holani. I le 8:30 i le taeao na faafusei ona fofogaina mai e lo matou taitai ua fai lo matou aso malolo. Ua uma ona fai toniga, sa ou tauanauina se uo e momoli i le lotu. I lana taavale totogi, sa fai ai le ma talanoaga lenei:

Uo: "O fea la lau lotu?"

Au: "Ou te le iloa ona ou te lei sau muamua lava i lenei aai. Ae afai e mafai ona tatou oo atu i le nofoaga

autu o le aai i le kuata i le iva, e mafai ona tatou maua ai."

Uo: "Aisea? O le a le mea e tupu i le kuata i le iva?"

Au: "O le taimi lena o le a tatou vaaia ai faifeautalai Mamona ua agai atu i le falesa."

Uo: "Faapea a au na e fai mai e te lei i ai iinei muamua?"

Au: "Ou te le'i i ai."

Uo: "E faapefea la ona e iloa e i ai se falesa iinei?"

Au: "O loo i ai lava se falesa iinei *ma* ni faifeautalai Mamona."

Uo: "Ua lelei, o lea ua tatou i ai i le nofoaga autu o le aai. Ua kuata i le iva, ma ou te leo vaai i ni faifeautalai."

Au: "A lae ua o mai."

Uo: "Fea? O lau tala o tamai tagata na e mamaao a i o o loo kolosi le au-alal? E matuai le mafai lava ona tatou iloa atu po o ai i latou mai iinei."

Ina ua matou maua atu faifeautalai, sa ou oso ese mai le taavale ma faia se talanoaga fiafia ma ia i latou, faatalofa, talasua, talie, ma ataata.

Au: "Faafetai mo le momoliina mai o au."

Uo: "Faapea a au na e fai mai e te le iloaina na alii?"

Au: "Ou te le iloa. Faatoa matou feiloai."

Uo: "E le talanoa faapena tagata sei vagana latou te iloa lelei e le tasi le isi."

Au: "O le a ou faamalamalama atu i se taimi."



# O SE TATALO I LE NOFOAGA AUTU O TALAFaaSOLOPITO O AIGA

Uo: "Ou te le mautinoa e mafai ona ou toe maua lenei nofoaga, ma e te lei tau maia le taimi e toe piki ai oe."

Au: "O sauniga e toonai. Ona valaaulia lea o a'u e se aiga mo le toonai. A uma ona matou aai ma talanoa mo se taimi, o le a latou momoli atu au i le laumua."

Uo: "E te le iloa o le a valaaulia oe e se tagata e toonai ma toe momoli atu oe."

Sa ou faamautinoa atu ia te ia o le a lelei le tausiga o au ma ou toe faafetai atu ia te ia.

Sa musuia sauniga. Sa ou talaina le tagata muamua o le toatolu na valaaulia au e toonai. I le taimi o le toonai sa matou faia se talatalanoaga faagaeetia e uiga i le tuputupu ae o le Ekalesia i Holani.

Ua faamanuiaina a'u i le mauaina o tagata o le Ekalesia i le tele o taimi o lo'u olaga. O nisi taimi matou te feiloai i maota tautupu, ma o nisi taimi i fale faatauvaa. O nisi taimi matou te feiloai i faleie tuufua, ma le pefua. O nisi taimi matou te feiloai i falelotu o falemai. O nisi taimi matou te feiloai ai i ni faleie tetele po o fafo i lalo o le lagi.

Po o fea lava matou te feiloai ai, ou te fiafia lava i taimi uma sa ou faia se taumafaiga e saili le Ekalesia. Aua e pei ona fetalai mai le Alii, "Aua o le mea ua faapotopoto ai se toalua po o se toatolu i lo'u igoa, ou te i ai faatasi ma i latou" (Mataio 18:20). ■

Dee Jepson, Idaho, ISA

**A**fai e mafai ona tatou oo atu i le nofoaga autu o le aai i le kuata i le iva," sa ou fai atu ai i la'u uo, "e mafai ona tatou maua se falesa."

Ina ua uma ona valaauna au e avea ma le faufautua o talafaasolopito o aiga mo la matou paranesi i Ushuaia, Atenitina, na ou lagonaina se manao loloto e tatau ona saili mo ou tuaa. Sa faigata le galuega, ma sa tau leai se aso ou te lei taumafai ai se fuafuaga fou ina ia iloa po o ai i latou ma o fea na latou o mai ai i Italia.

I le 2006 sa valaauna a'u e vaaia le nofoaga autu o talafaasolopito o aiga. Sa faaaaua pea ona ou lagonaina le le fiafia, e ui i lea, e ala i lo'u toilalo e saili ni faamatatalaga e uiga i lo'u aiga. Na faatupulaia lo'u le fiafia ina ua tauia le sailiga a lo'u toalua mo ona tuaa. O lena tausaga, na maua ai e Ruben igoa e sili atu ma le 5,000 o ona tuaa o e sa ola i San Ginesio, Macerata, Italia.

I se tasi o aoauli i le nofoaga autu o talafaasolopito o aiga a o maua e Ruben lea tuaa ma lea tuaa i luga o ata mataninii, sa ia fiafia ma faaaaua pea ona alaga atu, "O le isi tasi!" I le lagona ai o le lotovaivai, ma loimata i o'u mata, sa ou faailoa atu lo'u faanoanoaga, ma faaopoopo i ai lo'u le iloaina o le mea e fai e saili ai tagata o lo'u aiga. I le vaaia o lo'u tiga, sa ia fautua mai ma te tatalo. Sa ma faia, ma aioi atu mo le Agaga Paia ina ia faamalamalamaina i maua ina ia mafai ona ma faatelevaveina le galuega mo lo'u aiga.

I le taimi o le ma tatalo, na faafusei lava ona manatua e Ruben se uepisite faapitoa e faaalia ai faaiu o tagata Italia. O le taimi lava na uma ai le ma tatalo, sa ma siakiina loa. I ni nai minute na ma mauaina ai tagata e toafa o loo i ai lou igoa a o lei faaipoipo, o Gos, i

le lisi faasinoala o telefoni a le tamai taulaga Italia o Iutizzo, i Italia i matu.

Sa vave ona ou auina atu ni tusi ia i latou taitoatasi. Na tali mai se tasi o i latou, ma faapea mai o lona toalua sa i ai le faaiu lava lea e tasi, ae e le aiga o ia i le aiga. Ae peitai, sa ia iloaina se tasi o tuafafine o lou tama matua ua maliu, ma sa ia ofo mai o le a ia fesootai atu i se tagata o le aiga, o loo soifua pea.

I ni nai masina mulimuli ane, ia Tesema 2006, na matou mauaina ai se telefoni mai atunu mamao.

"Pe o Susana Gos lea?" na fesili mai ai se leo o se alii mai se mea mamao.

"Ioe," o la'u tali atu lea.

"O lou tausoga lenei mai Italia," o lana tala lea.

O le na valaau mai, o Giovanni Battista Tubaro, o le tama a Maria le tuafafine o lo'u tamamatua!

Ia Mati 2008, na oo mai ai Giovanni ma lona faletua, o Miriama, e asiiasi mai ia i matou i Atenitina. Na matou faailoa atu ia te i latou le talalelei ma le galuega o talafaasolopito o aiga, ma mo ni nai aso sa matou talanoa ia i latou o e na muamua atu ia i matou. O lenei o o latou igoa taitasi i le agai i tua i le ono augatupulaga ua i ai se foliga ma se talafaasolopito.

Ua faatagaina au e le talafaasolopito o aiga ia mafai ai ona ou saofaga atu i se vaega taua o le galuega a le Alii. Ua ia aumaia foi au ia ou latalata atili atu i ou tuaa—o fanau a lo tatou Tama Faalalagi semanu ou te le iloa lava pe ana leai se tatalo o le faatuatua i le nofoaga autu o talafaasolopito o aiga. ■

Susana Magdalena Gos de Morresi,  
Tierra del Fuego, Atenitina

# AVE O IA I LE FALEMAI!

**S**a ou nofofua ma e fai au lava galuega i le taimi sa ou fou ai i le Ekalesia, o lea sa i ai aso sa ou avanoa ai. I se tasi o na aso, sa ou valaau ai i le peresitene o le Aualofa ma fesili atu pe i ai se tasi o manaomia se fesoasoani i lena aoauli. Sa ia ta'ua se uso olomatua e igoa ia Anita (ua suia le igoa) faatoa tea mai le falemai, ma sa nofo toatasi. Sa ou feiloai muamua ia Anita ma sa fafia lava e asiiasi ia te ia.

Sa ou valaau i ai ma alu atu loa i lona fale mautotogi. Sa ia fai mai ia te au e fai se meaai o le aoauli mo ia, ma mulimuli ane na ma maua se asiasiga matagofie. Sa ia te ia se uiga malie ma

**N**a fai mai Anita o loo lelei lana faalagona, ae sa ou alu ese mai autafa o lona moega, tootuli, ma tatalo ai.

e fafia e ata ma faamatala tala e uiga i lona olaga.

Ina ua uma le aiga o le aoauli sa ia fai mai ua lelava ma fai mai ia te au e fesoasoani ia te ia mai lona nofoa faataavalevale i le moega. E lei umi ae ou faamoeina o ia. Ona faafuasei lea, ona tautala mai le leo ititi, ma le filemu sa ou faalogo soo i ai ia te au: "Ave o ia i le falemai i le taimi nei!"

E ita Anita i le falemai, ma na faatoa foi mai i le fale. Sa ou fesili ia te ia pe o lelei lana faalagona. Sa ia fai mai sa lelei lava, ae ua lagona le vaivai.

Sa ou agai ese mai autafa o lona moega ma tootuli. O le taimi lava na

amata ai ona ou tatalo, na toe fai mai le leo, "Ave o ia i le falemai, ma ave loa nei lava!"

Sa ou le mautonu, ma fesili ia te au lava, "O le a lau tala e fai atu i le fomai i le falemai?"

Sa ou valaau atu i se uo, o le na tatalo foi ona tau mai lea ia te au e mulimuli i la'u uunaiga.

Sa ita Anita i lou ta'ua o le ave o ia i le falemai, ae sa ou valaau pea i se taavale a le falemai. Ina ua taunu mai, sa ulu mai i totonu ni fomai se toalua ma siaki lona tulaga o i ai. E aunoa ma ni fesili, sa la tuuina o ia i se moega ma faanatinati ese atu i le taavale a le falemai.

Sa ou mulimuli atu i lau veni. Ina ua ou taunu atu i le falemai, sa ou nofo ma faatalitali. E lei umi ae sau se fomai i fafo. Sa ia fesili mai, "Na te le'i tauina atu faapea na pau ae e te lei oo mai i lona fale mautotogi, a ea?"

"Leai," o lau tali lea.

Na ia tau mai o Anita na lavea lona atepili ma sa piliki i totonu. A aunoa ma le vave o togaftiga faafomai, na ia fai mai ai, semanu e maliu o ia.

Sa fefiloou lagona o le faanoanoa ma le olioli—faanoanoa ona sa ou faatalitali a o le olioli ona sa iu lava ina ou faalogo i le Agaga Paia. O le mea aupito sili, sa ou lagonaina le faafetai i le iloa na faatuatuaina au e le Alii e fesoasoani i lenei uso na lavea ma sa musuia lo'u peresitene o le Aualofa e auina atu au ia te ia.

O lou lava ola maloloina ua faifai malie atu talu mai lena aafiaga, ae o le Alii o loo uunaia pea au. Ou te tatalo e le aunoa mo le malosi e mulimuli ai i na uunaiga. ■

Gayle Y. Brandvold, Kalemofonia, ISA





## E MAFAI ONA OU MAUA SE TUSI A MAMONA?

**A**o ou ulufale atu i le malae vaa-  
lele agai i le fale mai se asiasiga  
i ni uo ua leva, sa ou lagonaina le  
lotovaivai ou te lei faasoa atu le talalelei  
i lenei malaga. Sa ou tauaveina  
lava i taimi uma se Tusi a Mamona i  
la'u ato ina ia faamanatu ai ia te a'u  
e tatalo mo se tasi e mafai ona ou  
tuuina atu i ai, ae o le tele o taimi  
e tumau ai i la'u ato. O lenei malaga  
sa misi ai foi.

Sa ou manava loloa ma fai se tatalo  
o le faatoesega le leoa. Sa lagona lou  
pei o se tagata lotu faifeautalai leaga.

A o ou faaoefiofi atu i le laina o le  
saogalemu, sa uunaia au e talanoa atu  
i le fafine sa i ou luma. Sa ma talatalanoa  
i mea ma te o i ai ona eseese ai  
lea o laina e o i ai. A o ou agai atu i  
lo'u faitotoa, e ui i lea, sa ou vaai i le  
fafine lava lea e tasi. "Oi, talofa," o lana  
tala lea. "Lelei ua vaai ia oe!"

Sa ou fesili atu ia te ia i le taimi  
e alu ese ai lana vaa. "Oi, toe tele ni  
itula—ua ou vave mai."

"Ia, sau ta nonofo faatasi!" Na ou  
fai atu ai.

Sa i ai pea lou 45 minute a o lei  
ulufale atu i lau vaa, o lea na ma  
nonofo ai i lo'u faitotoa, ma talanoa e  
uiga i a ma galuega. Sa ou ta'ua ai nisi  
o tusitusiga na ou faia mo le Au Paia  
o Aso e Gata Ai, ma na faafuasei lava  
ona ia mata fiafia.

"O oe o se Mamona?" sa ia fesili ai.  
"Sa ou manao e fia iloa atili e uiga i  
Mamona. E faapefea ona mafai ona ou  
maua se kopi o le Tusi a Mamona?"

"Ia," sa ou fai atu ai, ma tatala la'u  
ato, "o loo i ai sau tusi ii."

"Oi, a'u e," o lana tala lea. "Ou te  
manatu atonu sa tatau ona ta feiloai  
i le aso."

O le agaga faafetai sa lolovaia ai  
lo'u loto. Ina ua ia fesili mai po o le  
a le mea e ese ai le Au Paia o Aso e  
Gata Ai mai isi lotu, sa ou lagonaina  
le taialaina i le tala e fai atu.

Sa ou fai atu o le a ou tau atu i  
faifeautalai e faafesootai o ia, ona  
valaau mai lea o lau vaa. Sa ou  
tatalaina la'u ato ina ia maua la'u  
pepa o le nofoa ae sa le mafai ona  
maua. Sa ou lauina i lalo mea mai i

lau ato. O iina, i le pito i lalo faatasi  
ai ma le pepa, sa i ai se lomiga o le  
konafesi aoao o le *Ensign!* Sa ou tuu  
atu ia te ia ma faafetai atu i le Alii na  
tatau ona ou sueina la'u pepa o le  
nofoa. Sa ia ta'ua e masani lava ona  
ia aumaia ni tusi e faitauina faatasi  
ma ia ae na ia lagonaina na le tatau  
i le taimi lenei.

"Atonu ina ia mafai ona ou faitau  
i lenei tusi," o lana tala lea. Faatasi ai  
ma la'u pepa o le nofoa, na ou opo  
maia o ia ma faatofa i ai.

O lenei la ua ma talanoa i vaiaso  
taitasi, ma sa ia ta'u mai ia te au e uiga  
i a latou asiasiga faatasi ma tamaitai  
faifeautalai. Ua atoa nei le tausaga,  
ma ou te faamoemoe e vaai ia te ia  
i se aso ua papatiso. Ou te le iloa pe  
o le a tupu lena mea, ae ou te maofa  
lava i le galuega a le Tama Faalelagi  
e fesoasoani ai i o tatou ala e fesootai.  
Ou te faafetai ia te Ia mo le faafogoga  
ina o la'u tatalo ma le tuuina mai ia te  
au o se avanoa faigofie e faasoa atu ai  
se Tusi a Mamona. ■

Joni Hilton, Kaledonia, ISA

**S**a ou lauina i lalo  
mea mai i lau ato,  
ma sa i ai iina i le pito  
i lalo faatasi ma lau  
pepa o le nofoa, se  
lomiga o le *Ensign*.

# ONOSAI: E Sili Atu Nai Lo Le Faatalitali

O le onosai e le o se  
lesona e faigofie le  
aoaoina, ae e matuai  
aoga lava.

Saunia e Hillary Olsen

“Sister Olsen, matou te faamanu-iaina oe i le onosai.” E le o upu ia na ou fia faalogo i ai. Sa ou tatalo i le aso atoa ina ia lava le faatuatua e faamaloloina ai. I le faamanuiaga, sa folafola mai o le a iu lava ina ou malosi, ae sa faamautinoa mai ia te au o le a fai lava sina umi.

Sa ou mapuea ina ua uma ona tuu mai e alii faifeautalai ia te au se faamanuiaga. Ua na o le tolu lava masina o loo totoe o la‘u misiona, ma sa ou manao e faatasi atu ma tagata—e le o le ma‘i i le moega. Sa ou manao e talia le finagalo o le Alii, ae ou te lei malamalama moni pe aisea na Ia finagalo ai ou te faatali.

Sa ou manaomia ni nai aso e malamalama ai i lo‘u tulaga. Sa ou manatu



lava a'u i le mea moni e faapea o le a le vave ona ou manuia, ae i le taimi lea sa ou faanoanoa lava—seia oo i se tasi aso sa ou liliu atu ai i tusitusiga paia. Mulimuli ane, sa ou maua le filemu na ou manaomia i le Iakopo 1. Na maua e Iosefa Samita lana tali i le fuaiupu 5—o au na maua i le fuaiupu 2–4:

“Ou uso e, ia outou manatu o le mea e fiafia tele ai pe a maua outou i tofotofoga eseese [ua suia e le Faaliliuga a Iosefa Samita “tofotofoga eseese” i “puapuaga e tele”];

“Ina ua outou iloa, o le tofotofoga o lo outou faatuatua e tupu ai le onosai.

“A ia atoatoa le galuega a le onosai, ina ia atoatoa ai ma ia sao ona lelei ai outou, ia leai se mea e tasi e mativa ai.”

A o ou faitau i na fuaiupu, e le mafai ona ou fai atu sa faafusei lava ona ou mafai ona avea ma “mea e fiafia tele ai” i lou ma'i, ae na ou aoaoina nisi o mea na fesoasoani e faaititia ai le lagona o le faanoanoa i lo'u tulaga.

O le mea moni faapea ou te le'i vave ona faamaloloina e le faapea e lei i ai sou faatuatua, ma e le faapea e lei popole le Alii i lo'u tulaga—o le mea moni, o le matuai faafeagai lava. Na lava le popole o le Alii e tofotofina ai lo'u faatuatua e ala i le le faamaloloina o au i le taimi lava lena ina mafai ona ou atiina ae le onosai.

Sa ou iloaina e finagalo le Alii ia ou atiina ae le onosai ona o se uiga faaalia taua. O le onosai e

faamamaina ai i tatou. O le onosai e fesoasoani ia i tatou ia avea atili ai e faapei o le Faaola. Sa i ai ni ou tiutetauave taua o se faifeautalai faamisiona, ae na ou iloa pe a oo i le auauna atu i le Alii, e tutusa lava Lona popole i le tufugaaao e pei ona Ia popole i le galuega o loo faia. Na aoaoina au e le Alii ia onosai ina ia mafai ona ou avea ma se faifeautalai sili atu ona lelei ma se faifeautalai e sili atu ona aoga i na masina faai o la'u misiona.

Na iu lava ina oo mai lo'u faamamuiaga na folafola mai o le faamalologa, ae o la'u lesona i le onosai e le i uma ai iina. E tele faamanuiaga i o tatou olaga—faaipoipoga, galuega, fanau, soifua maloloina faaletino ma faalelagona, tali i tatalo—e le vave ona oo mai pe a tatou faamoemoe i ai. Pe a e iloa ua tuai mai tali i tatalo, ma atonu na e oo i ai pe o le a oo foi i ai, ia tuuto i le onosai e ala i le faalagolago i le Alii ma Lana taimi. O le a faamanuiaina ai lou olaga.

### Vaaiga i le Onosai

Na ou sau i le fale mai la'u misiona ma se lagona sese e mafai ona ou maka eseina le onosai mai la'u lisi o lesona e aoaoina. O le mea e uiga i le onosai, e ui i lea, e le o se lesona e na o le tasi le taimi e aoao ai. O Elder Neal A. Maxwell (1926–2004) o le Korama a Apostolo e Toasefululu na tuuina mai se lauga e uiga i le onosai, ma sa ou faitau i ai mo le taimi muamua ina ua mavae se teteaga faalotovaivai ma se tasi sa

ma tafafao faamasani. Sa ou lagona ua tau leai se faamoemoe ma le loto nutimomoia, ma i lena taimi, o le mea mulimuli lava sa ou manatu sa ou manaomia o se faamanatu ina ia onosai. Ae, i le faateia ai, o malamalamaga o Elder Maxwell i le onosai na aoaoina ai au i nisi o manatu faavae mamana na [toe] suia atoa ai la'u vaaiga ma fesoasoani ia te au e toe tuuto atu i le onosai.

### O Le Onosai e Le o le Faamavae

Mo se faataitaiga, sa ou aoaoina o le tuuto atu i le onosai e le faapea tatou te faamimigi o tatou tau'au, ma lafoai le faamoemoe. Na aoao mai Elder Maxwell: “O le Onosai, e le o le le kea. O le mea moni, o lona uiga o le popole tele naua ae ua naunau, e ui i lea, e gauai atu i le Alii, ma le mea ua ta'ua e tusitusiga paia o le ‘faagasologa o le taimi.’”<sup>1</sup> Sa masani ona ou manatu i le onosai o se ituaina o tali sao i aafia o le olaga, o se ituaina o le tuuavanoa. Ae o le onosai e le o le tuuavanoa. O le onosai, o se faailoaga lea o le malosi i totonus ma le tuuto atu i le Alii.

### O Le Onosai, O Le Lagolelei, ae Le O Le Popolevale

Na aoao mai foi Elder Maxwell: “O le onosai o se naunautaiga, i se tulaga, e matamata i faamoemoega ua faaalia mai e le Atua ma se lagona o le ofo ma le maofa, nai lo le popolevale i o tatou lava tulaga. Tuu atu i se isi itu, o le popolevale i le tatala soo o le faitotoa o le ogau mu e pa'u ai le keke nai lo le faafefeteina. E faapena

foi i tatou. Afai tatou te manatu ia i tatou lava i taimi uma ma fua lo tatou fiva e iloa ai po o tatou fiafia, o le a tatou le fiafia lava.”<sup>2</sup> O lenei manatu e tutusa lelei lava ma au (ma e le na o le faapea ona o au o se fai keke le to'a). E faavaivai loto pe a le taulau le fuafuaga po o le le taunuu e pei ona faamoemoeina. I o tatou mafaufau faaletagata, o le taimi paia e mafai ona faigata ona malamalama i ai. Ae o le mea ou te *mafai* ona malamalama ai e faapea o le Atua o se Tama alofa o loo i ai se fuafuaga e faamonia ai le fiafia mulimuli ane pe afai tatou te faamaoni, ma o loo o'u aoao e talia Lana taimi ma le mautinoa—ae le o le popolevale.

#### **E Le o Taimi Uma e Uiga ia i Tatou**

Ona o le onosai e suesueina i tatou i se tulaga patino lava, o la tatou tulimatai e masani lava o totonu. Ae na aoao mai Elder Maxwell e faapea “o le onosai e fesoasoani foi ia i tatou e iloa ai e ui atonu tatou te saunia e agai i luma, ina ua lava se aafiaga aoaoina faapitoa, o lo tatou faaaauau pea ona i ai e masani lava ona manaomia o se vaega o le siosiomaga e aoao ai isi.”<sup>3</sup> E Le gata ina tatou manaomia le onosai,

ae o isi foi e manaomia lo tatou onosai po o le faataitaiga o lo tatou onosai. O lenei manatu e lei oo mai muamua lava ia te au, ma na fesoasoani ia te au ina ia vaai i le onosai o se uiga tamalii, e fesootai vavalalata lava ma le alofa moni, o le alofa mama o Keriso, lea “e le uma” (Moronae 7:46).

#### **E Sili Atu Nai Lo Le Faatalitali**

E tusa lava pe sao la tatou vaiga, o le faatalitali e mafai ona faigata. Ae ua ou iloa o le onosai e sili atu nai lo le faatalitali. Ua ou iloa lenei mea mai lo'u tuagane o Andrew ma lona faletua, o Brianna, a o la taulimaina le le mafai ona mauaina se fanau. E ui lava ina sa olopalaina o la faamoe-moega ina ua la iloa o le a le mafai ona maua se fanau, na la maua se faamoemoe fou e ala i le vaiga o le vaetamaina—ae o lona uiga o lena lava mea o le a toe faatalitali atili.


Sa ou faalotolotolua e faaaoga le upu *faatali* pe a faatatau ia i laua, aua o lena upu e tele lava ina i ai lagona lelei. Mo i laua, o le faatalitali e le o le nofo ai pea seia oo ina maua se tamaitiiti—o le onosai e sili atu nai lo lena.


Fai mai Andrew, “O le tele lava o le vaetamaina e i aao o le Alii, ae le o ma'ua. Ae ma te lagonaina le fiafia i le i ai o se mea e mafai ona ma faia e galulue ai i le ma sini o le mauaina o ni fanau i lo ma aiga.” Pe e ala atu i le initoneti, faasoa atu a la faamatalaga e faafesootai ai uo ma aiga, po o le faa-aofia i ni vaega i le lotoifale o matua ua vaetamaina, la te taumafai e “faia mea uma i lo [la] malosi” (MF&F 123:17), ona la tuu atu lea o lo la talitonuga i le Alii.

Ina ua mavae tausaga o le faatalitali ma le tatalo, sa mafai ona la vaetamaina se pepe teine aulelei e igoa ia Jessica. A o la sapasapaia o ia i o la lima, o tausaga o le le fiafia ma le lotovaivai na mou ese atu. Mo i laua, sa avea o ia ma o loo avea nei o ia o se vavega.

Ua mavae le lima tausaga talu ai ona la vaetamaina Jessica, ma mo le fa tausaga ua mavae, sa la taumafai e vaetamaina se isi tamaitiiti. Ua toe amata le faatalitali. Na tau mai e Brianna ia te au, “E masani ona faamanatu mai e tagata ia i maua faapea soo se taimi lava ua tatau ai i se tamaitiiti ona sau i lo ma aiga, o le a sau lava. Ua ma iloa e sa'o i latou, ae ua ma iloa foi e le mafai ona ma nonofo ai pea ma filemu a o ma faatalitali. E tatau ona ma maua le faatuatua e faapea o le a tupu, ae tatau foi ona agai i luma, ola ai i o ma olaga, fai ni fuafuaga mo lo matou lumana, maua le fiafia, ma fiafia e mafuta faatasi.”

E faigata le faatalitali, ae o Andrew ma Brianna na aoaoina au e filifili ina ia fiafia i le taimi nei. E faigofie lava le mafaufau, “o le a ou fiafia pe a \_\_\_\_\_,” ae tatou te misia lava le





*O upu a le  
Faaola, na  
fetalai atu ai  
i le Faatoaga  
o Ketesemane,  
ua faaalia ai  
le onosai.*

tele o mea e ofo mai e le olaga e ala i le tolopoina o lo tatou fiafia. E ui lava tatou te tuu ese o tatou manao ae gauai atu i le finagalo o lo tatou Tama, e le faapea ua tatou tuu ese ai foi lo tatou fiafia. E mafai e Lona alofa ona tuuina mai le malosi, faatumu mea ua gaogao, ma faamautu ai le faamoemoe.

### **O Le Faataitaiga a le Faaola o le Onosai**

O le Faaola o lo tatou faataitaiga sili o le onosai. Ia te au, o Ana upu na tautalagia i le Faatoaga o Ketesemane ua faaalia ai Lona onosai. I le lotolotoi o puapuaga o le maliu ma le ositaulaga e le mafaatusalia, sa Ia fesili faapea, afai e mafai, ia aveese le ipu o Lona puapuagatia mai ia te Ia. Na Ia faapea atu, “Ae aua le faia lo’u loto, a o lou finagalo” (Mataio 26: 39). O le upu *ae* o loo tauaveina se savali

mamana. E ui lava o le finagalo moni lava o le Faaola i lena taimi, ae sa Ia faaalia Lona naunau e talia le finagalo o Lona Tama, ma tumau ai.

O le a tatou manaomia uma lava le faatalitali mo ni mea i o tatou olaga—e oo lava i taimi o manaoga e aupito sili ona amiontonu o o tatou loto. Ae o Iesu Keriso, o la tatou “Uo sili, la [tatou] Uo faalelagi,”<sup>4</sup> e mafai ona faamafanafana ma faamautinoia ia i tatou mea lelei e oo mai. Ma o Ia e onosai ma alofa ia i tatou a o tatou aoao ia avea faapei o Ia, a o tatou aoao e feagai ma luitau ua faamoemoeina ma e le’i faamoemoeina o le olaga nei ma fai atu i lo tatou Tama, “Ae aua le faia lo’u loto, a o lou finagalo.”

O la’u vaaiga i le onosai ua matuai suia lava a o ou avea ma tagata matua. O le onosai, o se faagasologa,

ma o le a ou aoao pea lava. E ui lava o le faatalitali e faigata, ua ou aoao e avea ma “mea e fiafia tele ai” pe a tofotofoina lo’u onosai—e le faapea ona ua ou maua le olioli i le faigata o lea mea, ae ona ua ou iloa e i ai sona faamoemoega mamalu. Ou te iloa o le tuuina atu “ia atoatoa le galuega a le onosai” o se vaega o le faataunuina o lo’u faamoemoega i le lalolagi o le avea lea i se aso “ia sao ona lelei ai [outou] ia leai se mea e tasi e mativa ai” (Iakopo 1:4). ■

*E alala le tusitala i Iuta, ISA.*

### **FAAMATALAGA**

1. Neal A. Maxwell, “Patience” (faigalotu a le Iunivesite o Polika Iaga, Nov. 27, 1979), 1, speeches.byu.edu.
2. Neal A. Maxwell, “Patience,” 2.
3. Neal A. Maxwell, “Patience,” 3.
4. “Be Still, My Soul,” Hymns, no. 124.

### **FAAFETAI ATU IA TE IA MO LE ONOSAI**



“Pe afai e te tatalo ai, pe afai e te talanoa i le Atua, ma afai e te aioi atu mo le fesoasoani e te manaomia, ma pe afai e te faafetai ia te ia e le gata mo le fesoasoani ae faapea foi mo le onosai ma le agamalu e oo mai i le le mauaina o mea uma e te manao ai i le taimi lava lena pe atonu foi i se isi lava taimi, ona ou folafola atu lea ia te oe e faapea o le a e latalata atili atu ai ia te ia.”

Peresitene Henry B. Eyring, Fesoasoani Muamua i le Au Peresitene Sili, “Waiting upon the Lord,” (faigalotu a le Iunivesite o Polika Iaga, Set. 30, 1990), 4, speeches.byu.edu.

# Misiona po o le Tupe?

Gelzcke Felix Nogueira

**U**a mavae le tausaga talu ona avea ma se tagata o Le Ekalesia a Iesu Keriso o le Au Paia o Aso e Gata Ai, sa ou auina atu au pepa e avea ma se faifeatalai faamisiona. Sa matuai tetee lava lo'u aiga ia te au i le auauna atu i se misiona ma le manatu faapea sa tatau ona ou sueina lou faailoga o le [master] matuaofaiva nai lo lena. Na faatoa uma lo'u faailoga [bachelor], ma o la'u miti sa i ai i taimi uma lava ia maua sou faailoga [master]matuaofaiva pe a uma. Sa naunau au polofesa e fesoasoani foi ia te au ona sa avea au ma se tamaititi aoga lelei.

A o ou sauni e tuua mo la'u misiona, sa matuai faigata le olaga mo lou aiga i mea tautupe. O lo'u uso matua e leo toe faigaluega. I se taimi puupuu mulimuli ane, na amata ona pau le tamaoaiga o le kamupani na faigaluega ai lo'u tama mo le tele o tausaga, ma na le toe faigaluega ai. Na iu ina faaaogaina uma e lou tama ana

**E leai se aofaiga o tupe e tutusa ma le faamanuiaga o le vaai atu i aiga ua saunia e o i le malumalu ma faamauina.**

faamanuiaga o le malo e fesoasoani ai i lo'u tinamatua, ma i se tasi po sa ou vaai ai ia te ia o tagi ona na te le iloa pe faapefea ona tausi lona aiga.

I le taimi lea, sa ou mauaina ai se sikolasipi i le iunivesite lea sa toeitiiti tutusa ma le afa o se totogi e sili ona laitiiti. Pe a ou maua o'u totogi, ou te totogi muamua lava lau sefuluai. Ae ina ua ou maua lo'u totogi talu ai nei lava ae ua leai se galuega a lo'u

tama, na fai mai ia te au lou tina e aua le tuuina atu tupe i le Ekalesia ona matou te manaomia i le aiga. Sa ou faamatala ia te ia le sefuluai ma lona taua ma faaali atu ia te ia le folafolaga na tuuina mai e le Alii i le Malaki 3:10. E ui ina sa le'i fiafia o ia, sa ou totogiina la'u sefuluai ma na ou iloaina sa sa'o.

A o ou faaaauau pea la'u tapenaga mo le misiona, sa ou ulufale atu i se tauvaga i se iunivesite i le lotoifale e tau lava ina vaai pe faapefea ona ou faia. Sa ou pasia ma na ofoina mai se galuega lea e mafai ona ou maua ai toeitiiti lava o le tele o le tupe lea sa maua e lo'u tama i lana galuega. O le a lava lea e tausia ai lo'u aiga seja oo ina mafai ona litaea lo'u tama. Na faamoemoe lo'u aiga o le a ou taliaina le galuega.

Sa ou tatalo soo, ma sa tali mai le Alii e tatau ona ou alu i le galuega faamisiona. Sa ou faalagolago ia te Ia ma taliaina lo'u valaauga i le Misiona



a Pasila Santa Maria. Sa faamanuia-  
ina e le Alii lo'u aiga a o ou alu atu  
i la'u misiona. Ou te iloa sa tatala  
mai pupuni o le lagi (tagai i le Malaki  
3:10). Sa mafai ona toe maua e lou  
tama ma lou uso ni galuega, ma na  
mafai ona tausia e lou aiga ni povi  
taususu mo se tupe faasili.

Ua faatupulaia la'u molimau o Iesu  
Keriso ma Lana galuega, ma vaai i  
le olioli i foliga ma le suiga i loto o i  
latou na ou auauna atu i ai o se mea  
e taua tele ia te au. E leai se aofaiga  
o tupe e tutusa ma le faamanuia-  
ga o le vaai atu i aiga ua saunia e o i le  
malumalu ma faamauina. ■

*E alala le tusitala i Fortaleza, Pasila.*



### O LE SEFULUAI: O SE TOFOTOFOGA O LO TATOU FAATUATUA

"O'u uso ma tuafafine pele, o le  
faamanuia-  
ga e faavavau o le sefuluai  
e moni. Sa ou oo i ai i lo'u olaga ma i le  
olaga o lo'u aiga. O le tofotofoina o lo  
tatou faatuatua pe a tatou ola i le tulafono o le sefuluai  
i lo tatou usiusitai ma le ositaulaga. Aua, i upu o le Pero-  
feta o Iosefa Samita, 'o se tapuaiga e le manaomia ai le  
ositaulagaina o mea uma e le i ai lava ni mana e lava e  
maua ai le faatuatua e tatau ai mo le ola ma le faaola-  
taga' (Iosefa Samita, *Lectures on Faith* [1985], 69)."

*O Elder Robert D. Hales o le Korama a Apostolo e Toasefululu,  
"O Le Sefuluai: O se Tofotofoga o le Faatuatua ma Faamanuia-  
ga e Faavavau," Liahona, Nov. 2002, 29.*

*la faasalalau i le lalolagi ia savali ua faatumulia i le amiotonu ma le upumoni.*





**Saunia e Elder  
David A. Bednar**  
O Le Korama  
a Apoetolo e  
Toasefululua

# FAALOLOVAIA LE LALOLAGI

## e ala i Faasalalauga Faaleagafesootai

**U**a tatou ola i se tisipenisione moni o le tulaga ese. O se tisipenisione o le talalelei o se vaitaimi ua maua ai le pule o le perisitua tatau, o sauniga ma le malamalamo aaoaoga faavae ua maua i le lalolagi e faataunu ai le fuafuaga o le faaolataga a le Tama mo Lana fanau. O se mea e manaomia i le faatuina o se tisipenisione o se auauna faamaonia a le Atua, o le ulu o se tisipenisione, e umia ma faagaoioia le pule ma ki o le perisitua paia. Sa faatuina tisipenisione o le Talalelei e ala mai ia Atamu, Enoka, Noa, Aperaamo, Mose, Iesu Keriso, Iosefa Samita, ma isi. I tisipenisione uma ua toe faaali mai upumoni o le talalelei—po ua tufatufaina atu—ina ia le faalagolago atoa atu tagata o lena vaitaimi i tisipenisione ua tuanai mo le malamalamaga i le fuafuaga a le Tama.

O le liliuese mai le upu moni na tupu i tisipenisione taitasi na muamua atu. Ae peitai, o loo faaauau pea le galuega o le faaolataga lea na amata ae lei faamaeaina i na uluai tausaga i le tisipenisione mulimuli. Na faamalamalama atu e le Perofeta o Iosefa Samita e mo lenei mafuaaga, o le alualu i luma o le mamalu o aso e gata ai, e oo lava i le tisipenisione o le atoaga o taimi, “o se mafuaaga ua fafia i ai tagata o le Atua i tupulaga uma; o se mataupu ua uiga ese le fafia i ai o perofeta, ositaulaga ma tupu; ua latou tulimatai atu ma le naunautaiga fafia i aso o loo tatou ola ai; ma le musuia i le fafia ma le nau-nautaiga faalelagi ua latou pepese ai ma tusia ai ma valoia ai lo tatou taimi lenei.”<sup>1</sup>

I lenei tisipenisione o le talalelei silisili ma le mulimuli, “o se tuuafaatasiga atoa ma o’oo’o ma atoatoa, ma se sooga

mau faatasi o tisipenisione, ma ki, ma mana ma mamamlu, ma faaali mai e amata mai i aso o Atamu e oo mai lava i le taimi nei. Ma ua le gata i lenei, ae o mea na sa lei faaalia mai lava mai le faavaega o le lalolagi, ae sa tausi natia mai i e popoto ma mafaufau o le a faaalia . . . i le tisipenisione lenei o le atoaga o taimi” (MF&F 128:18).

### O le Tisipenisione o le Atoaga o Taimi ma Tekinolosi

Ua faamanuiaina i tatou e ola ai, aoao, ma auauna atu i lenei tisipenisione aupito sili ona maoae. O se vaaiga taua o le atoaga o loo avanoa mo i tatou i lenei vaitau faapitoa o se alualu i luma faavavega o taulagalaga ma mea fou ia ua mafai ai ona televave le galuega o le faaolataga: mai le nofoaafi i ueaalesi i leitio i taavale i vaalele i telefoni i eletonika i televisi i komepiuta i satelite i le Initonet—ma se lisi e le iu o tekinolesi ma meafai-galuega ua faamanuiaina ai o tatou olaga. O nei agai i luma uma o ni vaega a le Alii o le faanatinati o Lana galuega i aso e gata ai.

I le 1862 na saunoa mai Peresitene Polika Iaga (1801-77): “I mea uma na iloa i le saienisi ma faatufugaga, e moni lava ma aoga i le tagata na tuuina mai i faaaliga tuusao mai le Atua, e ui ina toaitiiti e faailoaina mai. Na tuuina mai faatasi ma se vaaiga e saunia le ala mo le manumalo a’iai i le upumoni, ma o le togiolaina o le lalolagi mai le mana o le agasala ma Satani.”<sup>2</sup>

Faamolemole ia mafaufau nei i upu a Peresitene Spencer W. Kimball (1895-1985), na saunoa ai i le 1974, a o ia faamatalaina le lumana i o le galuega faafaifeatalai:

"Ou te talitonu o loo naunau le Alii e tuu mai i o tatou lima ni meafaigaluega faaonapo nei tatou te le i vaai muamua lava i ai. . . .

"Ma le Alii e tuuina atu nei vavega o fesootaiga, ma faatasi ai ma le faateleina o le taumafaiga ma le tuuto o o tatou faifeautalai ma i tatou uma, ma isi tagata uma na 'auina atu', e mautinoa lava le poloaiga paia o le a oo mai: 'Aua, e moni, e ao ona alu atu le leo mai lenei nofoaga i le lalolagi atoa, ma i le vaega aupito mamao o le lalolagi—e ao ina talai le talalelei i tagata uma lava' (MF&F 58:64)."<sup>3</sup>

Ma i le 1981 na aoao mai Peresitene Gordon B. Hinckley (1910–2008): "Matou te faatuatua malosi a o faa-lauteleina atu le galuega a le Alii, o le a Ia musuia tagata e faia ni mea o le a mafai ai e tagata o le Ekalesia, ona latou faafogoga i lapataiga a lo latou perofeta filifilia."<sup>4</sup>

O savali ma ata sa masani ona manaomia ai ni aso, vaiaso, ma masina e auina atu ai ma maua a o lenei ua mafai ona fesoottai atu i le lalolagi atoa i ni sekone. Matou te faafetai ia te Oe, Le Atua e, mo perofeta o e na aoaoina ma saunia i matou mo le taimi o loo matou ola ai—ma na uunaia i matou e faaaoga ai le alualu i luma o tekinolosi e lagolago ai le misiona faifai pea a Le Ekalesia a Iesu Keriso o le Au Paia o Aso e Gata Ai.<sup>5</sup>

Ua faanatinati e le Alii Lana galuega, ma e le o se mea na faafuaveta nei fesootaiga mamana taulagalaga ma mea fou o loo tutupu i le tisipenisione o le atoaga o taimi. O ala o faasalalauga o ni meafaigaluega faavaomalo e mafai ona aoga patino ma le lelei i tagata e toatele taitoatasi ma aiga. Ma ou te talitonu ua oo mai le taimi mo i tatou o soo o Keriso e faaaogaina lelei ia sili atu le aoga o nei meafaigaluega musuia e molimau atu ai i le Atua le Tama Faavavau, o Lana fuafuaga o le fiafia mo Lana fanau, ma Lona Alo, o Iesu Keriso, o le Faaola o le lalolagi; e folafola atu le moni o le Toefuataiga o le talalelei i aso e gata ai; ma faataunu le galuega a le Alii.

E tatau ona mulimultaia ni nai taiala autu a o tatou faa-aogaina ala o faasalalauga faaleagafesootai e faailoa atu ai le savali o le talalelei:

## 1. Ia Faamaoni ma ia Faifai Pea

Muamua, o i tatou o soo ma o la tatou savali e tatau ona faamaoni. O se tagata po o se oloa e le faamaoni

e pepelo, e le moni, ma e faafoliga. O a tatou savali e tatau ona moni, faamaoni, ma sa'o. E le tatau ona tatou soona faateleina se mea, teuteu i mea pepelo, pe faafoliga i se isi, po o se mea e le o avea ai i tatou. E tatau ona faatuatua ma anoa a tatou anotusi. Ma o le faailoaina i luga o le Initoneti e le o se laisene e avea ai ma faresao.

E faamalosia le faamaoni aiai e ala i le tumau. O savali o le talalelei e te faasoa atu o le a taliaina lelei pe afai o lau faataitaiga faa-Keriso e faamaonia ai le mamanu faifai pea o au savali.

O Sister Bonnie L. Oscarson o se faataitaiga malosi o le mana o le faifai pea i le ala o faasalalauga faaleagafesootai. Ina ua valaaolina e avea ma peresitene aoao o Tamaitai Talavou ia Aperila 2013, o e na mulimuli i lana Pinterest na faaluolina. Na saunia e savali talu ai a sister Oscarson faamaoniga ua lava lona faamaoni, na uunaia se tagata tusitusi i le initoneti e fesili atu, "Pe o le a pasi le suega a Bonnie Oscarson a lau itulau o le Pinterest? . . . O le a le filifiliga a tagata pe o ai oe pe afai pau mea uma latou te iloa o mea o loo i lau itulau o le ala o faasalalauga faaleagafesootai?"<sup>6</sup>

## 2. Siitia ma Faagaeetia

Lua, o i tatou ma a tatou savali e tatau ona faagaeetia ma siitia, nai lo le tauupu, finau, faasala, po o le faamaasiasi.

Faasoa atu le talalelei ma le alofa moni ma le popole mo isi. Ia lototele ma lototoa, ae le o le faamaualuga, i le lagolagoina ma le puipuia o o tatou talitonuga, ma aloese mai finauga. I le avea ai ma soo, o la tatou faamoemoega o le faaaoga lea o alaata o faasalalauga faaleagafesootai e avea o ni auala e faasusulu atu ai le malamalamama ma le upumoni o le talalelei toefuataiina a Iesu Keriso i se lalolagi o loo faateteleina le pogisa ma le gaogaosa.

## 3. Faaaloalo i Meatotino Faalefaatufugaga

Lona tolu, o i tatou ma a tatou savali e tatau ona faaaloalo i meatotino a isi tagata ma faalapotopotoga. O lona uiga e le tatau ona e fatuina sau lava anotusi i le faaaogaina o se tusiga ata, igoa, ata, musika, vitio, po o isi anotusi



Ua faanatinati e le Alii Lana galuega, ma e le o se mea na faafuaveta nei fesoo- taiga mamana taulagalaga ma mea fou o loo tutupu i le tisipenisione o le atoaga o taimi.

## O FAATAITAIGA O TAUMAFAIKA O ALA O FAASALALAUGA FAALEAGAFESOOTAI

**O**nai faataitaiga nei o savali o le talalelei ma ata na fatuina e le Ekalesia ma ona tagata ma faafesootai atu ai i le lalolagi e ala i faasalalauga faaleagafesootai.



1. **Ona o ia.** O se vitio puupuu na gaosia e le Ekalesia e faamamaluina ai le uiga moni o le Eseta. Na maimoaina i le sili atu nai lo le lima miliona taimi i le vaisao o le Eseta o le tausaga ua mavae i atunu ma teritori e 191. I le faaaogaina o le #BecauseofHim o loo avatu faatasi (se mea e faailoa ai savali talafeagai i ala o faasalalauga faaleagafesootai), sa faaali mai e tagata o le ekalesia ma isi le tele o o latou manatu ma ata e uiga i le Faaola ma Lona toetu Mai i le tele o ala o agafesootai ma nofoaga, e aofia ai le Facebook, Twitter, ma le Instagram. Vaai i ai i le lds.org/media-library/video/topics/easter.



2. **Pe Na Faia Sau Tatalo?** O tagata o le Ekalesia ma isi na lolomiina le sili atu ma le 300 ata o i latou lava i le Instagram, Facebook, Twitter, ma isi alaata o fesoataiga faaleagafesootai ma faailoga na faamaeaina le fasifuitau “Ou te tatalo pe a...” E le gata i lea, o le faitau afe o tagata na faaaogaina le #DidYouThinktoPray hashtag e faasoai mai ni manatu e uiga i le pe a ma le aisea latou te fesoatai ai ma lo latou Tama Faalelagi. O nei faatinoga faigofie na taitai atu ai i le sili atu ma le 40,000 talanoaga e uiga i le manaomia o le tatalo. Tagai i le mormonchannel.org/watch/collection/mormon-channel-videos/i-pray-when-didyouthinktopray.



3. **Tusi a Mamona 365.** O se lau o le Instagram na fatuina e se ulugalii mai Arizona, ISA, na tuuina i luga se faasologa o tofiga o faitauga tusi mai le Tusi a Mamona i aso uma. O tofiga e vaevaeina i ni vaega e 365-le tele talafeagai e mafai ai ona mulimuli i le faiatuga o le Tusi a Mamona atoa i le tasi le tausaga. E silia ma le 45,000 tagata o loo mulimuli nei i lenei lau, ma le toatele o i latou e auai ma faasoai atu o latou manatu ma uunaiga a o latou faitau faatasi le Tusi a Mamona.



**4. O Lau o Ala o Fesootaiga Faaleaga-fesootai o le Pulega Aoao.** I le taumafanafana talu ai na faatuina ai e le Ekalesia se itulau aloaia i le Instagram. E filifili faapitoa lava e le Au Peresitene Sili ma le Korama

a Apostolo e Toasefululu ni a latou lava ata e tuuina i luga. O nisi o le Usoga ua i ai nei ni a latou lava itulau o le Twitter. O le au Uso uma foi ua i ai a latou lava itulau o le Facebook lea latou te fesootai atu ai savali taua o le talalelei. Sue a latou itulau i le [lds.org/media-library/social](https://www.lds.org/media-library/social).




**5. #LDSconf.** Ua faaalia nei le #LDSconf, i le tulimanu agavale pito i lalo o le lau i le taimi o faasalalauga a le konafesi aoao, na fatuina e tagata faamaoni o le Ekalesia ia Oketopa

2008 na vaavaai mo se avanoa e mulimuli ai ma faasoat atu ai mataupu talafeagai o le konafesi—a o lei taitai ona amata faaaogaina e le Eklesia. E faiatua afe tagata e auai i le talanoaga i le #LDSconf e uiga i fautuaga mai perofeta ma apostolo soifua, ma e ala mai ai le faamanuiaina o le faiatua miliona o tagata i le lalolagi atoa e ala i savali o konafesi aoao.



**6. Feiloai i Mamona [Meet the Mormons].** O se ata tifaga na gaosia e le Ekalesia e fesoasoani ia i latou e le auai i lo tatou faatuatuaga ia malamalamai atili ia i tatou o ni tagata. O lenei

ata tifaga e talanoaina ai ia vaaiga sese masani e uiga i lo tatou talitonuga ma faalauiloa atu ai faamanuiaga e oo mai i le ola ai i le talalelei a lesu Keriso. E mafai ona maimoaina lenei ata tifaga i le DVD, i nofoaga autu mo tagata asiasi, i ala ata tifaga o le Initoneti, ma i ala o faasalalauga faaleagafesootai. Mo nisi faamatatalaga, asiasi i le [meetthemormons.com](http://meetthemormons.com). O lenei ata tifaga o se tasi o auala faaopoopo e mafai ona faasoat atu ai e tagata o le eklesia o latou talitonuga i aiga ma uo i se ala faigofie ma aoga.



Ou te apoapoai atu ia te outou ia tafiina le lalolagi i savali ua faatumulia i le amiotonu ma le upumoni—savali e faamoni, faagaeetia, ma tauleleia.

e aunoa ma le faatagaga. O le anotusi i le Faletusi o le ala o Faasalalauga i luga o LDS.org, vagana ua faailoa, ua uma ona kilia mo le faaaogaina e tagata o le ekalesia e aunoa ma le sailia o se faatagaga mai le Eklesia. E mafai ona maua faamatalaga faoopoopo e uiga i le faaaogaina o ala o faasalalauga o le Eklesia i le social.lds.org.

Pe a e faasoa atu savali i le initoneti, ia mautinoa ua malamalama isi o loo e faailoa atu ou lava manatu faalegata ma lagona. Faamolemole aua le faaaogaina le tagavai a le Eklesia po o le faapea atu o loo e tautala e fai ma sui o le Eklesia.

#### 4. Ia Atamai ma Mataala

Lona fa, ia atamai ma mataala i le puipuia o oe lava ia ma i latou e te alofa i ai. E tatau ona tatou manatua o le Initoneti e le taitai lava galo. Soo se mea e te fesootai atu e ala i se ala o faasalalauga faaleagafesootai e moni lava o le a ola e faavavau—e tusa lava pe o le saite po o se polokalama e mafai ona folafola atu ia se isi itu. Na o le fai atu a po o le faapipii ai pe afai e te manao i le lalolagi atoa e mauaina lau savali po o le ata mo le taimi atoa.

O le mulimuli i nei taiala faigofie o le a mafai ai e tagata o le Eklesia i le lalolagi atoa ona fatu ai ma faasoa atu savali o le talalelei lea o le a mafua ai e le malamalama ona “aumaia mai le pouliuli i le malamalama” (Mamona 8:16).

#### O Se Valaaulia FaaApostolo

O mea ua ausia o le taimi nei i lenei tisipenisione i le fesootai atu o savali o le talalelei e ala i faasalalauga faaleagafesootai o se amataga lelei—ae ua na o se faatulutulu laitiiti. Ou te tuuina nei atu ia te outou le valaaulia e fesoasoani ina ia suia le faatulutulu i se lolovai. E amata atu i le aso, ou te apoapoi atu ia te outou e tafi le lalolagi i savali ua faatumulia i le amiontu ma le upumoni—savali ia e faamoni, faagaeetia, ma tauleleia—ma e moni lava e tafi le lalolagi e pei o se lolo (tagai i le Mose 7:59–62).

Ou te tatalo o le a tatou le na ona auai i se lolo e faafuasei ona oso vave mai ona galoma atu lea e pei lava ona vave oso mai. Ou te le o fautuaina atu se amataga

feilafi lea tatou te vave ona se‘e atu i le isi galuega e sosoo ai o la tatou lisi umi o mea o le talalelei e fai. Tatou te le manaomia le avea ma ni tagata e tomai faapitoa i ala o faasalalauga faaleagafesootai po o e faananau i ai. Ma e le manaomia lo tatou faaaluina o le tele o le taimi i le fatuina ma le faasalalauinat atu o savali faigata.

Manatu i le aafiaga e mafai ona tatou faia a o saofaga atu le faitau selau afe ma le faitau miliona o tagata o le Eklesia toefuataiina a le Alii i ni auala laiti i le lolovai o loo faatupulaia. Tau ina ia mafai e a tatou taumafaiga laiti a le toatele, taumafaiga taitoatasina ona maua ai se timuga tumau o le amiontonu ma le upumoni lea e faasolo ina faatumuina ai le tele o alavai ma vaitafe—ma iu ai ina avea o se lolo lea e tafi ai le lalolagi. “O le mea lea, aua le faavaivai i le faia o mea lelei, ona o lo o oulu faataatiaina le faavae o se galuega tele. Ma o mea iti e tutupu mai ai mea tetete” (MF&F 64:33).

Ua faamanuiaina i tatou i le tele o auala; ma o le ua tuuina mai i ai mea e tele e sueina i ai mea e tele. Ou te tatalo: ia mafai ona outou malamalama atoatoa i le taua faaleagaga ma faamanuiaga o le ola ai i le tisipenisione o le atoaga o taimi, ina ia i ai o outou mata e vaai manino ai i avanoa ma mailei o tekinolosi ofoofogia o loo avanoa ia i tatou i le taimi nei, ina ia mafai ona faateleina lou gafatia e faaaoga ai ma le tatau nei mea faigaluega musuia, ma ina ia e maua musumusuga ma taitaiga e uiga i le matafaioi e tatau ona e fesoasoani ai i le tafina o le lalolagi e pei ona faia e le lolovai o le upumoni ma le amiontonu. A o outou fetaomi atu i luma i lenei galuega paia, ou te folafola atu o le a faamanuiaina outou i le olaga nei i ni auala taitoatasina, patino, ma e tatau ai o le a saunia oe mo le faavavau. ■

*Mai se saunoaga na tuuina atu i le aso 19 o Aokuso, 2014, i le taimi o le Vaiaso o Aoaoga i le Lotoa o le Iunivesite o Polika Iaga.*

#### FAAMATALAGA

1. *Aoaoga a Peresitene o le Eklesia: Iosefa Samita* (2007), 197.
2. *Discourses of Brigham Young*, sel. John A. Widtsoe (1954), (1954), 18–19.
3. Spencer W. Kimball, “When the World Will Be Converted,” *Ensign*, Oct. 1974, 10–11.
4. Gordon B. Hinckley, “O Le Faatuatua: O Le Aano Lea O Le Tapuaiga Moni,” *Liahona*, Jan. 1982, 2.
5. “Ia Viia Oe le Atua, mo le Perofeta,” *Viiga*, nu. 10.
6. “Would Your Pinterest Page Pass the Bonnie Oscarson Test?” [latterdaysaintwoman.com](http://latterdaysaintwoman.com).

“Sa faaipoipo o‘u matua i le malumalu, ae o lenei ua tatala le la faaipoipoga. Ua ou ita ua la faamalepeina lo matou aiga. E faapefea ona ou faamagaloina i laua?”

**O**le tatalaina o se faaipoipoga e faanoanoa ma e faigata mo tagata uma o le aiga. O ni lagona e masani ai le ita, leiloa, ma le tiga. Ae peitai, o le tumau ai i mafaufauga le lelei e taofia ai oe mai le filemu ma le faamalologa. Tatalo i le Tama Faalelagi e fesoasoani ia te oe ia mafai ona e lafoa‘ia lagona faataumaoi ma ia malamalama i ou matua. Ia iloa o loo tiga foi i laua.

Ia manatua, o Iesu Keriso—o le na puapuagatia mo o tatou faanoanoaga ma agasala uma—ua naunau e faamagaloina i tatou taitoatasi. O i tatou foi e tatau ona faamagalo atu i isi. (Tagai i le faataoto i e nono mai o i le Mataio 18:23–35.) O le a faafetai atu ou matua mo lau meaalofa o le lē manatu faapito o le faamagalo. A o e tuueseina ma tagata o lou aiga le ita ma le tuuia, o le a faamalosia lou aiga atoa ma o le a sili atu ona mafai ona fetututuunai. O i latou o e faamagalo atu “o le a siitia lo tatou lagona tauleleia faapea foi le olaga sololelei” (James E. Faust, “O le Mana Faamalolo o le Faamagaloga,” *Liahona*, Me 2007, 68).

I lenei taimi faigata, e taua ai le faaauau pea ona fausia lou sootaga faaleaiga, aemaise lava ma ou matua. I tausaga a sau, e mafai ona e faalagolago i ai ma faapelelepele i na sootaga. Aua nei faata-gaina lagona ita e taofia ai nei mafutaga taua mai le tuputupu ae.

Ia i ai le faatuatua i le fuafuaga a le Tama Faalelagi mo oe ma lou aiga. Ia talitonu faapea “o nei mea uma . . . o le a avea ma ou lelei” (MF&F 122:7). Ia talitonu o le a Ia faaauau pea ona taijalaina ma faamanuiaina lou olaga. Ia talitonu e mafai ona e maua se faaipoipoga matagofie i se aso, ma o le a saunia e le Atua [mea uma] mo lo outou aiga i lenei olaga ma le faavavau.

O le faamagaloga o se faagasologa ma e alu ai le taimi. Ia onosai i au taumafaiga i le alofa, faamagalo, ma malamalama i ou matua. Ia tulimatai atu i le filemu ma le fifiafia e oo mai i le faamagalo atu.

### Tatalo ia Malamalama

Ina ua tatala le faaipoipoga a ou matua, sa faigata ia te au ma nai o‘u tei. Na ou manaomia ai ni nai tau-saga e faamagalo ai lo‘u tama. Sa ou manaomia le duesue i tusitusiga paia ma le tatalo ma lo‘u loto atoa. Sa ou talanoa atu foi i se fautua. Ona ou tatalo ai lea ina ia malamalama i lo‘u tama. Sa pupula ou mata, ma sa ou malamalama ia te ia, ma na fesoasoani ia te au e faamalolo ai. Sa mafai ona ou faamagalo atu, ma sa ou saoloto mai filifili ia na taofia au i lalo mo se taimi umi. Ua ou iloa e moni le Togiola a le Faaola. E alofa le Alii ia i tatou ma e le tuua lava i tatou ia pagatia.

*Taofia le igoa*



### Faalagolago i le Tama Faalelagi ma Faamagalo Atu

Na ou oo foi i lenei tulaga, ma ou te iloa o se tulaga faigata. E taua le iloaina faapea e ui lava o ou matua atonu ua le toe alofa le tasi i le isi, e alolofa pea ia te oe ona o oe o le la tama. Ma lea foi, ia faalagolago i le Tama Faalelagi. Ua Ia poloaiina i tatou ina ia faamagalo i tagata uma. Ua Ia silafia oe ma e i ai Sana fuafuaga mo oe. Afai e faaauau pea ona tatou ola agavaa, ou te iloa e mafai ona tatou maua le folafolaga o le mauaina o se aiga e faavavau, e ui lava o o tatou aiga i le lalolagi nei atonu ua fai sina malepelepele.


*Alisha M., 17 tausaga, Texas, ISA*



**Faaali Atu Lou Alofa**

Mafaufau e uiga i le tele o lou alofa i ou matua. Ia manatua mea malie uma na tou oo i ai a o lei tupu. Talanoa ma i laua e uiga i na taimi ma fuafua ni gaoioiga faatasi ma lou tina ma tama taitoatasi. Taaalo faatasi ma i laua ma faaali atu lou alofa ia i laua.

*Sierra J., 15 tausaga, Idaho, ISA*

**Taumafai ia Malamalama**

Taumafai e tuu oe lava i o la seevae. O le a le faigofie ona faamagalo i laua pe afai e te le taumafai e malamalama i lo la tulaga. Ia talitonu e i ai se fuafuaga a le Atua mo oe ma lou aiga ma e i ai o tatou tofotofoga i lenei olaga ina ia mafai ona tatou aoao ma alualu i luma. O nisi taimi e le mafai ona tatou pulea o tatou tulaga, ae e mafai ona tatou pulea o tatou uiga faaalia. E ui lava atonu e faigata, ia taumafai i taimi uma lava e vaai mo le lelei i ou matua ma mafaufau pe mafai faapefear ona e fesoasoani.

*Elder Caten, 20 tausaga, Misiona a Atenitina Córdoba*

**Ia Maua le Lagolago mai i Isi**

Sa mafai ona ou onosaia le tatalaina o le faaipoipoga a ou matua ma faamagaloina i laua i le fesoasoani mai o tagata na siomia au. O a'u uo, taitai, uso ma tuagane,

ma tagata o le aiga na fesoasoani ia te au i mea uma. Sa mafai ona ou faaauau i lo'u olaga i le lagolago mai o tagata uma.

*Geena C., 18 tausaga, Mekisiko Fou, ISA*

**Tuu Ese le Inoino**

O le lagona inoino e faatamaia, ma e tetee atu i aoaoga o le Ekalesia. Tatalo i le Tama Faalelagi, anapogi, ma faitau i tusitusiga paia e vaavaai ai mo tali. Afai e te pipiimau i le inoino, o le a e faatagaina Satani e ulu mai i totonu ma faaumati lou aiga ona ua ia iloa le taua o aiga i le fuafuaga a lo tatou Tama Faalelagi.

*Carol M., 14 tausaga, Honetura*

**Saili mo le Agaga Paia**

Muamua, e leai se tasi o i tatou e atoatoa, sei vagana ai lo tatou Alii o Iesu Keriso. O le a ou taumafai e vaai i le tulaga e ala i le vaaiga a ou matua. Filifili se taimi lelei ma alu e talanoa ia i laua. Aua e te faitio i ou matua mo mea sa la faia. Lona lua, e toatele

**E FAAMALOLO  
LE FAAMAGALO  
ATU**

"I le tele o aiga, o loo i ai lagona tiga ma le musu e faamagalo atu. E le afaina po o le a le mea na mafua ai ona lagona le tiga. E le mafai ma e le tatau ona tuu ai pea ina ia maua ai le tiga. O le tuuia o isi e tumau ai le tiga. E na le fefaamagaloai e faamaloloina ai."

*Peresitene Thomas S. Monson, "Tina o loo Nāia," Liahona, Nov. 2002, 20-21.*

tagata e liliu i le inoino i le taimi o tofotofoga faapenei, o lea ia taumafai e mafuta le Agaga Paia ia oe. Fai au suesuega patino o tusitusiga paia ma fai au tatalo i aso taitasi.

*Ashley P., 15 tausaga, Iuta, ISA*

**FESILI O LE A SOSOO MAI**

**"E i ai sau uo e lagolina e pei e leai ni ana uo i le lotu sei vagana ai a'u. O le a se mea e mafai ona ou faia e fesoasoani ai ia te ia?"**

Auina mai lau tali ma se atapue sili ona manino, pe a e manao i ai, a o lei oo i le aso 1 Setema, 2015, i le liahonallds.org, po o le imeli i le liahona@ldschurch.org, pe lafo mai i le meli (tagai i le tuatusi i le itulau e 3).

O le faamatatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) o lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le imeli) e lolomiina ai lau tali ma lou ata.

E ono faapupuuina tali mo le uumi po o le manino.



  
**LESONA I ASO SA**  
O Le Autu o le Masina Lenei:  
**Faaipoipoga ma**  
**le Aiga**

# O Le Fuā mo se AIGA FIAFIA

O auala nei e iva e mafai ona e faamalosia ai lou aiga.

**Saunia e Mindy Anne Leavitt**

Mekasini a le Ekalesia

**E**tusa ai ma aoaoga faavae taua i totonu o le talalelei a Iesu Keriso, o le aiga e mautinoa lava le maualuga i luga o le lisi. O outou tamaitai talavou e masani ona taulotoina e le aunoa la outou tautinoga “e faamalosia aiga ma auaiga,”<sup>1</sup> o outou alii talavou ua valaaulia e “faia se lisi o auala e mafai ona e fesoasoani e fausia se aiga fiafia,”<sup>2</sup> ma e faamanatu atu i alii ma tamaitai talavou uma: “O le a faamanuiaina lou aiga pe a e faia lau vaega e faamalosia ai.”<sup>3</sup>

O le a la le auala sili e faamalosia ai lou aiga ma fesoasoani e fausia se aiga fiafia? “O Le Aiga: O Se Folafolaga i le Lalolagi,” o loo i ai le tali! O lenei pepa o faamatalaga taua o loo faamatala mai pe aisea e matua taua ai aiga i le fuafuaga a le Tama Faalelagi ma o le a le mea tonu lava e mafai ona tatou faia e faamalolosia ai a tatou sootaga

faaleaiga. O loo faamalamalama mai ai foi le mea tonu lava e mafai ai ona sili atu le fiafia i o tatou aiga. E leai se fua faalilolilo—ae na o mataupu faavae autu lava o le talalelei ua uma ona aoaoina ai i tatou i taimi uma lava: “O le fiafia i le olaga faaleaiga e sili ona mafai ona ausia pe a faavae i aoaoga a le Alii o Iesu Keriso. O faaipoipoga ma aiga manuia, e faavae ma tumau i mataupu faavae o le faatuatua, tatalo, salamo, faamagaloga, faaaloalo, alofa, agalelei, galuega, ma gaoioiga faafiafia tuufaatasi.”<sup>4</sup>

O iina e maua ai—o le mamanu faigofie mo le fatuina o se aiga fiafia ma le faaleleia atili o lou sootaga faaleaiga e faavavau. E le faapea la e le manaomia ai le galuega ma le taumafaiga, i lau vaega. Ae o taumafaiga uma e te tuuina i totonu o le faamalosia o lou aiga o le a oo ina avea ai oe—ma i latou—e sili atu le fiafia.

I nisi nei o manatu i le tulaga o le a  
i ai nei mataupu faavae pe a faatinoina.

## FAATUATUA

- Auai i suesuega faaletusitusiga paia faaleaiga ma faaletagata lava ia ma afiafi faaleaiga.
- Fai se sini ma lou aiga ia sili atu ona tausia se poloaiga, e pei o le tulafono o le anapogi po o le tulafono o le sefuluai.
- Fai ni fuafuaga e faalogo i le konafesi aoao o loo loma pe suesueina le konafesi aoao talu ai faatasi o se aiga.

## TATALO

- Ia auai i tatalo faaleaiga.
- I au tatalo faaletagata lava ia, tatalo mo tagata taitoatas i faapitoa lava, i o latou igoa. Mafaufau e uiga i o latou manaoga a o e tatalo mo i latou.

## SALAMO

- Fai atu se faatoesega; fai soo atu i ai.  
Ma manatu mamafa i ai.
- Aoao e uiga i le taua o le Togiola a Keriso ma le faamanatuga faatasi ma le la matafaioi i le i ai i le faagasologa o le salamo.

## FAAMAGALOGA

- Ia lotomualalo ma iloa o tagata uma, e oo lava i matua, e sese.
- Ia manatua mea e te fafia ai e uiga ia i latou o e ua faatiga pe na faaitaina oe.
- Tatalo mo le fesoasoani e faamagalo ai isi.

## AAFIAGA O LE AUTALAVOU

Na matou fesili atu i nisi o le autalavou pe faapefea ona latou faataitaia nei mataupu faavae i o latou lava aiga. O mea nei sa latou fai mai ai e uiga i o latou aafiaga:

## FAATUATUA

**S**a ou filifili e faatulaga afiafi faaleaiga e lua e sosoo ai, **S**e taulai atu i le faatuatua. Sa ou amata e ala i le sauna-inia o lesona ma taumafai e aoao ki i luga o le kitara mo pese o le a matou usuina.

O le lesona muamua o le faatuatua. Sa ou fesili atu po o le a se mea e mafai ona matou suia o se aiga e tuputupu ae ai lo matou faatuatua. Na latou tali mai, "Tatalo, suesueina o tusitusiga paia, anapogi, o i le lotu," ma isi. Na matou malilie e tele mea e mafai ona e faia e tuputupu ae ai lou faatuatua, ae o le mea aupito sili ona taua, o le faia moni lava o na mea. E taua tele lou galue ina ia mafai ona faamlosia lou faatuatua.

O le lesona lona lua o meaalofa faaleagaga. Sa matou talanoa e uiga i le fesootaiga o le faatuatua ma meaalofa faaleagaga.

O a matou afiafi faaleaiga o le faatuatua sa lelei lava le faagasologa. Sa matou faaleleia atili nisi o mea i lo matou aiga; sa avea ma mea malie ia i matou ma taumafai ia aua nei tau lava ina fai. Sa matou lagonaina le Agaga faatasi o se aiga.

*Riza S., 16 tausaga, Roskilde, Tenimaka*

## TATALO

**S**a ou filifili e faataitai lo'u faatuatua e ala i le tatalo ma ole satu i le Atua mo se fesoasoani ma le taitaiga. I le taimi muamua ou te lei iloaina le aafiaga o la'u tatalo, ae ina ua mavae ni nai aso na ou iloaina ua faateleina le filemu i le aiga.

Ona lu'iina lea o lo'u faatuatua. Sa tigaina lo'u tuagane laitiiti ma sa tatau ona vave faia se taotoga, o se tasi o a'u oo sa tigaina foi, ma sa tiga le faai ma maualuga le fiva o lou tina. O nei tulaga matautia uma na faate'a ese ai le lagona o le filemu na siomia ai au. Sa ou matuai faanoanoa lava ae na faaauau pea ona ou tatalo. O se solo e fafia i ai lo'u tina matua na oo mai i lou mafaufau, e faapea e silafia e le Atua mea uma e sili atu nai lo le mea tatou te iloa, ma e tatau ona tatou faalagolago ia te Ia. O lea sa amata ai ona

ou faataitaia lo'u faatuatua e sili atu ma faia mea uma ou te mafai. E lei umi se taimi ae mafai ona tuua e lo'u tuagane le falemai. Sa le toe tigaina tele lau uo e pei ona i ai muamua. Na toe malosi lo'u tina.

O le taimi lenei, pe a ou tatalo mo isi, ou te tatalo ma le taulai sili atu ma le faatuatua sili atu nai lo le taimi muamua. E tatau ona tatou maua le faatuatua i le Atua, aemaise lava pe a faigata le talitonu ia te Ia ma Ana fuafuaga, ma aua lava le faitio aua ua Ia silafia le mea e sili ona lelei.

*Iaroma K., 18 tausaga, Graz, Auseteria*

## SALAMO

**U**a ou iloa le tele o le aafiaga o le salamo i mea uma. Mo se faataitaiga, mo ni nai masina sa ou faia ni agasala ma le salamo ai, ma sa faigata tele ia te au ona motusia lenei taamilosaga. Ae ina ua uma ona talanoa atu i le epikopo ma isi uo mamae, sa mafai loa ona ou faaaogaina le faagasologa o le salamo ma lagona le latalata atili atu i le Atua ma toe lagona le fiafia sili atu. I le tatalo malosi ma le faaaluina o le tele o taimi e faitau ai au tusitusiga paia, sa ou iloa ai e tatau ona ou suia nisi o vaega o auala sa ou ola ai i lo'u olaga. Ua ou iloa nei le faateteleina o lou tuputupu ae ona o lenei mea. E ala mai i lenei aafiaga sa mafai ai ona sili ona ou latalata i lo'u tina ae maise lava lou tama.

E ui lava o loo i ai pea ou faaosoosoga ma agasala, ua ou mafai ona faaaogaina le Togiola a le Faaola e salamo ai ma toe iloilo pe na faapefea ona ou faia i aso uma ma

taumafai i taimi uma ia manao e faaleleia atili. O le a faavavau pea ona ou faafetai mo le Togiola i lo'u olaga.

*Billy P., 17 tausaga, Ipswich, Egelani*

## GALUE

**T**alu ona ou manatu o se ituiga o galuega le talafaasolopito o aiga, sa ou filifili e fai la'u lava tusi o talafaasolopito o aiga. O lea sa ou faia ai se tuufatasiga o ni ata o tagata o lou aiga. Sa ou faia ina ia mafai ona vaai la'u fanau ma fanau a la'u fanau pe faapei foliga o o latou tuaa. A o ou faia lena mea, sa ou lagonaina le toafilemu aua na ou iloa ou te leo faia lena mea mo au lava ia, ae sa ou faia mo augatupulaga a sau.

*Glory S., 18 tausaga, Johannesburg, Aferika i Saute*

*Sa fatuina e le autalavou i Aferika i Saute se vitio e uiga i le auala na latou faaaogaina ai le mataupu faavae o le galue i o latou aiga. Ima ia matamata i le latou vitio, tagai i le tusiga lenei i le liahona.lds.org.*

## GAIOIOIGA FAAFIAFIA LELEI FAALEAIGA

**O**lau taumafaiga muamua i le faia o gaoioiga faafiafia faatasi ma nai o'u tei sa leaga, e faapuupuu atu ai. Ae o se suiga mo au o se malaga i le Mauga Blue Ridge. O laulaau sa felanulanuai, ma o le paka faafiafia na malie, ae o taimi o upu faalelelei, amioga manatu faapito, ma taufaalili le lelei na masani ona faaleagaina le agaga. Ae matou te lei tuua, na ma savavali ma lo'u



## FAAALOALO

- Usitai i ou matua.
- Aua e te tautala leaga pe agaleaga i se tasi o lou aiga.
- Vaavaai mo uiga lelei e te vaaia i tagata taito-tasi o le aiga. Faasoa atu ia i latou mea e te faamemelo ai ia i latou.

## ALOFA

- Tatalo mo le alofa mama—le alofa o le Faaola—mo tagata o lou aiga.
- Saili i auala e auauna atu ai i lou aiga.
- Tusi ia ni tusi pupuu o le faamalosiauga ma le alofa. Nana i pusa meaai mo le malologa, ato taitai, po o ato tupe mo tagata o lou aiga e maua i se taimi mulimuli ane.

## AGAALOFA

- Ia uunaia tagata o le aiga e faasoai mai o latou lagona ma taumafai e malamalama le tasi i le isi.
- Faamafanafana le tasi ma le isi e ala i taimi faigata ma taumafai e tauave avega a le tasi (tagai i le Mosaea 18:8-9).

## GALUE

- Ofo atu e saunia se meaai mo le aiga.
- Fesoasoani i feau i le aiga, e pei o le moaina o le vao, le veleina o le togalaau, po o le faamamaina o faamalama.
- Fesoasoani i nai ou tei laiti ifo i a latou meaaoga.

## GAOIOIGA FAAFIAFIA LELEI FAALEAIGA

- Fesoasoani e fuafuaina tafaoga faaleaiga, faigamalologa, po o gaoioiga e mafai ona olioli ai lou aiga i le faatasi.
- Faaitiitia le faaaogaina o masini fuainumera omiomi. Tapē le TV ma isi faaeletonika a o e faatasi ma lou aiga.

uso laitiiti i luga o se mauga laitiiti ma saofai filemu a o ma faalogologo i le natura o loo siomia i maua. O le taimi muamua lea i se taimi umi sa ma nonofo ai e aunoa ma le femisaa'i, ma talanoaina ma le filemu aso o i luma ma a ma tauiviga i le taimi nei. Sa i ai le Agaga, na aumaia le filemu na galoo ai ia te a'u.

Sa amata ona ou taumafai e alu ese ma lou auala e talanoa atu i o'u tei, fesili atu ia te i latou e uiga i lo latou aso, opo mai i latou—ma tau lava ina ia aafia i o latou olaga. Sa ou fesoasoani i lo'u tei aupito laitiiti, o se tuagane e le atoatoa le malosi i ana meaaoga. Sa ou fesoasoani i lou uso aupito i laitiiti e faia ni kata o le kalama ma fatu ni solo faavalevaleda e tauoloto ai ni vaega eseese o le gagana. I lana suega na sosoo ai sa faaleleia atili ona togi e sili atu i le 20 ma maua ai ni ona togi aupito maualuga i le suega. O le olioli na ou lagonaina mai na taimi na ese lava ma sa sili atu ona loloto nai lo le mea na ou faamoemoeina.

O le i ai i se aiga e mafai ona faigata, ae i taimi faapena e matua aoga lava. O na taimi laiti na taitai atu i taimi o le fiafia, taaloga, ma le taliega; ma sa ou lagonaina se lotogatasi fou i lo'u aiga. ■

*Emily C., 17tausaga, North Carolina, ISA*

### FAAMATALAGA

1. "Auttu a Tamaitai Talavou," *Alualu i Luma o le Tagata Lava Ia o Tamaitai Talavou* (tamaitusi, 2009), 3.
2. *Tiute i le Atua* (tamaitusi, 2010), 80.
3. *Mo Le Malosi o le Autalavou* (tamaitusi, 2011), 14.
4. "O Le Aiga: O Se Folafolaga i le Lalolagi," *Liahona*, Nov. 2010, 129.





# O LE SAPATI O SE ASO FIAFIA

O auala e lima ia atili ai ona anoa ou Aso Sa.



**F**aatasi ai ma luitau o loo siomia ai i tatou, o le faamamaluina o le Sapati e manaomia ai le faatauaina faaopoopo ona e fesoasoani ia i tatou e faatumauina le malosi faaleagaga. O nei talavou mai Europa i Sasae ua faasoa mai o latou manatu e uiga i le auala ua faamalosia ai e le Sapati i latou—ma pe faapeflea ona mafai ona faamalosia ai foi oe.

## E LATALATA ATILI I LE ALII

**O**le aso Sapati o se aso e mafai ona tuuina atu atoa ai au lava ia i le Alii. Ou te taumafai e aua le maimauina le taimi ae nai lo lena, ia faaaoga ia lelei atili ai ma latalata atili ai i le Tama Faalelagi. I Aso Sa ou te matua fiafia lava e auauna atu i tagata o le Ekalesia e ala i le nofo i tafatafa o i latou e faaali atu ai e leo faagaloina i latou. O le auauna atu i isi e aumaia ai ia te au le fiafia.

Ia te au, o le Aso Sapati o se aso o le aoaoina, fiafia, ma le olioli a o ou aoao e auauna atu i le Alii. Ou te tausia le aso Sapati i le paia ou te mafaia ai. O le faalagolago i le Tama Faalelagi i mea uma o le a aumaia ia i tatou le olioli ma le fiafia i le lalolagi ma i le lagi faatasi ma la ma Lona Alo, o Iesu Keriso.

*Arvis B., 18 tausaga, Latvia*

## AAI MA FEINU I LE FAAMANATUGA

**I**aso uma ou te tulimatai atu i le aso o le a mafai ai ona ou alu i le lotu ma ai ma inu i le faamanatuga. E le mafai ona ou faatali seja oo ina ou mafai ona fai o'u lavalava o le Aso Sa, sauna au lava ia, alu i le lotu, ma toe faafou ai feagaiga ma le Atua.

O nisi taimi pe a ou tu i luga i le taeao, ou te le lava. Ae a ou alu i le lotu ma ai ma inu i le faamanatuga, auai i a'u sauniga, ma suesue i tusitusiga paia, ou te lagonaina le Agaga Paia, ma o lenei mea e siitia ai lo'u agaga. E taua le aai ma feinu i le faamanatuga i vaiaso taitasi, ona o lo tatou Faaola lava la na faaali mai ia i tatou mea e tatau ona tatou faia.

*Diana D., 14 tausaga, Latvia*

## SUESUE TUSITUSIGA PAIA MA ISI

**O**le auai i a tatou sauniga o le Aso Sa ma le aai ma feinu i le faamanatuga e faatumauina ai i tatou i le Agaga mo le vaiaso atoa. Tatou te maua nisi faamatalaga mai tusitusiga paia, ma o aafiaga o a tatou faiaoga e fesoasoani ia i tatou ia malamalama atili ai i tusitusiga paia. Pe a tatou suesue faatasi i tusitusiga paia, e mafai ona tatou maua se malamalamaaga fou ma aoao mai i le tasi ma le isi.


*Antonina B., 18 tausaga,  
Central Federal District, Rusia*

## TUMAU LE LE PISIA

"Ina ia mafai ona e tausi atili atoatoa oe lava i le le pisia mai le lalolagi, ia e alu atu i le fale tatalo ma osi ae i luga au faamanatuga i lou aso paia;

"Aua e moni o se aso lenei ua tofia mo oe e te malolo ai mai au galuega, ma avatu ai au tapuwaiga i le Silisili Ese."

*Mataupu Faavae ma Feagaiga 59:9-10*



## FILIFILI GAOIOIGA INA IA FAATUMAUINA LE AGAGA

**O**le talosaga a Iesu e nonofo ma mataala faatasi ma Ia (tagai i le Mataio 26:38) na ootia ai lo'u loto ma taitai atu ai au i le iloaina o le aso Sapati o se aso e mafai ai ona tatou aai ma feinu i le faamanatuga o se faailoga e faamanatu ai Lana auanaga ia i tatou.

O le tele o lou mafaufau e uiga i lenei mea, o le tele foi lea o lou manao ia iloa o Ia. O lenei ituaiga o taumafaiga ua fesoasoani ia te au e filifili mea sa'o i se aso lea e saoloto ai mai popolega faalelalolagi uma: Aso Sa. O nei mea e aofia ai le faitau ma suesue i tusitusiga paia, auauna atu i lo'u aiga, matamata i tifaga faagaeetia, faasoaina atu o malamalamamaaga faaleagaga i uo, ma le tatalo e le aunoa. O le tele o le liliu atu o lo'u loto ia Iesu, o le tele foi lena ona ou iloa ma latalata atili atu ia te Ia. Ou te le mafai ona ta'ua se faamanuiaga e tasi e sili atu ona matagofie nai lo lenei.

*Sister Aleksandrovna C., 25 tausaga,  
Misiona a Rusia Novosibirsk*

## IA SIITIA E LE AGAGA

**I**a te au o le aso Sapati o se avanoa e suesue ai i le talalelei a Iesu Keriso i se tulaga e loloto atu. E aunoa ma se masalosalo, o se tagata e sau i le lotu ua saunia ma manao e auai i le faamanatuga, ma o loo taumafai e aoao o le a maua faamanuiaga ma faagaeetia e le Agaga, e le na o le Aso Sa ae i le vайасо e sosoo ai.

O loo tele avanoa i fafo atu o le ekalesia e mafai ona tatou tausia ai le Sapati ia paia: o le faaluina o taimi ma aiga, fesoasoani i faifeautalai, auauna atu i le uarota, ma faitau tusi a le Eklesia. O le aso Sapati o se taimi e malamalamama ai i tulafono a le Atua. A tatou iloaina lenei mea ma faafetai i le Atua mo lenei avanoa, o le a leai se faigata e tausia ai le aso Sapati ia paia.

*Elder Vladimir Aleksandrovich Z., 18 tausaga, Misiona a Rusia Novosibirsk*



## O SE ASO E MALOLO AI

"Na tuuina mai e le Atua ia i tatou lenei aso faapitoa, e le mo mea faafafia po o galuega o aso taitasi ae mo se malologa mai tiute, faapea foi i le faaletino ma le faaleagaga."

*Elder Russell M. Nelson o le Korama a Apo-setolo e Toasefululu, "O Le Sapati o Se Aso Fiafia," Liahona, Me 2015, 129.*

"Aua e te liliu ese lou vae i le sapati, a e le faia o lou lava loto i lo'u aso sa; ma e taua le sapati o le aso fiafia, le aso ua sa ia leova, ua mamalu; ma e faamaluina i ai, o loo e le faia au lava amio, o loo le maua ai lou lava fiafia, ma e le tautala ai i au lava upu:

"Ona e fiafia lava lea ia leova."

*Isaia 58:13-14*



# FAATALITALI MA LE FAATUATUA

Sa ou faatalitali mo le tele o tausaga ae le‘i muta ai le faamoe-moe ina ia auai o‘u matua i le Eklesia.



Saunia e Mikaeli Duarte da Silva

**S**a faailoa atu a'u i le Ekalesia e le fafine ma le tamaloa o lou aiga, e nonofo latalata i lo'u pale. Sa na o le fitu tausaga lou matua i le taimi lea, ma sa ou fiafia e alu i le lotu ina ia faatasi ma isi tamaiti. O o'u matua e le o ni tagata lolotu, ae sa la le popole i lou alu i le lotu i aso Sa uma faatasi ai ma le fafine ma le tamaloa o lou aiga. Na fai mai o'u matua sa sili atu le lelei ia te au ina ia auai i se ekalesia e aoao ai Iesu Keriso nai lo le alu atu i le auala e oo ai i faafitauli.

Na tele lava ina o mai faifeautalai i lo matou pale e aoaoina i matou. Sa fiafia o'u matua i talanoaga, ae sa le mananao i latou e talaina le talalelei. Sa la fai mai e lei saunia i laua ona o le ulu atu i totonu o le vai o le papatisoga o se tautinoga taua tele. Sa faaauau pea ona o mai faifeautalai i lo matou pale, ae sa latou tuua lava i taimi uma ma le le fiafia i tali na tuuina atu e o'u matua. Sa ou iloaina, e ui i lea, e i ai se aso o le a papatisoina ai i laua.

Ina ua atoa lo'u valu tausaga, sa ou saunia e osia feagaiga o le papatisoga. Sa fesili mai lou tina pe o le mea tonu lea sa ou manao ai. Sa fai mai o ia o le taimi lava ou te papatiso ai, o le a le mafai ona ou suia lo'u mafaufau ma o le papatisoga o le a suia ai lo'u olaga atoa. Sa ou fai atu o le papatisoina o se mea sa ou moemiti i ai talu ona ou amata ona alu i le Peraimeri.

Ina ua uma ona ou papatiso ma faamauina, sa faaauau pea ona alu i le lotu, ae e seasea lava ona o mai

o'u matua i a matou gaoioiga a le Peraimeri. Sa tiga mo au le vaaia o isi tamaiti uma ma o latou matua. Ae sa ou faamoemoe e i ai se aso o le a la papatiso ai ma faamauina i le malumalu, ma o la'u miti aupito sili o le a avea ma se mea moni.

A o ou talavou, sa faaauau pea ona aoaoina ou matua e faifeautalai, ae sa laua le mananao lava e papatiso. Ae peitai, la te o mai i le lotu i nisi taimi, lea na ou maua ai sina faamoemoe laitiiti. Sa ou moemiti pea o le a auai ou matua i le Ekalesia, ae na amata ona ou mafaufau faapea o le a le oo mai lava lena mea i lenei olaga.

Ona i ai lea o se tasi taeao o se Aso Sa matagofie ina ua 17 o'u tausaga, sa ma toe o ai ma lo'u tina i le lotu. A o ma foi atu i le pale sa ia fai mai ia te au se mea o loo mafai pea ona ou faa-logo i ai i ou mafaufauga ma lo'u loto. Sa ia fai mai, ua ia filifili e papatiso. Sa ou tei! Ina ua mavae le faatalitali mo se taimi umi lava, sa ou mafaufau pe moni ea lenei mea. Ia Me 2010, sa ulufale atu ai lo'u tina i le vai o le papatisoga. O se aso fiafia tele.

Ina ua mavae le papatisoga sa ou tilotilo atu i lo'u tama ma faapea atu, "Toe o oe le tagata lea e totoe nei." Sa ia tali mai o le a le vave ona sa ia le lagonaina le manao e papatiso. Sa ou toe faanoanoa—o se vaega o la'u miti ua taunu, ae o le isi vaega sa foliga mai sa mamao ese. E ui lava sa fai-gata, sa ou mautinoa o le a suia mea uma. I lo'u fiafia tele, sa toe tali mai au tatalo i le lua masina mulimuli ane ina

ua ulu atu lo'u tama i le vai o le papatisoga. O le aso sili lea ona ou fiafia ai i lou olaga. Sa ou lagonaina e pei lava na pepese mai le lagi.

I le mavae ai o le auai o ou matua i le Ekalesia, sa ou iloaina o le isi vaega o la'u miti ua taunu, ae matou te moomia ina ia faamauina mo le faavavau i le maota o le Alii. Sa fai mai ou matua la te lei lagonaina ua saunia, e le'i lava ni a la tupe mo le malaga umi i le Malumalu o Recife Pasila, ma e leai se tasi e vaaia lo matou pale a o matou malaga. Sa ou faanoanoa, ae sa ou tatalo pea mo lena faamanuiaga, ma le iloaina o le Alii o le a tali i a'u tatalo.

Sa oo mai le taimi na lagona ai e lo'u tina se naunautaiga malosi e alu i le malumalu, e ui lava sa tolopoina pea e lo'u tama. Ina ua mavae le tele o talanoaga ma le epikopo, sa la filifili loa e o. Sa ou lagonaina le olioli tele na tau le mafai ona ou tatalia!

Ia Setema 2011, o lo'u tina, o lo'u tama, ma a'u na o atu i le malumalu mo le taimi muamua lava i o matou olaga. Sa faamauina au i o'u matua i le aso na sosoo ai, ma e mafai ona ou faapea moni atu lava, ina ua mavae tausaga e 11 o le faatalitali, o le aso silisili ona lelei lea o lo'u olaga.

Ou te faafetai lava i le Tama Faalelagi mo mea uma ua Ia tuuina mai ia te au, ae maise lava mo le taliina o au tatalo ma le faataunuina o la'u miti silisili: le miti o le vaai i lo'u aiga atoa i le maota o le Alii. ■

*E alala le tusitala i Ceara, Pasila.*

# O Le Tuuga a Shelly

Saunia e Jan Pinborough

Mekasini a le Ekalesia

E faavae i se tala moni

*"Aua e te fefe: aua ou te ia te oe: aua le fetepatepai; aua o au o lou Atua: ou te faamalosia oe; e moni ou te fesoasoani ia te oe"* (Isaia 41:10).


**E**i, Shelly!" Sa tilotilo atu Shelly mai le nonoaina o ona seevae tamoe tuai ma iloa atu Rosa o loo talotalo mai le laina amata. "Sau loa," sa valaaau mai ai Rosa. "O le aso lenei o le a ta faatoilaloina la tatou taimi sili ona leleil!"

Sa ataata Shelly. O le tala lava lea a Rosa i tolegiga uma lava.

E lua mea e fiafia ai Shelly i lana a'oga tulagalua fou. O le mea muamua o le i ai i le au tamomoe. Pe a tamoe o ia, sa ia lagonaina le mama i totonu, e pei na te le manaomia ona popole i soo se mea.

Lona lua o mea e fiafia i ai o ia o le leai o se tasi iinei sa iloa o ona matua na faatoa tatalaina le la faaipoipoga.

*Talu ai nei sa foliga mai e leai se tasi sa mafai ona tuuina atu ia Shelly le fesoasoani sa ia manaomia.*



Sa toe toso tasi e Shelly le nonoa o lona seevae ma tamoe loa e faatasi ma isi teine i le au moligafua. *Auoia!* Sa ia faamimigi a o mau ona tamata-maivae i le pito o lona seevae tamoe. E faapefea ona ia ta'u atu ia Tama ua ia toe manaomia ni seevae fou?

Ina ua uma le tuuga, sa faailoga e Shelly, o Rosa, Becca ma Tiana lo latou taimi fou e sili ona lelei o le moligafua. "Na ou fai atu o le a tatou faia i le aso lenei!" O le tala lea a Rosa.

Sa ata Shelly. Sa ia tuu atu le fua i lo latou faiaoga ma punou e tatala manoa o ona seevae.

"Manaia le tuuga, suga," na fai mai ai Ms. Goldmann. "E lelei tele le tou galulue faatasi.

Aua nei galo e totogi lou pili o tuuga taeao."

Na mou ese le ataata a Shelley. Na matuai galo lava ia te ia lena mea!

A o tietie atu i le pasi mo le aiga, pau lava le mea na mafaufau i ai Shelly o seevae ma le pili o tuuga. Sa lei manao e tuuina atu ia Tina se isi mea e popole ai. Ma o le taimi mulimuli na ia valaauna ai Tama mo se tupe faaopoopo, na foliga mai sa le fiafia o ia. Talu ai nei sa foliga mai sa leai se tasi e mafai ona tuu atu ia te ia le fesoasoani sa ia manaomia.

Ina ua ia taunu i le fale, sa alu sao Shelly i lona potu. I le aiga o le afiafi, na talanoa ma tausua tuagane ma uso o Shelly, ae sa ia tuleia solo ana meaai i lana ipu.

Ina ua uma le meaai o le afiafi na fesoasoani Tina ia Shelly e tapena le laulau. "Ou te feiloai ma Epikopo Parker i le po nei," o le tala lea a Tina. "E te fia sau e fai se faamanu-iaga faaleperisitua?"

Nue atu le ulu o Shelly. Sa ia misia lava faamanu-iaga e masani ona tuu atu e Tama ia te ia pe a popole pe ma'i o ia.

I se taimi mulimuli ane, a o tuuina atu e Epikopo Parker se faamanu-iaga, sa maua e Shelly se lagona manaia loloto i totolu. "Shelly, o lou tama e le o toe i ai i lou aiga e fesoasoani ia te oe i le taimi nei," o lana tala lea i le faamanu-iaga. "Ae o lou Tama Faalelagi o loo i ai pea i taimi uma. Ou te faamanuia ia te oe ina ia e mafai ona talanoa atu ia te Ia e pei lava ona e faia i lou tama, ma o le Tama Faalelagi o le a fesoasoani pea ia te oe."

Sa lagona e Shelly ua sili atu le mama nai lo se isi lava taimi umi.



"A o outou tausi poloaiga ma tatalo i le faatuatua ina ia iloa le aao o le Alii i lou olaga, o le a la faapupula tele ou mata faaleagaga, ma o le a atili manino ai lau vaai e le o tuua na o oe."

Elder Neil L. Andersen o le Korama a Apostolo e Toasefululu, "Ia Oo Mai Lou Malo," *Liahona*, Me 2015, 121-22.

Sa i ai se lagona mafanafana i totonu na tau atu ia te ia e moni upu a le epikopo. E alofa le Tama Faalelagi ia te ia ma e faalogo ia te ia. Faatasi ai ma Lana fesoasoani, atonu o le a mafai ona lava lona lototele e talanoa ai i ona matua.

I le agai atu i le fale, sa ia tau atu ia Tina e uiga i le seevae, ma le pili o le tuuga. I le po lena sa ia tootuli ma ole atu i le Tama Faalelagi e fesoasoani ia te ia e maua le lototele e talanoa ai i lona tama. Sa ia tatalo foi e uiga i ai i luga o le pasi i le aoga i le taeao i le aso na sosoo ai. E oo atu i le taimi na taunu ai i le fale mai le aoga, sa ia lagona ua lava le lototele e valaaun atu ai i lona tama. O le taimi lea sa le'i foliga ita pe lē fiafia mai o ia ina ua ia tau atu le mea sa ia manaomia. Na tali mai ana tatalo.

I ni nai vaiaso mulimuli ane, na nonoa e Shelly ona seevae tamoe fou ma tamoe atu ia Rosa ma isi teineiti. Sa manaia le lagona o le iloaina sa i ai se au maoae na lagolagoina o ia. Sa le manaomia ona ia tamoe na o ia lana tuuga. ■

# Fesoasoani!

## O se Tasi o le a Tatalaina le Faaipoipoga



Saunia e Katherine Nelson

**A**tatala faaipoipoga a matua, e masani ona lagona e tamaiti le fefe, popole, tausalaina, ita, le mautonu, fafia, pe faanoanoa—o nisi taimi o mea uma ia i le taimi e tasi. Afai ua tupu lena mea ia te oe po o se tasi o au uo, o nisi nei o manatu e mafai ona fesoasoani.

**Ou te lagona le faaesea. E foliga mai o tagata uma ae vagana ai au ua atoatoa aiga.**

E leai se aiga e atoatoa ona lelei, e tua lava pe e foliga mai e faapena.

Ia manatua o ou matua, epikopo, faiaoga o le Peraimeri, tuaoi ma uo i le uarota e alolofa uma lava ia te oe.

O nisi taimi atonu e fai mai e tagata ni mea e faatiga ai ou lagona e aunoa ma se manatu i ai. Pe a tupu lena mea, aua le fefe e ta'u atu ia te i latou ou lagona ma fesoasoani ia i latou e vaai i se auala e sili atu e talanoa ai ia te oe e uiga i le tatalaina o faaipoipoga.

**Ou te ita i lo'u tina  
ma tama.**

E faigofie lava ona lagona le ita pe a leai se mea e mafai ona e faia e uiga i se mea o loo tupu. Atonu foi e te manao e tuu atu ou lagona ita i isi. E ui lava e mafai ona faigata, ia e taumafai e faaali atu le alofa mo lou aiga. Tatalo mo se fesoasoani e vaai atu ai i ou matua e pei ona silasila Iesu ia i laua. E alofa o Ia ia i laua, ia te oe, ma tagata uma lava i lou aiga.

Afai e le mafai ona taofia ou lagona ita, talanoa i lou tina po o le tama po o se isi tagata e te talitonuina. E mafai ona la fesoasoani e saili ni auala lelei e maua ai se lagona lelei, e pei o le faamalositino le po o le faia o faatufugaga.

**Pe o le a matou faatasi  
ma o'u matua i le lag?**

Ona o le Togiola a Iesu, o le a lelei mea uma pe a tatou feoti. E le tatau ona e popole. E tusa lava po o le a le mea e tupu, o le a avea pea oe o se vaega o le aiga a ou matua faalelagi. Afai e te taumafai pea e filifili le mea sa'o, o le a e maua faamunuiauga uma ua fuafuaina e le Tama Faalelagi mo oe.

**Pe o au ea ua tatala ai le  
faaipoipoga a ou matua?**

Atonu e te manatu sa mafai ona e fesoasoani i ou matua e nonofo

faatasi. Ae o le mea moni e le o oe lava na mafua ai. Na la faia le faaipoipoga. E le o tamaiti i le aiga na mafua ai ona tatala le faaipoipoga.

**Ou te fefe i le mea  
o le a toe tupu mai.**

Pe a tutupu ni suiga tetele, o se mea masani le popole e uiga i le lumanai. Talanoa i lou tina ma lou tama. La te fia iloa pe a e le fiafia, ma e mafai ona la fesoasoani i ou popolega ma fesili. Ia mautinoa ua e tatalo mo se faamafanafanaga.

**Ou te lagona lava le  
faanoanoa i taimi uma.**

E le afaina le lagona faanoanoa. O le faanoanoa e uiga i se suiga tele o se laasaga taua i se lagona e sili atu ona lelei mulimuli ane. E ui lava e te ono lagona le faanoanoa i nisi taimi, ia faaaauau pea le faia o mea e te fiafia e fai. Faaalu se taimi i fafo. Faitau se tusi lelei. Faalogologo i musika fiafia. Ia taumafai malosi i le aoga. Ia fiafia ma au uo. Tatalo i le Tama Faalelagi.

Afai o ou lagona faanoanoa ua umi se taimi ma ua faaigata ai ona e moe, ai, taulai atu i le aoga, po o le faia o mea e masani ona e manao e fai, talanoa i se tagata matua e te faatuatuaina ina ia mafai ona ia fesoasoani atu ia te oe e toe maua se lagona lelei.



"Tatou te talitonu sa avea i tatou, ma o loo avea pea i tatou ma tagata o Lona [Tama Faalelagi] aiga."

Elder L. Tom Perry (1922–2015) o le Korama a Aposetolo e Toasefululu, "Aisea e Taua ai le Faaipoipoga ma le Aiga—I Soo Se Mea i le Lalolagi," *Liahona*, Me 2015, 41.

### **O le a lelei mea uma.**

E tusa lava po o a ou lagona i le taimi nei, o le a amata ona e maua se lagona lelei i se taimi. I le taimi nei, ia tatalo pea i le Tama Faalelagi mo se faamafanafanaga. Ia manatua o le Tama Faalelagi ma Iesu Keriso o loo leoleoina pea oe ma o le a le tuulafoaina lava oe. La te alolofa ia te oe ma ou matua ma o le a fesoasoani ia te outou uma lava. O le a la tuuina atu ia te oe le malosi e lagona ai le toofilemu ma le fiafia. ■

*E alala le tusitala i Iuta, ISA.*

O le a le mea na fesoasoani ia te oe i se taimi faigata e pei o le tatalaina o se faaipoipoga? E mafai faapefea ona fesoasoani i isi i taimi faigata?

**Saunia e Amie Jane Leavitt**

E faavae i se tala moni

*“Ou te fia alofa i soo se tasi aua e tonu lea” (Tusipese a Tamaiti, 83).*

“**Ua** ou fafia lava mo le malo-loga!” Sa ta‘u atu e Ally ia Lauren a o la tuuina a la pusha o meaai i le fata i lo latou potuaoga. “Faatoa fai mai Tami o le a tatou taaalo uma faatasi i le [taalogal] pa‘i i le malae taalo i le aso.”

“Manaia!” O le tala lea a Lauren. “Ou te fafia i le [taalogal] pa‘i.”

Sa fafia ma ofo Lauren na valaulia e Tami Ally e taalo. Sa masani ona agaleaga Tami ia Ally. Sa fafia Lauren ua iu lava ina taumafai Tami e agalelei.

“Ou te manaomia ona ave muamua se tusi i le potutusi, ia mautinoa latou te le amata e aunoa ma au.” Sa ataata Ally a o tamoe i le ala savali i le faletusi.

Sa tamoe atu Lauren i le malae taalo. Ina ua ia taunuu iina, ua uma ona faapotopoto e Tami isi tamaiti totonu o se li‘o. Sa tamoe atu Lauren e faatasi ma i latou.

“Se tope mai, tagata uma!” Sa valaau atu ai Tami a o ia faapotopoto faafufusi mai tagata uma i totonu. “E i ai sou manatu malie ou te manao e ta‘u atu i tagata uma ae lei oo mai Ally iinei.”

# Pa‘i, O Oe!





**SA LEAI SE  
NOFOAGA  
MO LE SAUA**

"I le talalelei a lesu Keriso, e leai se nofoaga mo le taufaalili, faasaua, [po o] le faailogalanu."

Elder Neil L. Andersen o le Korama a Apostolo e Toasefululu, "O Asiosio Faaleagaga," *Liahona*, Me 2014, 20.

Sa lei maua se lagona lelei a Lauren e uiga i lenei mea.

Sa faafufusi mai uma tamaiti i totonu e faalogo. "Nai lo le mauaina o tagata uma e pei ona masani ai," na fai mai ai Tami, "sei o tatou [taa-aloo] pa'i na o Ally. Ae e lelei pe a le ttau a e se tasi i ai, nei tei!" Sa ata lili Tami. Sa foliga mai sa matua mitamita ia te ia lava.



*Sa lei foliga mai e pei  
o se manatu malie—  
ae, e le malie ia Ally.*

Sa tilotilo atu Lauren i isi tamaiti i le li'o. O le toatele o nei tamaiti e lei agalelei ia Ally talu mai le vasega amata. O le taimi lena na amata ai ona agaleaga tamaiti ia Ally. Latou te toe ia te ia ma taufaalili ia te ia. O le tele o taimi e amata e Tami ona mulimuli ai lea o isi tamaiti.

Sa le fiafia lava Lauren i le ala sa latou taulimaina ai Ally. Sa ia filifili i le taimi lena o le a le mulimuli o ia ia i latou. Sa ia iloa o tagata uma o se atalii/afafine o le Atua ma e ttau ona taulimaina ma le agalelei.

Sa ia manava loloa ma tilotilo atu i mata o Tami. "E le logomalie lena manatu ia te au. Ou te manatu e le ttau ona tatou faia faapena Ally. Ia, ou te le fia taalo."

Sa savali ese Lauren mai le li'o ma amata ona toe foi atu i le aoga na o ia e sue Ally.

Ae sa faapea lava o ia sa na o ia.

Ona ia faalogoina lea, "Ei, faatali!" Sa faliu Lauren i tua ma sa i ai iina le toatele o tamaiti mai le li'o a Tami. Sa le talitonu o ia!

"Sei o tatou o e sue Ally ma amata sa tatou lava taaloga o le pa'i," o le tala lea a Damon.

"Ou te fia taalo foi!" Fai mai ai Lea. Sa luelue mai ulu o isi.


Sa ataata Lauren. Ua mou ese lena lagona leaga i lona manava.

"Lelei le manatu!" O le tala lea a Lauren. "O Ally la le ua sau."

Sa ia liliu atu ma popo Damon i lona tauau. "Pa'i, o oe!" na ia ee atu ai, ma tamoe atu ia Ally. Ma na tau-tutuu mai uma tamaiti i ona tua. ■

*E alala le tusitala i Iuta, ISA.*

*O Lauren ma Ally e alala i Kanata. O loo i le aoga maualuga nei ma o ni uo sili lava.*



# TU ATU mo le MEA TONU

*Fai mai lo tatou perofeta,  
“Faamaoni, faamaoni.”  
I mea uma, i taaloga,  
Ia faamaoni, ma amiontonu.  
(Tusipese a Tamaiti, 81)*



O le auala lenei e mafai ona  
ou tu ai mo le mea tonu!

Mulimuli ia lesu Keriso

Tusi lelei

O uo lelei

Musika lelei

Vitio ma isi ala  
o faasalalauga lelei

Galuega Lelei

Faamaoni

Agalelei

Tauagafau

Faaaloalo

# La Fai le Mea Tonu

(Ua Faafaigofie)

Faamamafa  $\text{♩.} = 44\text{--}54$  (*Ia taitaiina i le tai lua pao i le pa*)Upu na tusia e George L. Taylor  
Musika na tuufaatasia e A. C. Smyth

Fai le mea tonu! Ia faa-ma-oni! E ia se ga-lu-ega mo na o oe;

Fai ma le toa ma le a - ga-le - lei, o le a ta - la - i

e a - ge - lu. Ia, fai, pe - a le sa'o; Ia e

fa - a - ma - oni, Ia fai - a pea le mea mo - ni.

© 2015 Puletaofia e le Intellectual Reserve, Inc. Ua taofia aia tatau uma.  
E mafai ona kopiina lenei pese mo le faaaogaina mo gaoioga laiti e le saili tipe i le lotu ma le fale.  
E tatau ona i ai lenei faaaliga i kopi uma e fai.

# O Se Filifiliiga



*Pe mafai e se  
taaloga vitio leaga  
ona maimau ai  
sana uo fou?*

Ina ua tuua le aoga i le aso na sosoo ai, na tatagi mai le logo o le faitotoa. Sa tamoe Diego e tatala le faitotoa. Sa i ai se tamaitiiti fou i le vai aai o loo tutu ai iina. Sa vaai Diego ia te ia i le malae taalo i le aso.

“Talofa, o au o Ruben,” o lana tala lea. “Pe e te fia taalo i lou fale?”

Sa ataata Diego. Se uo e taaalo faatasi? O se tali i lana tatalo!

Sa la savavali atu i le fale o Ruben ma saofafai i lalo i le nofoa. Sa taalo le uso matua o Ruben i se taaloga vitio. Sa leiloa e Diego se mea e mafaufau i ai i le taimi muamua. Sa matuui matautia lava le taaloga ma sa i ai ni ata leaga, ae sa foliga mai sa fiafia i ai Ruben ma lona uso. “Pue mai ia!” Sa ee atu ai Ruben a o la matamata.

Sa lagona e Diego ua faaletonu lona manava, sa ia sioa atu i lalo i ona vae. Sa ia iloa e le tatau ona ia matamata i taaloga vitio faapenei.

Ae o le a se mea e mafai ona ia faia?

Na te le’i manao i lana uo fou e manatu sa le manaia tele le taalo i taaloga vitio e ese le manaia. Pe o le a manatu Ruben e ese lava ia pe afai e fai atu sana tala?

**Saunia e Amanda Michaelis**

E faavae i se tala moni

*“Filifili tau o mea tonu, tau mai e le Agaga Sa”* (Viiga, nu. 149).

**S**a aeae atu Diego i luga o le mauga i lona fale mai le aoga. O le malologa puupuu sa masani lava o le vaega sili ona manaia o le aso. Ae o le vaiaso atoa sa matautia! E leai se tasi sa fia taalo lapaki ma ia, o lea na savalivali faataamilo ai i le malae taalo na o ia lava seia oo ina ta le logo.

“Tina, lea ua ou sau i le fale!” Sa ee atu ai Diego a’o ia faaofiofi atu i le faitotoa ma nofo i lalo i le umukuka.

“Na faapefea mai le aoga?” O le fesili lea a tina.

“E le lelei tele.” Sa uu mai e Diego se apu. “E leai se tasi sa manao ma te taaalo i le malologa.” Sa ia lagona-inna loimata ua maligi, lea na moeiini mau ai ona mata.

“E faigata le lagona o le tuuatoatasi po o le faaesea,” o le tala lea a Tina. Sa ia tuu atu lona lima i luga o le tauau o Diego. “Atonu e mafai ona e faia se tatalo mo se fesoasoano.”

Sa solo e Diego ona mata. “Faafetai, Tina,” na ia fai mai ai ma tamoe atu i lona potu. Pe na popole moni lava le Tama Faalelagi pe sa i ai ni ana uo e taaalo faatasi i le malologa? Sa tootuli i lalo Diego ma tatalo ina ia mafai ona ia maua se uo. Ina ua maea, sa ia maua se lagona sili atu, ae sa ia leiloa pea le mea e fai.

# Faigata

Sa ia tilotilo solo i le potu ma tau-mafai e mafaufau i isi mea e mafai ona latou faia.

Sa manava loloa Diego. "Ei, a . . . e mafai ona e faaali mai ia te au le vaega o totoe o le tou fale? Pe atonu e mafai ona ta taaalo i le falealuga?" o lana tala lea.

Sa tilotilo atu Ruben ia Diego mo se sekone. Sa u e Diego lona laugu. Pe o le a fai mai Ruben e le o toe manao e taalo?

Ona fafia lea o mata o Ruben. "Faatali, e te fafia i taavale? O loo ia te au ni taavale e sili ona *saoasaoa*. E te manao e faataututuu?"

Sa ataata Diego ma luelue lona ulu. Sa ia mulimuli ia Ruben i le falealuga. Na siitia ese le lagona mamafa—sa ia lagonaina e pei ua ia lele i luga o faasitepu! Sa fafia o ia ua i ai sana uo fou, ma sa fafia o ia na te lei matamata i se mea leaga.

"O le taavale momu o au," o le tala lea a Ruben, "ae e mafai ona e faa-aogaina le lanumoana po o le lanu meamata. O le fea e te manao ai?"

Sa aapa atu Diego mo le taavale lanu meamata—lana lanu e fafia i ai. O se filifiliga faigofie lenei e fai. ■

*E alala le tusitala i Iuta, ISA.*



## FILIFILIGA LOTOTELE

"E moomia ai le lototele e faia faa-iuga lelei, e tusa lava pe ese le mea e filifili e isi o loo siomia i tatou."

**Elder W. Craig Zwick o le Fitugafulu,**  
"Tatou Te Le Gauai Atu, E Le Mafai Ona Tatou Gauai Atu," *Liahona*, Me, 2008, 97.





Saunia e Elder  
Quentin L. Cook

O Le Korama  
a Apostolo e  
Toasefululu

*O sui o le Korama a  
Apostolo e Toasefululu  
a ni molimau faapitoa a Iesu Keriso.*


# E mafai faapefea ona ou saoloto pea?



E finagalo le Atua ia tatou saoloto e fai  
filifiliga i le va o le lelei ma le leaga.



O vaisu i mea e pei o fualau faasaina ma le  
ava malosi e faaumatia ai le soifua maloloina  
lelei ma faatapulaa ai lo tatou saolotoga.



O le tele naua o le taimi e taalo ai i taaloga  
vitio, taalo i taaloga, po o le matamata i le  
Televise e mafai ona aveina uma lo tatou  
taimi avanoa.



E taua lo tatou puipua o nisi o o tatou  
taimi avanoa mo lo tatou aiga.

*Mai le "Auega a Ieremia: ia Faaeteete i le Pologa," Liahona, Nov. 2013, 88–91.*

# E Mafai Ona E Salamo

## ma Faamagalo Atu

Ina ua uma ona e papatiso ma faamauina, ua e nafa ma le filifilia o le mea sa'o. Afaí e te faia se mea sese, o le ala la lenei e salamo ai ina ia mafai ona e sili atu ona lelei!

- Mafaufau i le mea sa e faia.
- Faatoese atu ma faia se mea e fesoasoani e faaleleia ai. Afaí e te manaomia le fesoasoani, talanoa i se matua e uiga i ai.
- Tatalo i le Tama Faalelagi. Ole atu ia te la e faamagalo oe ma fesoasoani ia te oe ia sili atu ona lelei i le isi taimi.
- Ua faamagaloina oe! Taumafai i le mea sili e faia le mea e finagalo le Tama Faalelagi e te faia.



A faia e se tasi se mea e te le fiafia ai, o le auala la lenei e faamagalo ai ina ia mafai ona e maua se lagona e sili atu ona lelei!

- Taumafai e mafaufau pe mata aisea na faia ai e le isi tagata le mea na ia faia.
- Mafaufau i se mea lelei e uiga i le isi tagata.
- Tatalo mo se fesoasoani e faamagalo atu pe a faigata.
- Aua e te ita pea i le tagata.



# Clara ma le POLOKALAMA A LE PERAIMERI



Saunia e Jane McBride Choate

E faavae i se tala moni

Clara ma lona aiga sa faatoa uma ona papatisoina. E fifia Clara e ala i luga i le aso Sa ma o faatasi i le lotu.

I se tasi aso Sa sa fai mai ai le peresitene o le Peraimeri o le a i ai se polokalama a le Peraimeri lata mai. Sa le mautinoa e Clara po o le a le polokalama a le Peraimeri. Ae sa ia iloaina sa manao o ia ina ia i ai.



"E mafai ona e faitauina se mau ma tuu atu lau molimau i le polokalama o le Peraimeri?" na fesili mai ai lona faiaoga.

Na lue atu le ulu o Clara. Na fifia lava o ia! Sa manao o ia e aoao le tele o mea sa ia mafaia e uiga i le talalelei. Ae sa popole foi o ia. Ae faapefea pe afai na te faia se mea sese?



Sa faataitai e Clara lana vaega i po uma. Na te le'i iloa lelei upu uma o i le mau.

"O le a e matuai lelei tele," o le tala lea a Mama.

Sa le mautinoa e Clara. O lana polokalama muamua lea o le Peraimeri. O isi tamaiti uma sa faia muamua.



Ina ua oo i lona taimi, sa savali atu Clara i luma. Sa ia misi se tasi o upu i le mau. Ona ia manatuaina lea o le lagona lelei na ia maua ina ua uma lana tatalo. Sa ataata o ia ma tuuina atu lana molimau. Sa ia talanoa e uiga i le tele o lona alofa i le Faaola.



"Ia manatua, afai e te faia le mea sili, o le a faia e le Tama Faalelagi le vaega o totoe," na tau atu e Papa ia te ia.

O le po a o lei faia le polokalama, sa tatalo Clara mo se fesoasoani ia fai e ia le mea sili. Sa ia tootuli pea i ona tulivae ma mafaufau e uiga i lana vaega. Sa ia maua se lagona lelei.

I le taeao o le aso Sa sa tatalo Clara ia aua nei fefe o ia.



Sa ataata Clara a o ia toe saofai i lalo. Sa ia iloaina o le Tama Faalelagi sa le popole e lei faia e ia mea uma i le atoatoa. Sa ia popole i le mea sa i lona loto. ■

*E alala le tusitala i Colorado, ISA.*

# Ua Toe Faaola Mai e Iesu Lasalo



**Saunia e Jean Bingham**

P e na e popole ea ina ua ma'i se tasi o lou aiga? Na popole uo a Iesu o Maria ma Maretā ona o lo la tuagane, o Lasalo, sa ma'i tigaina. Sa la auina atu se tasi e ta'u atu ia Iesu ina ia mafai ona Ia sau e faamalololina Lasalo. Ae na maliu Lasalo ae lei oo atu Iesu.

Ina ua silasila atu Iesu i le matuai faanoanoa o Maria ma Maretia, sa Ia tagi faatasi ma i laua. Ona Ia fai atu lea i se tagata e ave ese le maa mai le faitotoa o le tuugamau, ma Ia

poloaiina Lasalo e sau i fafo. Na toe  
foi mai le agaga o Lasalo i totonus o  
lona tino, ma sa ia savali atu i fafo  
o le tuugamau, o loo ofuina pea  
lavalava ina ua maliu. Sa tau fai ofo  
tagata. Sa i ai ia Iesu le mana i le oti!  
O Ia moni o le Alo lava o le Atua!

O vavega taitasi a Iesu na faaalia ai Lona alofa tele ma Lona mana maoae. Afai tatou te talitonu ia te Ia ma mulimuli i Ana faataitaiga, o le a tatou toe nonofo faatasi ma Ia! ■

*E alala le tusitala i Iuta, ISA.*

# TALANOAGA I LE AIGA

Talanoa pe o le a sou lagona pe ana faapea na e vaai atu ia Lasalo ua sau i fafo o le tuugamau. Ona faitau faatasī lea o le loane 11:1–46 ma faauma fuaiupu nei:

1. Ina ua faafofoga lesu ua mai  
Lasalo . . .
  2. Ina ua taunuu atu lesu i Petania,  
o Lasalo . . .
  3. Sa talitonu Maretia faapea . . .
  4. Sa tagi lesu ona . . .
  5. Na tatalo leotele lesu i le  
Tama ona . . .
  6. Ina ua mavae le faatuina e lesu  
o Lasalo mai le otia, e toatele  
taqata . . ., ae o nisi o taqata . . .

O le oti o se vaega o le fuafuaga  
a le Tama Faalelagi ma o nisi taimi  
o e pele ia i tatou e mama'i pe feoti.  
E tusa lava pe o a tatou tatalo e le o  
talial mai i le ala tatou te mananao ai,  
e mafai ona tatou maua le faatuatua  
e alofa le Tama Faalelagi ia i tatou ma  
silafia le mea e sili ona lelei.

**Pese:** "Na la Auina Mai Lona Alo" (*Liahona*, Aperila 1992, 10)

**Mau:** Mataio 11:2–5;  
2 Nifae 27:23

**Vitio:** Alu i le Biblevideos.org e  
matamata i le "Lazarus is Raised from  
the Dead"

## E TELE VAVEGA TETELE

Faafetaui ia ata o vavega taitasi i le fuaiupu o le mau o loo i lalo.




### MOTUGAAFA O TUSITUSIGA PAIA

Faaaoga le faafanua o le Tusi Paia i au tusitusiga paia e aoao atili ai e uiga i tala o tusitusiga paia. O Maria, Maretia, ma Lasalo na nonofo i Petania, o se nuu e lata ane i Ierusalem. O nisi o taitai i Ierusalem sa mananao e faatamaia lesu, o lea na popole ai Ona soo i le o atu i se nuu e latalata tele i Ierusalem. Sa le fefe lesu ma uunaia Ona soo e mulimuli atu ia te la.

### AOAO ATILI

O le igoa faa-Eperu *Lasalo* o lona uiga "O le Atua o lo'u fesoasoani." Na fesoasoani lesu ia Lasalo i le toe faaolaina mai o ia. Pe o faapefea ona fesoasoani le Tama Faalelagi ma lesu Keriso ia te oe ma lou aiga?



**Saunia e Elder  
Parley P. Pratt  
(1807-57)**

O Le Korama  
a Aposetolo e  
Toasefululua

# SA IA AOAO MAI IA TE AU LE FAATULAGAGA FAALELAGI O LE FAAVAVAU

*Ua ou mafai nei ona alofa ma le agaga  
faatasi ai foi ma le malamalama.*

Filatelefia, sa ou maua ai le fiafia o le toe maua o le isi taimi e feiloai ai ia Peresitene [Iosefa] Samita, ma le faaluina o ni nai aso faatasi ma ia ma isi, ma le Au Paia i lena aai ma le itumalo.

I le taimi o nei faatalanoaga sa ia aoao mai ia te au le tele o mataupu faavae maoae ma le mamalu e faatatau i le Atua ma le faatulagaga faalelagi o le faavavau. O le taimi lea na ou maua mai ai ia te ia le manatu muamua o le faatulagaga faavavau o le aiga, ma le tuufatasia e faavavau o le faatulafonoina i na sootaga e le faamatalaina faamomoiloto e leai se tasi ae na o le atamai silisili, mama aiai ma le loto mama, e iloa ai pe faapefeara ona taui, ma o le mea o i le faavave tonu o mea uma e agavaa ai e ta'ua o le fiafia.

Faatoa ou iloa i le taimi lena sa ou aoaoina ai ia maua uigaalofa faaleaiga ma le tigaalofa e faatatau tonu lava i lenei tulaga faalelalagi, o se mea e tatau ona faamasani atoa i ai le loto, ina ia mafai ona ia saunia mo lona tulaga faalelagi.



O Iosefa Samita na aoaoina au pe faapefeara ona faatauina sootaga faamomoiloto o le tama ma le tina, tane ma le ava; uso ma le tuafafine, atalii ma le afafine.

Na ou aoaoina mai ia te ia, o le toalua o lo'u loto atonu e mafai ona faamautuina ia te au mo le olaga nei ma le faavavau atoa; ma o le faamainaa o tigaalofa ma uigaalofa lea sa tatou alolofa ai le tasi i le isi na tupuga mai i le punavai o le alofa paia e faavavau. Na ou aoao mai ia te ia e mafai ona tatou atiina ae nei uigaalofa, ma tuputupu ae ma faateleina ai i le faavavau atoa; a o le taunuuga o la tatou faatasiga e leai sona iuga o le a avea ma se fanau e pei o le tele o fetu o le lagi, po o oneone o le matafaga.

Na ou aoao mai ia te ia le moni o le mamalu ma le taunuuga o se atalii o le Atua, ua faaofuina i se perisitua e

faavavau, o le peteriaka ma le taitai faalemalo o ana fanau e le mafaitaulia. Na ou aoao mai ia te ia, o le mamalu aupito maualuga o le tulaga faatamaitai o, le tu atu o se masiofo ma faitaulaga tamaitai i lana tane, ma nofotupu mo le faavavau ma faavavau lava o le tina masiofo o ana fanau e toatele ma e faateleina pea.

Na ou alofa muamua, ae sa ou le iloa pe aisea. Ae o lenei ua ou alofa—faatasi ai ma se mama aiai—ma se malosiaga o le siitiaina, lagona o le faaeaina, lea o le a siiina i luga lo'u agaga mai i mea e le tumau o lenei lalolagi gaogaosa ma faalautele ai e pei o le vasa. Sa ou lagona o le Atua o lo'u Tama faalelagi moni lava; o Iesu o lo'u uso, ma o le toalua o lo'u loto sa avea ma se soa o le tino ola pea, e faavavau; o se agelu auauna agalelei, ua tuuina mai ia te au o se faamafanafanaga, ma o se pale o le mamalu e faavavau ma faavavau lava. I se faapuupuuga, ua ou mafai nei ona alofa ma le agaga faatasi ai foi ma le malamalama. ■

*Mai le Autobiography of Parley P. Pratt (1979), 297–98.*

# MALAMALAMAAGA



## E faapefea ona tatou atiae le mata'u i le atua?

"O le mata'u i le Atua o le alofa lea ma le faatuatuaina o la. A tatou matata'u atoa i le Atua, tatou te alolofa atoatoa ia te la. Ma 'e lafo ese i fafo e le alofa ua atoatoa le fefe uma' (Moronae 8:16). Ou te folafola atu le malamalama susulu o le mata'u i le Atua o le a lafo ese ai i fafo le pogisa o le mata'u faaletagata (tagai MF&F 50:25) pe a tatou tepa atu i le Faaola, atiae i luga ia te la e fai mo o tatou faavae, ma fetaomi atu i luma i luga o Lana ala o le feagaiga faatasi ai ma se tautinoga faapaiaaina."

# E I Ai Foi i le Lomiga Lenei

## MO TALAVOU MATUTUA

### ONOSAI: E Sili Atu Nai Lo le Faatalitali

O le onosai e le o se lesona e faatasi ona e aoaoina, ae e ala i o tatou tofotofoga e mafai ai ona tatou malamalama pe o le a le onosai—ma le le onosai.



i.42

## MO LE AUTALAVOU



### Ole Fua mo se Aiga Fiafia

E ala i le faaaogaina o nei mataupu faavae e iva mai le folafolaga o le aiga, e mafai ona e fesoasoani ai i lou aiga ia sili atu le malolosi ma fiafia!

## MO TAMAITI



### Fesoasoani!

O se Tasi ua Tatale  
le Faaiopoipoga

Afai o ou matua ua tatala le faaiopoipoga, o le mea masani le lagonaina o le tele o faalogona. O nei manatu e ono mafai ona fesoasoani ia te oe i na lagona.